

Айдамиров Абузар

КХОЛЛАМАН ЦХЪА ДЕ



Абузар Абдулхакимович Айдамиров

Кхолламан цхъа де

http://www.litres.ru/pages/biblio_book/?art=69446758

SelfPub; 2023

Аннотация

Повесть Абузара Айдамирова "Один день судьбы", в которой показаны трагические события первых лет депортации чеченцев в Среднюю Азию и Казахстан в 1944 году. На примере нескольких человек автор сумел показать весь трагизм этих страшных годов, когда лишённые родины, разлучённые с родными и близкими люди были поставлены в нечеловеческие условия. Вместе с тем показаны яркие образы представителей местных народов, которые оказывали посильную помощь переселённым народам.

Содержание

Абузар Айдамиров

Кхолламан цхъа де

1933-1941-чу шерашкахь ГУЛАГ-н лагершкахь бархI шо даьккхинчул тIаьхъа, шозлагIа а халкъаца Даймахках ваьккхина, казахийн шийлачу аренашкахь халонаш а, бала-наш а лайначу, цкъа а доьналлех, овздангаллех, собарх ца ву-хуш ваьхначу, 1949-чу шеран 14-чу апрелехь Ош областерчу Жанги-Жол районерчу Успеновка йуьртахь кхелхинчу, ци-гахь дIавоьллинчу сайн дена Iабдулхъаькимна.

Шен раж эцна доьдура эзар исс бIе шовзткъе пхоьалгIачу шеран февраль беттан цIемза де. КIилбаседехъара хаддаза схьахьобкхучу шийлачу мохо лобкхура дерзина дитташ.

КIеггина йекхна хуьлу стигал оцу дийнахь, дошан баса йирзина, кхоьлина, догIанан мархийн Iаьржа сомалкхаш ох-кийна, мохь аьлла йелха йохкуш санна, кхохкийна кхозу-ра. Цхъа дагна хийра, оьгIазе хеталора тIера ло даша доьлла Тянь-Шанан лаьмнийн Чаткхалан дерзина даккъаш.

Йуткъа шок йетташ, лай тIера схьахьобкху шийла мох, хь-акхабелла меже шелонца морцуш, кIад ца луш, массо маь-Пехула кхерстара. Адамийн дегнашна тIе цхъа бежа сингат-там туйсуш, маьхъарий хьобкхура, йочанийн кхаь кхайк-хош, дерзинчу дитташна тIехула хьийзачу кьийгаша.

Дерриге а Iаламехь хила ма-деззара хуьлуш, цхъаннен а

цхъа а тайпа хийцам бан ницкъ боцуш, шена ма-ттов чекхдо-
луш доллура и шийла Ia. Тейогучу бIаьстенан меттиг мукъа
а боккхуш, и Ia кхин цкъа а йуха ца дан дIадерза дукха хан
ца йисинера.

Оцу доьхначу дийнахь ламанан тIулган басахула, лаьхъа
санна, сетташ хьалаболучу гIашлойн новкъа дечиган маххь-
аш а гехь меллаша охъайогIура ши зуда.

Шиннах цхъаь – тIейуьйхина этIа тIелхигйаьлла, берриге
а бамбеш а охабелла тиша тужурка а, бамбин одеялах тегна
йеа коч а, коьрта тиллина лелийна тишделла кIинж йолу
доккха кортали а, когахь истангах тегначу пезагашна тIеху-
ла йуьйхинчу калошца шовзткъе итт шарал тIехйаьлла зуда
тIехъаьжча шен хенал а йоккха хетара.

Цхъана хенахь хазачу куьцахь хилла цуьнан лекхо дегI а,
горга йуьхь а, хIинца а тIера хазаллин лар йанза, безамехь
гора. Къеждедлачу гиччоша а, хебаршка ихначу беснеша а,
кIоргга хьех чуэгначу кхоьлинчу бIаьргаша а тоьшалла до-
ра иза гиначу бохамаша хеназа къанйина хилар. Амма и са-
мукъанах цхъа а суй шайна чохь боцу бIаьргаш, кIинхетамах
буьзна, массарех а дог лозуш, гIийла хьоьжура.

Важа, цуьнан накъост, ткъех шо алссам хенара йуккъерчу
дегIахь, Iаьржа йеа месаш, горга йуьхь-марш йолуш хазачу
куьцехь къона зуда йара.

ГIо лобхуш санна, кхерстара Iаьржачу цIоцкъамашна бу-
хара схъахьоьжу, оцу дийнан стигланах тарбелла, кхоьлина,
белха кечбелла, бIаьрхих буьзна цуьнан Iаьржа ши бIаьрг.

Царна чохь кьеггина гора цхьаьнгге а балхоза, балхо меттиг йоцуш, кийрахь IаьIна бала, кьоначу, декъазчу дагна мас-лаIат дехар.

Масех де дара и шиь ламанан цхьана чIаже дечиге обху. Денна цхьаьнакхетара и шиь цигахь, амма йуьртахь цхьацца маьIпехь йехачу цаьршинна вовшийн кIезиг йевзара. Нийсса цхьа шо хьалха вовшашна генахь, Кавказан лаьмнашкахь, шашь йинчу йарташкахь маьрша йехаш хилла и шиь, кхолламо дай баьхначу, уш дIабоьхкинчу лаьттах кьастийна, йаллийна, кхузахь цхьаьнатоьхнера.

Нийсса цхьа шо хьалха цаьршинна ца хаьара, шашьшиь, баьлларг бехк боцуш, йинарг кхиэл йоцуш, февраль беттан цхьана кхаарин дийнахь хIусамашкара ара а йаьккхина, кхуза гена маьха кхуссур йуйла, шашьшиь а, шайн доьзалш а мацалла ца балийта, хIара кьиза кьахьобгуш, сагIадоьхургаш санна, йаьлла лелар йуйла а.

Серсачу дарзо тIадийначу гIашлойн новкьахь, ког шершина, галйаьлла, охьакхетарна кхоьруш, меллаша ког буьллуш, ларлуш охьа чу а йоьссина, ворданан новкьа йелира и шиь.

Йоккха стаг кIадйелла гIелйеллера, амма иза шен ницкъ ма-кхоччу хьалха дIагIертара.

– Хьо кIадйеллий-те, Хелипат? Жимма садаIа, охьахайй вайша? – хаьттира, йуха а хьаьжна, хьалха йоьдучу кьоначо.

– ХIан-хIа, Зану, дIайало хьо, – йоккхастаг, саца а сечна, халла хьала а сеттина, хьалпахьа хьаьжира. – ДIогахь, некьа йистехь, гучу IандагIна кIел сокур вайша.

Зану хьалха длахьаьжира. ИандагІан дитт гена дацара. Пхи бІе гІулч йелахь, кхин гена йацара царна йуккъехь, амма мацалло ницкъ эшийначу цаьршиннан догІмашна гена хийтира цига кхаччалц бан беза некъ.

Ши зуда, кхин йист ца хуьлуш, берриге шаьшшиннан ницкъ тІе а гулбина, махьа кІел букар а йахана, меллаша хьалхахьа йолайелира. Шаьш йолайелла йоьддушехь Хелипатан ойла йора Занус. Зануна хаьара дукха хан йоццуш Хелипатан цІийндай, вуьрхІитта-берхІитта шарачу йахана гІеметта хІоьттина хаза йоПий деллийла а, ткъа иза ша жимачу кхаа бераца Іазап хьоьгуш йуйла а.

Шаьшшинна вовшийн йевзича, Зануна чІога йезайеллера и кьинхетаме, догдика йоккха стаг. Гийшинчу баланашка ца талхалуш дисинчу цуьнан эсалчу хьажаро а, кІеда-мерзачу къамело а, йиначу нанас санна, тІеийзайора иза.

Сих-сиха шаьшшиь ІандагІна гергакхача йоллий а хьожуш, коьртехь уьйриг хилла хьийзаш йеза ойланаш а йолуш йоьдучу цаьршинна гена хьалхахьа, некъана иттех гІулч йуьстаха, Іуьллуш цхьа Іаьржа хІума а, цунна гуонах хьийзаш жІаьлеш а гира. Шаьш герга мел гІоьрти а, иза адаман дегІах тарлора цаьршинна, ткъа гуттар а гергакхаьчча, и шиь тийшира хьалхахьа Іуьллуш гург баккъала а адам хиларх. ЙогІучу кхушиннах бІаьрг кхетча, ши жІаьла меллаша доладелла коьллашлахь кьайладелира.

Вожна Іуьллург беркьа вухавелла воккха стаг вара. МабогІу лергашна тІеозийна тиллина, цкъа цхьана хенахь без-

ачу мехехь хилла, шен холхазах боьхна, хIуманна меха боцу боьмаша холхазан куй бара цуьнан коьртахь. Дерзинчу дегIа те йуьйхина этIа, коржамаш а тийсина аьхна тужурка а, этIа меттигаш тешций, бехчалгашций леррина тIеттIаийзийна аьхна тиша хеча а, берзинчу когашна тIетуьйдина неIаран мачаш а йара.

Голаш мара а оьзна, горгвелла Iуьллура воккха стаг. Цуьнга дIа а хьоьжуш, ца соцуш тIехйелира хьалха йоьду Зану.

– Собардехьа, Зану, тхан эвлара Аюб ву-кх иза. Лаа Iуьллий-те хIара кхузахь воьжна? – сецира тIаьхьайогIу Хелипат. ТIаккха, воккхачу стагехьа дIа а йирзина, цуьнга кхайкхира иза.

Шозза-кхузза мохь тоьхча а, воккха стаг вист ца хилча, йа меттах а ца хьайча, тIейаханчу Хелипата це а йоккхуш меттахьхавира иза.

– Миска Аюб- йаI, – гIийла мохь белира леррина цуьнан йуьхьа те хьаьжначу Хелипатан. – ХIара-м велла Iуьллуш хилла...

Шена хезначу дешнаша хIумма а цец ца йаьккхира Зану, амма те а йахана, воккхачу стаге хьаьжначу цуьнан дагахь цкъа а дицлун доцу сурт дисира. Цунна хьалха Iуьллура кIайн йеха маж а йаьлла можа йуьхь. Аьрзунан зIок санна, хьаьвзина дукь тIедаьллачу мера чуьра а, багара а охьаIийдадедла соьла мераIуьргаш чохь а, мекхашна а, можана а тIехь деттера. Набарна охьавижча санна, хьаббина лаьттарра бIаьргаш. КIеззиг гIаттайеллачу багахь гора цхьа а талха-

за шагатІулгаш санна, кІайн цергаш. Тужуркин этІачу херошкахула гора шелоно сендина оза дегІ. Йуххехь Іуьллуро мелла бертиг йихкина цхьа-ши кана хьаьжкІех буьзна жима пІаьлдиг.

– Йалохьа, Хелипат, дІагІо вайша. Со цуьнга хьежалац-кх, дог обккхуш лаьтта-кх сан, – аьлла, шен хих буьзна бІаьргаш дехарца Хелипате хьовсийра Занус.

– Вайша дІа ма-йаьлли, схьадогІур ду-кх и жІаьлеш. Цхьа а стаг вац-те новкъа вогІу гуш?

Зану некъа дІасахьаьжира.

– Вац, Хелипат...

– Вайша хІун де-те, Зану?

– Новкъа дІасалелаш адамаш долуш тІе жІаьлеш гІертар дац хир ду цунна. Кхузахь лаьттачул, чехкка цІа а гІой, нахе хаййта вайша?

– Хаййта-м хала ма дацара, Зану. Хаййтича, хІара дІа а вигна, хІокхунна каш даьккхина, хІара лаьттац волла ницкъ кхочур болуш боьрша стаг тхан эвларчу нахана йуккъехь-м вац. Цхьаберш цомгаш эгна Іохку, важаберш шайн догІамаш халла ирахь лелош бу. Хаац-кха, хІун дер.

– И цхьа пхи-йалх стаг ву оцу гІуллакхна йукъ йихкина лелаш. Цаьрга хоуьйтур вайша.

Цхьана минотехь ойла йиначул тІаьхьа, Аюбна йуххера дІайелира Хелипат. Кийра даш доьттича санна, дегнаш дазделла, гІелйелла эвла йолайелира ши зуда. Цаьршинна хьалха хІуьттуро, и воккха стаг санна, декъазчу Іожаллица бел-

лачу шайн безачийн, гергарчийн суурташ, шаьш хIинццалц
схьа Гийшина баланаш, инзаре ирча тахане, кхин а ирча,
буьрса тIейогIу кхане...

– Велла, кху дуьненара дIаваьллачун-м ирс дара, – элира
Хелипата, шаьшшиь цунна дикка генайаьллачул тIаьхьа. –
Дийна дисинчу вай хIун дика хьогур ду?! Амма тамаший-
на бу-кх дуьненан белхаш. Масане хир дац моьттург хуьлу,
ла ца дийгIинарг тIедогIу стагана. Хьажал хьо Аюбах хил-
ларг. Цхьа шо хьалха боккха доьзал, шортта даьхний, йоккха
ков-керт йолуш, нахана Iаламат дукхавезаш, хьанала вехаш
стаг вара иза. Цхьа шо далале, доьзалх, бахамах ваьлла, гIаж
санна, цхьалха висира. Ткьа мел онда, дегIехь ницкь болуш,
уьнах цIена стаг вара иза! Дезткьа шо гергга хан йара цуь-
нан, ткьа тхан йуьртахь балха тIехь цуьнца ларош стаг ваца-
ра, Колхозехь собрани хуьлуш, ударник ву бохуш, даим стоь-
ла улло хьаькамашна йуккье охьахаавора иза. Цул сов, хIара
Iедал доккхучу хенахь Микли-паччахьна дуьхьал тIом беш
масех чов а хиллера цунна. ХIинца а сайна гуш санна хета су-
на, ворхI-бархI шо хьалха депутаташ хоржучу дийнахь йуьр-
тахь дуьхьара йаьшки чу тосу кхаж цуьнга тасийтар. ХIин-
ца шен коьртахь болчу куйнаца, исхаран чоица, цунна чуху-
ла йуьйхина атлазан гIовтал, йукьах йихкина детица кхелина
шавлта. Оццул нисвелла, хазачу цуьнан Iожалла кхерстачу
жаьблин санна хили. ТIехь деша-м хьовха, аттала кьилбехьа
верзо стаг ца хилла уллохь. ОхIхIай, Дела, хьан болх бу-кх!
Хаац-кх, вайн Iожалла муха хир а, вайна латта мичахь доь-

Гна а...

– Пекъар, стенга вьдуш хилла-те иза?

– Стенга вьдуш хилла хир вара иза? Цхьа иэшам бац ткъа вай дерриге а арадаьхнарг! Кхалла хIума лаха вахана хилла хир ву-кх! Веза Дела, хьуна дика хаьа хир ду-кх. КIадйелла, настаршна чохь са ца дисина сан-м. Каррехь йегайо-кх. Жимма йал йей вайша?

Зану реза хиларе а ца хьобжуш, гира махьаца цхьаьна тIуьначу лаятта охьахиира Хелипат.

– Тамашийна стаг йу-кх хьо, Хелипат. Хьан амалех цецйолу-кх, со, –элира Занус ша, охьа а хиьна, паргIатйаьлча.

– ХIунда бах ахь?

– Даима нахах доглозуш, царна маслаIат дан гIерташ хуьлу хьо, ткъа хьайгарчу баланех лаяцна цхьа дош а ца олу. Са чоIа стаг йу хьо. Велла Iуьллу и воккхастаг гича, со йелхаза ца Iейели, ткъа хьан бIаьргех хин тIадам а ца белира...

Хелипат цхьа гIайгIане йелайелира.

– ЭхIей, диканиг, дера, дукха ма йилхина. Ма дукха йилхина-кх. Дукха йелхарна, бIаьргаш чохь хи ца дисина. Дог доьлху, ткъа бIаьргех хи ца долу. Ас хьаьнга балхор бара сайгара бала? Хьанна оьшу сан балхамаш, цIийзар? Мила ву цхьа бала кийрахь боцуш, Дала делла Iеш? Цхьа а вац, Зану. Къанийелла со хIинца, мел йаьхча а, дукха йехар йац. Хала делахь а, Iожалло дIайиггалц садеттар ду ас...

– Иза а ду-кх бакь. Делахь а, лаьа-кх шегара бала балхо, дог хьао, тIаккха шена синтем хир болуш санна. Велла Iуьллу

воккхастаг гича, хилларш а, гинарш а дерриге карладевлла, ойла йеш йогий со-м. Сан а дара да-наний, шиъ ваший. Вай цѣра арадахале цхъа ах шо хьалха маре йахана со... Хусамдеца кхуза йалийра. Тамехъ йаьккхина цхъа ност йоцуш вара иза. Ас иэша хУума-м ца дитира цунна... Кху аьхка кхелхина иза...

Логѣ гѣртачу йелхаран кѣурдаша садукъдинчу Занус шен къамел сацийра.

– Хаъа суна, Зану. Вевзара суна иза. Аьтту ност йоцуш, озо йѣха йуьхь-марш йолуш, Іаьржачу аматехъ, хьийзина Іаьржа корта а болуш безамехъ жима стаг. Некха тѣхъ ордалш а хуьлура цуьнан.

– Тамехъ хьуьнар гайтарна йеллера цунна уьш. Цхъаъ ордал йара, шиъ мидал йара. Жима пѣаьлдаг бина, кучана чухула коча а тесна, йиллина дѣа сайн дегѣаца лелош йу сан уьш. Ткъа сайн нахах хилларг хаац суна вай арадаьхначу дийнахъ дуьйна.

Бѣаьргаш буьззина чухИиттина бѣаьрхиш, тѣх а даьхкина, татолашца беснешна тѣхула охъахъаьлхира Занун. Шен коьрта тиллинчу тишачу йовлакхца хиш дѣа а хьобкхуш, кийрахъ йобьхура иза.

– Дѣра, хаац суна-м, Зану, хІун дийр ду. Цхъа Делан болх бу-кх хІара. Дала динчунна реза а хилла Іийча, хьегнарг цхъа йал йоцуш довр дац хир ду вайн. Дависарг, Іовдалш хили вай-м. Махкахдахар гѣалат ду, нийса дац, цунах кхеттачу Іедало йуха цѣадерзор ду бохуш, колхозо ваьшна деллачу лаьт-

та те стожа баъста йалташ ца дийра. Цундела кху бухахь долчу къоманачул хьалха мацалла хЮьттина вайга. Вай, схьа ма-кхеччи, дерриге балха а девлехь, вайна къастийначу латтанаш те йалташ а дийнехь, кху хьолехь ца хила а мегара...

– Ма дийцахьа, Хелипат, – элира Занус, доккха са а даьккхина. – Дукха бехк а бацара нехан. Тахана-кхана ца доьрзу бохуш, кху махках дог ца леташ Гийра-кх. Хинца а ву массо шайш Даймахка йухадерза кхана новкъа девр ду мояттуш. Со а, хьо а теша цунах. Вайна иза дагара баьлла минот йац, аттала генах а. Ткъа масазза кечйелла со новкъа йала, сайн миска къелгаш¹ да а хьарчийна? Мацца а цкъа со новкъа йалахь, баа хир бу бохуш, дабиллина латтош ши кийла мекхан цу бу сан... Латта-м ца дийра. Цкъа-делахь, вай да-гур ду мояттура, шолга-делахь, кхузара латта вайн махкраниг санна лелош дац. Кхузара латта лело говзалла ма йеза.

Новкъарчу гулгах ког тасабелла, галйаьлла Хелипат, дакхоссайелла, бердан басех куьг гортийна, охьа ца кхеташ йисира.

– Доцца аьлча, гуллакх галдаьлла-кх вайн, – элира цо, куьйгах летта хатташ да а бохуш, – дадаханчу шарахь адамаш даларна бехке-м мацалла а йацара. Хеттахь вайн карахь цера деана мелла а йалта дара. И чекхдаьлча, карара салпал а йухкуш, хума эца аьтто а хилира. Махкаллаш деш белира дукха нах. Кху Гай гелдин вай мацалло. Баккъалла а аьлча, дукха нахехь ницкъ а бацара шайна къастийна латта

¹ Къелгаш – кеззиг бен йоцу тиша хуманаш

лело, балха баха а.

Хелипата аьллачо Зануна дагадаийтира бӀаьста, гуттар шайн гӀаддайча, ша куз бохка йахар. Иза бара шиь-ах метр шуьйра, кхоь-ах метр беха, хаза кечбина гӀажарийн куз. Зану Маиле йеача, ден-ца а йахана йуха йогӀуш нанас совгӀатна белла. Зануна хезнера, и куз мацах цкъа шен денанас, гомаш а йоьхкина, эцнера бохуш. Шашшиннан долара дерриге хӀума доьхкинчул гӀаьхьа а ца бухкуш, Занун ден а, ненан а безамна Галашбеш латтабора цаьршимма иза. Амма кху Гай цӀеххьана цомгаш хилла, вехха меттахь висинчу Маилна кхачанна кхин дан хӀума а ца хилла, иза бохка арайелира Зану. Цхьана кертара вукху керта хӀуьттуш, йуьртах чекхйелира иза. Безачу кузах цуьнга кховдориг йа ах кийла даьтта, йа жимо ши хьокхам хуьлура. Хьанна хаьара, луларчу йарташкахь, къаьсттина царна бархӀ километр генарчу узбекийн йуьртахь хӀуттучу базарахь кузах ах мах бала а мегара. Амма Занун а, йа цхьана а нохчочун а бакьо йацара комендатурин бертаза цига ваха. Ткъа Маилан (цунна дукхавезачу, цуьнан гӀийлачу Маилан) кийра рицкъа дахаза масех де дара. Куз луччух дӀабохка дийзира. Иза суьйранна ца йеара, ах кийла даьттий, ши кийла нехчий, цхьа кийла хьаьжкӀийн ахьаррий дохьуш...

– Хелипат! – ЧӀогӀа йистхилира Зану, иза уллохь йоцуш, ткъа цхьана генахь, мохь тоьхча ца хеззехь йолуш санна.

– ХӀун боху ахь, Зану? – цецӀаьлла хьалатаьира Хелипат.

– ХӀун бехк баьлла доьхкина вай кху кьизачу Газапе? Ма

хала ду хIара лан! Цхъа бехк баьлла, таIзар токхуш делхъара а хIумма дацара. Бехк-гуьнахь доцуш цIийнах, махках баьх-на бIарзбина лело зударий, бераш... ХIара-м адамана дуьйцу а цахезнарг дай, Хелипат... Стенна бехке ву и велла Iуьллу воккха стаг, вайша, кхин а эзарнаш? Вай хъанна хIун дина, Хелипат?...

Зану, саца а сецна, жоп добыуш, Хелипате хъаьжира. Хелипатна гира оьгIазаллех буьзна богу Занун Iаьржа бIаьргаш, йолчу тIе а макхийелла йуьхь, хорша йеача санна, йего чIениг, вовшехйеттало цергаш.

– Хаац, Зану. Суна хаац... Кха тIе а йахана, нийсса ца Iан а халла хууш къанийеллачу суна ца хаьа хьуна жоп дала. Хьуна дешар хаьа, Iедалан балхана йуккъе а гIиртина. Сол хьекьал долуш хир йу хьо.

Маржа дуьне йаI-кх! ДIа мел боккхучу кого, олучу дашо карлабоху-кх генара Даймохк, ирсе къоналла!

«Хьуна дешар хаьа, хьо Iедалан балхана йукъа а гIиртина...»

Карладийлира йуьртарчу школехь добыуш Iийна шераш, Маилца цхъаьна ворхI класс чекхийаккхар. Ша йуьртан библиотекехь болх бина ши шо. Дуьххъара йуьртахь вовшах-тоьхна исбаьхьаллин цхъаьнакхетаралла, Соьлжа-ГIалахь нохчийн театран сцени тIехь шаш концерт хIоттор; «Ленинан некъ» газетнн йоьалгIачу агIон тIехь зорботоьхна ша а, Маил а цхъаьна хелхадолуш даьккхина сурт; шайн коллективан кхиамех лаьцна радио чухула дуьйцуш, доккхадеш дог

детталуш, ша ладегар. ХІетахь... хІетахь – и шиъ къона дара... Занун йалхитта шо, Маилан – ткъайасна шо. ХІетахь тІом бацара, адам маърша дехара, хІораннан а бешахь йара ирсе бІаьсте. Хъанна хаъара, хъанна мовттура...

«Гур буй-те йуха Даймохк? Гур дуй-те кхин нохчийн маттахь газета, книга?... хезар дуй-те радио чухула ненан маттахь къамел? – ховттура цо ша-шега, бІаьргех оьху дуъра хиш дІа а хьокхуш. Ткъа Маил тешна ма вара тхуна тІехь хІоттийна хІара хъал Сталинна ца хууш, иза Іехийна, хІоттийна хиларх, дерриге ма-дарра шена и хиъча, цо тхо тхешан махка дерзориг хиларх... Ткъа Маила цкъа а ца олура харцдерг...».

Зану тешара мацца а цкъа шаьш дай баьхначу лавтта тІе доьрзург хиларх. ХІораммо а санна, цо а шаьш новкъа девр долу денош дохкура. Новкъа йогІуш цхъаьний пхи-йалх машина гича, станцешкахь йаьсса лавтташ цІерпоштан вагонаш йара аьлла хезча, хІор а дог теший хуьлура уьш шаьш дІадига кечийна хиларх.

«ХІаь, тхо-м, дийна диснарш-м, мацца а цкъа цІа доьрзург ма дара, – ойла йора Занус, – Даймахке са а туьйсуш, цуьнга а кхойкхуш, кхузахь лавттах баханчийн къа ду-кх. Маил, сан хьоме Маил, хьо суна хир вац-кх...»

Оццу цхъана ойланаша дІалаьцна ши зуда кхин вовшашка йист ца хилира йуьрта йоллалц.

II

Кхоблина деана де къаьсттина а сингаттаме хуьлура Нико-

лай Кузьмична. Йочанца цхъаьна лаза йолура цуьнан хадий-на ност. Лазарша карладохура тIеман хьалхара буьрса денош.

Немцойн фашисташа, тIе Южаллин дарц детташ, хIаллак-дора машаре адамаш, сийначу цIарах йогура йарташ, гIаланаш, адамо эзарнаш шерашкахь кхоьллинар г...

Хьомечу Украинин латта мостагIчунна а дуьтуш, дегнаш кьуйлуш, малхбалехьа йухадийлар. Цаьрца цхъаьна, шашь иттаннаш шерашкахь гулбина бахам а буьтуш, малхбалехьа уьдура фашистийн олаллин а кIел совца ца луу зударий, бераш, кьенаниш.

Эххар а – Волга-хин бердаш. Кхин дIа йухадовла бакьо йац! Кхузахь Толаман Де тIекхачале, минометан снарядо аьт-ту ност оту...

Эзар исс бIе шовзткье шолгIачу шеран берхIитталгIачу ноябрехь цIен бос а богуш, элдарчу дегIахь, каде, самукъане хилла гвардин капитан Бороденко шолгIачу дийнахь дуьйна тIеман гIуллакхна пайденна хуьлучуьра дIавелира гуттарена а.

...Йеха санитарни цIерпошт. Йуккьера Ази. Ташкент, кхузахь госпиталехь – кхо бутт...

Госпиталера протезций, Iасанашций араваьлла иза хIетахь дуьйна ву кху гIиргIазойн лаьмнашкахь. Столыпинан заманахь кхуза кхелхинчу украинцаша йиллинчу йуьртахь болх беш вара. Йуьхьанца – историн а, географин а хьехархо, тI-аккха – ишколан директор.

Хьанна мояттура, хIара дахар иштта хаьрцар ду. Ткьа цуь-

нан сатийсарш, дахаран Іалашонаш?

Карлайелира ша Киевски университетан исторически факультетехь доьшуш хилла хан. ХІетахь цо шен дахарна хьалха йаккхий Іалашонаш хІиттайора. Уггар хьалха – Іаьржа йеа месаш, жугІара баьргаш долу аьрха Света Пантелейчук йало. ТІаккха, дика дешарца университет чекхйаьккхина, цхьаьний аспирантуре даха, шиннех а Іилманчаш хила.

Іалашо кхочушхуьлуш дІайоьдура, Светлана а йалийра. Шиммоа тІехдика чекхйаьккхира университет, ший а аспирантуре дахара. Николай Россин ХІХ бІешеран исторех дисертаци йазйеш вара, ткъа Светлана – арахарчу мехкийн керлачу исторех. Амма эскарехь гІуллакхдан кхайкхаро, Николайн Іалашо цкъачунна йукъахйаьккхира. Делахь а, иза цуьрриг а шеквацара. Диь шо дукха хан ма йац. Иза-х кьона вара, цуьнан шортта хан йара аспирантура чекхйаккха а, шен Іалашо кхочушийн а. Цо тоамбора зудчун кхиамех. Николайс эскарехь гІуллакх дешшехь, Светланех историн Іилманан кандидат хилира. Иза цхьана Іилманан-талламан институтехь балхахь йара. Кхуьуш жима кІант а вара цаьршинан. Николайн кьеначу нанна шел ирсе стаг дуьненахь а вац моьттура.

ЦІеххьана – тІом. Цо дохийра Николайн доьзалан ирс. ТІом болабеллачу хьалхарчу деношкахь фашистийн бомбанаша дийра Николайн нана а, зуда а, кІант а...

Іилманча а цунах ца хили. Доьзал а бац. Атгала цуьнан ирс ца хили, и хьердаьлла фашистски экха, лаьллина, малхбу-

зехъа а дигна, ша схъадаьллачу тунгари чу а доьллина, цигахъ цуьнан корта отуш дакъалаца а. Ткъа цуьнан бѣаьхаллин накъостий цига кхочуш лаьтта. Советски лагта тоххара цандина фашистех. ХІинца тІом Германин махка тІехъ бу. Стохка дуьйна шашь бинчу меттигашка йуха дѣаоьху тІом болчу хенахъ малхбалехъа кхелхина бахархой а. Цигахъ йухаметтахІиттош йу йарташ, гІаланаш. Ткъа гвардин капитан хилла, амма хІинца заьІап хъехархо Бороденко кху лаьмнашка а хиьна Іа.

ХІун дийр ду цо? Дийна йисина йиша а фашисташа Германе дІайигна. Хууш дац, иза дийна йу йац а. Цига йухавирзича а, дерриге а карладийр ду. Йуха а бастабаларна кхоьру хено берзийна деган чевнан муо. Изза кхоллам бу цуьнан зудчун а. Кху эвлахъ, кху школахъ девзина цаьршинна, кхузахъ бозабелира цаьршиннан кхоллам.

Цуьнан майра а вийна Смоленскна уллохъ хиллачу тІамехъ, Курскехъ йийна жима йоІ а. Цунна а ца лаьа Курске йухайерза.

Хало шераш ду хІорш. Цъа къена нах боцурш, берриге а божарий фронтехъ бу. Йуьртбахаман гІуллакх дерриге а зударийн кочахъ дисина. Партийни а, советски а, колхозан а куьйгалла хІокху кхааннан карахъ ду. Иза ша парторганизацин секретарь ву. Анастасия Федоровна – йуьртсоветан председатель, тІеман заьІапхо Сапар – колхозан председатель. Цара шайн ницкъ ца кхоош къахъоьгу фронтана. Дерриге а толамна, дерриге а оккупацех паргІатйаьхначу малхбу-

зен областашна д'ахыйзадо цара. Хала-м ду, амма йуъртара цхъа а вахархо вац ч'е'а'ш. Царна хаъа, мостаг'I вохийна, д'а-ваьккхича бен, Даймахкахъ машаре дахар х'уттур доцийла. Х'инца цкъа-м х'ор а доьзалехъ бала бу. Дукха хан йу лозварш, эшарш, самукъане иллеш ца хеза.

Йоьхначу т'е а таро йохийна нийсса шо хьалха кхуза балийначу нохчаша. Д'адаханчу шарахъ, х'орш кхоъ мел г'ертарх, цара латта д'а а ца дийра, массара а колхозан балха т'ехъ дакъа а ца лецира. Шаш тахана-кхана Кавказе йухадоьрзур ду мояттуш, Iехабелла к'бинхъегамна йуьстахбевлла Iийра. Ткъа х'инца цаьрга мацалла х'оьттина. Махкаллин цамгарша ницкъ эшийна церан. Баларш хуьлу денна. Ткъа йуъртарчу Iедалан, колхозан а ницкъ бац царна г'о дан.

Складашкахъ йолчух к'ез-к'езиг д'ало царна, амма цунах кхачо хилац. Шайга terra халачу хьоле х'иттийна цара бухара бахархой а. Т'ом боцчу хенахъ-м х'уттур дацара цаьрга и хьал, ткъа х'инца хала ду-кх.

Иза оцу г'айг'анечу ойланех йукъахваккха санна, цкъашозза меттах а хъайна, велхаозийра гаьнгали чохъ вижина Iуьллу церан жима Вова. Николай Кузьмича, доккха са а даьккхина, шен кара къолам а эцна, хьалхауьзира бицбелла Iохку Мария Петровнин дешархойн йозанан белхаш.

К'ант а техкош, белхаш талла вуйлира иза. Амма х'инца цуьнан коьрте керла ойланаш хьийзара. Бес-бесара кехаташна, кехатийн кескашна т'ехула йазийнчу х'ор а ц'еран шен-шен, амма цхъатерра биографеш йара. Петькин, Витькин,

Аллин а дай фронтехь хІаллакьхилла. Доь доцуш вайна Маринкин да а. Любин да Прагехьа хьалхатеІаш ву, амма нана цомгаш Іуьллу. Ткьа Володин ваша, могІара салти, шина орденан кавалер ву. Машаре зама йелхьара, оцу берийн йаххьаш берийниш санна хир йара, ткьа хІинца уьш кьеначу нехан санна йу.

Аьстамиров Берсин болх карабеача, цунна бІаьргашна хьалха хІутту Іаьржачу аматехь оза шийтта шо хенара жима кІант. Цуьнан баккхий кхиамаш бу литературин а, историн а, географин а предметашна. Амма иза ларавац оьрсийн меттан грамматикица. Николай Кузьмична гІайгІа хуьлу цуьнан болх таллар. ХІор а дашехь шишша-кхоккха гІалат. ХІетте а, Николай Кузьмична лаац, шиь а диллина, цуьнан догдохо. Кьинхьегамна тІера, дешарехьа боккха безам болуш, хьекьале бер ду иза. Цул сов, цаьршинна йуккьехь цІеххьана цхьа шатайпачу хьолехь кхолладелла доттагІалла ду...

* * *

Йуьртан а, школан а куьйгалхой мел чІогІа гІертарх а, церан ницкь ца кхаьчнера школехь доьшу хан йолу нохчийн бераш дерриге а дешарна йукьаозо. Цуьнан кхоь бахьана дара: нохчийн берашна йа гІиргІазойн а, йа оьрсийн мотт а ца хаьра. ХІюкху маках а, кхузарчу кьаьмнех а боьлла цахилар, шайна тІехІоьттина хало а. Цундела, школан хьехархойн коллективо кьаьсттина а йоккха терго йора доьшуш долчу нохчийн кІеззигчу берийн. Занятеш чекхйевллачул тІаьхьа

биллина да царца болх бора, харцахъара лелча а, гечдора. Шаш иштта церан догъэцча, важа дисина бераш а школе дахкаре догдохура хъехархоша.

...Дешаран шо доладелла бутт а балале, пхьоалгачу класераБерса а, ворхIалгачу класера Митька Величенко а валлош Николай Кузьмичан кабинет чу йеара пхьоалгачу класан куьйгалхо къона хъехархо Валентина Андреевна. Шина а кIентан йаххъашна тIехъ сийна буьччалгаш а, цIийн хьоькхнаш а йара.

– Сан бехк бац! Иза ша хьалха летира сох! – мохъ хьоькхураМитькас, велха а воьлхуш, – даим массеран а кочахъ ву иза. Цо сайна тIулг тоьхча, летта со. ТIехула тIе, ша, урс Iоьтина, сан гай хьоьцур йу бохуш, кхерамаш туьйсура цо...

Берса, вист ца хуьлуш, обгIазе шен довхочуьнга а хьаьжна, доккха са а даьккхина, соне вогIавелира.

– Митькас дуьйцург бакъ дуй, Берса? – хаьттира Николай Кузьмича.

Берса вист ца хилира.

– Гой хьуна, Николай Кузьмич! Бакъду, дера-кх! ДIатийний? Вистхила йуьхъ ма йац цуьнан!

– Ткъа хьо вист ма хила! Хьоьга ца хьотту цо. Хьан гIоггIал воцу Берса ма дика лета хьох? Хьайн бехк нахана тIетатта ма гIерта! – Берсегахъа гIодаьккхира Валентина Андреевнас.

Баркалlex буьзна ши бIаьрг Валентина Андреевне а хьажийна, йуха а охьатаьIира Берса.

«Бераш – бераш ду-кх, – оила йора Николай Кузьмича, цаършинга а хьобжуш, – шайниг дуйтий ца Ia уьш цхьанна-хьа а, цкъа а. Чевне хIума ца хуьлура царна йукъадогIург-м. Цхьа сахът далале, тан а тайна, цхьаьний ловзуш дIаволалур ву. Амма Митька иштта дIавахийта тарлур дац. Цхьанна гечдахь, бисинарш а эвхьазбевр бу».

– ХIаьа, дера, ду шу, Митя, дика кIентий. Вокх-воккханиг жимачух лета. Кху цхьана баттахь масазза а низам талхийна ахь. Классан куьлйгалхочо масазза а валхийна хьо. Хьайн къена нана ас педсовете кхойкхийла лаьа хьуна? Хьан да вийча, дагна хилла чов ца йоьрзуш, синтем байна хьийза, хIинца хьох гIайгIа а хилла лела иза. Вайн ирсан, вайн даймехкан дуьхьа шен дахар дIаделлачу хьайн ден, тахана гена Польшехь фашистех леташ волчу хьайн вешин, йерриге халонаш эшош, шена там-товр ца лобхуш, церан дуьхьа кху цIахь дийнахь-буса а къахьобгучу хьайн ненан жимма мукъа а оила йан йезара ахь. Хьан хенара пионераш, фронтехь фашистех леташ, халкъан турпалхой а хилла, дIахIиттина, ткъа хьо... Дийцина а хIун до цуьнан!

Николай Кузьмича, пхьаьрсийн голаш стоьла тIе а хIиттош, шина куьйга корта а лавцна, охьа а таьIна, доккха садаьккхира. Митька корта а оллийна хIоьтина лавтгара.

– Уроке гIуо ший а. Амма, хаалахь, Митя, нагахь ишттаниг хьох йуха а далахь, хьо школера дIавоккхург хилар.

Митя сихха араиккхира, ткъа Берса, меттах а ца хьовш, ша лавтгачохь сецира.

– Вало, Берса, уроке дагю, – букъа те дайн куыг дуьллуш, шеца хьалха даозийра иза Валентина Андреевна.

– Со жимма таьхьа соцу, Валентина Андреевна, – элира вукхо, хьала а ца таьлаш.

Валентина Андреевна баьргашца хаттар деш Николай Кузьмиче хьаьжира.

– Иадвитахьа, Валентина Андреевна. Таьхьа тевогур ву иза.

Берсин цхьадолчу аматаша Николай Кузьмична дагаво-уьйтура 1942-чу шарахь тамехь шен баьхаллин хьуьнаршца берриге махкахь гараваблла хилла нохчийн клант Нурадилов Ханпаша. Сталинград мостагех ларйеш турпала вьожна иза давоьллинера Донан лаьттахь. Иза дара Николай Кузьмична чов хилале нийсса кхо бутт хьалха. Бакьду, Николай Кузьмична и ша цкъа а ца гинера. Амма цунна дика дагадогтура иза вийначул таьхьа Донски фронтан политурхалло арахецна плакат. Хинца а шена гуш санна хетара оцу тера кьоначу нохчийн клентан сурт. Маж-мекх далаза горга йуьхь, баккъал а аьрзучух тера майра хьажар, некха тлехь Щечу Байракхан а, Щечу Седанан а ши орден. Советски Союзан Турпалхочун це вийначул таьхьа йелира цунна.

Хетахь Ханпашех лаьцна поэто Долматовскийс йаздина, баьхойн уггар дезачех цхьаь хилла дахюьттина илли хинца а дагахь хаьара Николай Кузьмична, хинца а, цкъацкъа, ша висча, лоххачу озаца шена олуш меттигаш а йора. Дагахь лаьттара плакатан цхьадолу моганаш а:

... «Темало-наьрт, темало-аьрзу, темало-рыцарь – иза йу турпалхочун-пулеметчикан, гвардин старши сержантан, комсомольцан Нурадилов Ханпашин бакъ це...

...Нурадилов Ханпашас шега схьаэцнера доьналла долчу нохчийн халкъан тоьлла гиллакхаш: цуьнан турпалалла а, аьрзунан каделла а, цуьнан майралла а, къонахалла а, доьналла а...

... Нурадиловс шен пулеметца 920 фашист халлаквина...

... Хьажал хьо, баьхо, ламанан аьрзунан, турпалчу пулеметчикан Нурадилов Ханпашин суьрте! Кавказан турпалан, нохчийн халкъан кентан баьхаллин хьуьнарш тамехь доьналлин масал хуьлда хьуна а, хьан накьосташна а...

...Тамехь кхерам хун йу ма хаалахь, нохчийн халкъан доьналла долчу канта ма-иэшайарра, майрра иэшайелахь южалла...»

Дерриге а шен фронтан дахарехь политрук хилла Николай Кузьмич, газеташ доьшуш, дукхазза а тегитталора нохчийн халкъан кенташкара дийлинчу теман хьуьнарех лаьцна долчу дийцаршна. Амма даиманна а цуьнан даг чохь висинарг Ханпаша вара. Ца дицдора таьхьа «Известия» тегьша дешна Нурадиловн коша тегь цуьнан командиро диначу къамелера довха дешнаш а:

«Ламанан аьрзу! Иллеш дукхадезара цунна. Дадевр ду шераш. Керлачу, хазачу зьаьнаршца лепар ду вайн дахар. Ткъа Нохч-Галгайчоьнан ирсечу кегийраша, Донан мехкарша, Украинан кенташа гвардин старши сержантах Нуради-

лов Ханпашех иллеш бохур ду».

Уш дерриге а цхъана секундехъ хъавзира Николай Кузьмичан коьртехъ. Ткъа Берса, д'авоьг'ча санна, ша х'юьттин-чохъ меттах ца х'овш лаяттара. Хъехархо, и шиь шавшша а витина, арайелира.

– Берса, хъан соьца г'уллакх ду? – хаяттира цо, шен ойла-наш д'а а лаяхкина.

К'анта, вист ца хуьлуш, корта т'аийра.

– Схъадийцал, ц'ахъ бохам-м ца хилла вайна? Воккха стаг цомгаш хилла?

Берсас корта ластийра.

– Йа х'ю х'уо могаш вац? Го суна, х'юкху деношкахъ й'уьхъ т'ера бос байна, г'ийла ву х'ю. Ц'ахъ й'уург й'ац хъан? Схъавоьл суна улло.

Берса, т'е а вахана, Николай Кузьмична хъалхха д'ах'юьттира.

– Йу. Со а ву могаш.

– Ткъа х'юн хилла х'уна?

– Николай Кузьмич, со сайн бехкенна ца летта Митех...

– Иза-м суна хууш ма ду. Ас-м ца вира х'ю бехке. Цунна сецнера х'ю?

– Х'а-х'а. Митька коьртехъ волуш ц'хъа масех к'анта, т'ехбеттамаш беш, аравала а ца вуьту со...

– Забарш йеш ма хуьлу, Берса, – велавелира Николай Кузьмич, – забарш а йо, наггахъ буй-т'ара йеш меттиг а хуьлу, амма уш т'аьх'ало йолуш х'уманаш дац. Ас дош ло хъ-

уна, Митькина тоххара дицделла хир ду шуьшиннан дов.

– Амма суна ца дицло. Диц а лур дац. Царна забар хиларх, суна забар йац цара йийриг... Тяхула тIе, иза йа дуьххъара а, йа суна цхъанна йина а ца Ia уьш...

– Ой, хIун ду иза, дан мукъане а? – цецвелира Николай Кузьмич.

Берсин ши бIаьрг хих буьзира, ца велха гIерташ, бухара балда чIогIа цергашца схъалецира цо. Логашад хъала-охъа уьдура. ТIаккха, жимма Iийна, берриге шен ницкъ тIе а гулбина, вистхилира:

– Бандит, фашист, йамартхо олий бен, сан цIе ца йоккху цара... Тхо, нохчий, Даймахкана йамарт хилла, бандиташ хилла, оха немцошна гIо дина бохуш, тIехбеттамаш бо цара...

КIант цхъа гIулч хъалха а тесна, велхаран маьхъарца шен маракхетча, дегIа тIера массо а чо ирахIоьттира цуьнан.

– Николай Кузьмич, ахь алахъа бакъдерг, – дерриге дегI дегош, шен корта Николай Кузьмичан некха тIе а таIийна, воьлхура Берса. – Тхан йуьртарчу нахана бIаьрга а ца гина и бандиташ а, йа немцой а... Кхечахъа, генахь, хIун хилла суна хаац, со жима вара... Дадас а боху шена хIумма ца хаьа... Дядя Коля, алахъа, бакъдуй цара бохург?... Тхо, махках даьхна, кхуза схъа хIунда далийна?...

КIанта даррехь хъалхахIоттийначу хаттаро вохийра Николай Кузьмич. Мацах цкъа университетехь дуьненан историн муьлххачу а темина лаьцна кхиамца докладаш йина, лаккха-

ра хаарш а, наггахь бен хуьлуш йоцу корматалла а йу бохуш, профессорша хестийна, шен эскаран декъехь тоьлла политрук хилла, шарахь сов хЮр денна Южаллина дуьхьал хИттарх, цкъа а ца воьхна Николай Кузьмич, хИнца оцу жима-чу кАнта велхарца деллачу хаттарна дуьхьал дала жоп ца карош, дегЕ хьацар тоьхна, хиъна Iара.

– Ма велха, сан кАнт, – элира цо эххар а, Берсин Iаьржа, жима корта шен некха тЕ а тIийна, цуьнан гЮргIачу месех куьг а хьокхуш. – Уьш цъа а бакъ дац. Оцу месех кАнта, дуьхьалдIа хьо хьийзо шайггара даьккхина иза. Шу схьа хIунда далийна суна ца хаьа. Гитлеровски фашисташа болйначу кху неIалт хиллачу тIамо массо а ваьккхина шайн махках а, доьзалх а, йиша-вешех а. ХИнца цкъа цъанне а дац агта. Амма хИнца тIом чекхбала герга бу. ТIаккха хуур ду вайна дерриге а. Ткъа хьо а жима ву. Цъана а хIуманан ойла а ца йеш, тIетаIий деша. Воккха хилча, Iилманах кхетча, хьуна хьайна а хуур ду дерриге а...

Николай Кузьмича, шен киснара схьадаьккхиначу кIайчу йовлакхца кIентан йуьхь тIера бIаьрхиш дIа а даьхна, цуьнан пханарш тЕ а хевшина лаьтгачу бекъачу букъах дайн куьг туьйхира:

– Ткъа хИнца уроке гIуо, сан кАнт. Берашка а ас эр ду, ишттазабарш кхин ма йелаш аьлла...

КАнт классе дIа а вигна, йуха чувеана Николай Кузьмич шена хьалхахЮьттинчу халачу хьолан ойла йан охьахиира. И дешнаш цунна хезнера хьалха а лахара кхетам болчу цъ-

ацца баккхийрачу нахехъ а. Амма баккхийниш совцо атта дара. ХИнца дерг ша ду. И зуламе эладита берашна йуккъе даржаро пайда бийр бацара. Амма, муха сацо деза иза? И эладитанаш бакъ дац бахарх, уш совцур бац. Царца тIетаь-Пина кхетаман болх бан беза. Муха, мичара дIадоло деза? Николай Кузьмична шена а ца хаь бакъдерг. Амма иза тешна вара дерриге халкъ бехке цахиларх. ТIехула тIе, шайн заманахъ Маркса а, Энгельса а лаккхара мах хадийна оцу халкъан. Цунах лаьцна диканиг аьлла Сталина а, Орджоникидзес а, Кировс а, кхин дуккха а большевикийи партин деятельша а. Ткъа хИнца хIун хилла? Ца хаь. Нагахъ оцу гIуллакха тIехъ цо политически гIалат далийтахъ, тIаккха а хир ду гуттар доьхнарг. Амма гIуллакх иштта дуйтийла-м йац...

Дуккха а ойланаш йиначул тIаьхьа, цо сацамбира суьйранна педсовет гулийан. Оцу дийнахъ шеца хилларг а, шен хилла сацам а зудче дIабийцира цо.

– Хаац суна-м, Коля, хьуна хIун аьлла хьехар лур ду, – элира. Мария Петровнас, майрачуьнга леррина ла а доьгIна, тIаккха, дикка ойла а йина, тIетуьйхира: – Ахъ схьалаьцнарг политически маьIна долуш гIуллакх ду. Цхьа бехк ца баьлча, дийнна халкъ махках доккхур дац. ДIогахъ, коьрттехъ хиьна Iаш Сталин ма ву дерриг хууш, гуш а. Цхьа бахьана ца хилча, цо хуьлуйтур ма дацара иза.

– Сан даго ма боху соьга, кхузахъ дийнна халкъ бехке хила йиш йац, – шениг дуйцира Николай Кузьмича. – ХIан-хIа, Машенька, со советски стаг, коммунист а ву, со Iелур

вац бакъдерг дла а таийна. Тяхула те, сан йоллу ойла йолуш со цхъаь хилла а ца Ia. Йа хьо хьюо а ца теша айхъа дуьйцу-чух. – Иштта-м ма дара иза, Коля. Амма, ахь гIалат далий-тахь, бохам хир бу-кх вайна. Ас йийца ма ца оьшу хьюна хIара зама. Ког когах кхетта а, галвалахь, вахана агIо ца хоуьй-туш, тIепаза войбу. Хъанна хаьа, вайн коллективехь хила а тарло хьюна бохам хила лууш стаг. Цул, айхъа цхъаь долада-ле, цкъа хьалха Рахманкул Жапаровичах дагавалахъа. Шуь-шиннан вовшех лачкъийна хIума а дац.

III

Школан дешаран декъан заведующис Рахманкул Жапарович Юсуповс леррина ладуьйгIира Берсин хьокъехь Николай Кузьмича шега дийцинчуьнга. Амма, и гIуллакх педсовете дилла цуьнан сацам хилар хиъча, резавоцуш корта хьовзий-ра цо.

– Мегар дац иза, Николай Кузьмич. И тайпа гIуллакх педсовете ца дуьллу.

– Ца мага хIун ду кхузахь? Бераш кхетош-кхиош дац ткъа вай? Бахархошна йукъахь кхетаман болх бан декхар дац ткъа вайн?

– Амма вайн школин программина а, хьехархошна хьалха лаьтгачу декхаршна а йукъадогIуш дац партин а, правительствон а сацамаш школалкахь бийцаребар. И халкъаш партин а, правительствон а сацамца махках даьхна. Дисинчух хьо кхеташ хир ву моьтту суна.

Николай Кузьмич хьаллагеттира.

– Делахь хIета, кхоьру-кх хьо? – кIоршаме Iоттар йира цо Рахманкулна. – Ленински кхайкхамца партин могIаре хIюьттина, Ленинан весеташ кхочушдан дуй биьна, хьо шира большевик а йухаваьлча, партехь боцчу хьехархошка дийца сан хIумма а дац!

Оцу шен моханца аравала дагахь дIаволавелла иза саций-ра, вагийча санна, цIеххьана хьала а иккхина, бIаьргех до-лу куьзганаш катобхна дIадаьхна, сурт даккха санна, цуьнан бIаьргаш чу воIавеллачу Рахманкула. ТIера массо чо а боьж-на, хIоа санна, цIанбелла корта, лекха, шуьйра хьаж, хьекъа-ле, гIайгIане ши бIаьрг, оза, йеа йуьхь, ло санна, кIайн маж, йуккъера даьIахк ца хаалуш, ведбелла, кхоьссина тIелатийча санна, шуьйра мара...

БархI шо хьалха горга йуьхь-марш, Iаьржа маж-мекх а до-луш цхьана буса меттара а гIаттийна вигна элдарчу дегIара Рахманкул, кхо бутт балале, набахтехь къежвина, букар хьо-взийна, йуьхь эрча а йаьккхина, Колыме хьажийра. Дуккха а дехарш, аьрзнаш диначул тIаьхьа, тIом болабеллачу шолгIа-чу шарахь цуьнан аьтто хилира цигара дIа фронте ваха. Ам-ма Рахманкулан шершинчу кого иза меттахIотта ца вуьту-ра: цо дакъалаьцначу дуьххьарлерчу тIамехь луьра чов хилла иза, вехха госпиталехь Iиллинчул тIаьхьа цIа а вирзина, кху школехь тийна болх а беш хан токхуш вара.

Николай Кузьмич валлал дохковаьллера ша ойла ца йеш аьллачу дешнашна. Цунна гора Рахманкулан лекхачу хьаьжа

Те оцу минотехъ хьацар тухуш.

– Накъост Бороденко! Со большевикийн партин, советски даймехкан кІант ву, – элира Юсуповс лохачу озаца, амма са-цамболлуш. – ХІаъ, ас дуй биъна Ленинан весеташ кхочуш-дан. И дуй бара сан дахарехъ хала даъхкинчу деношкахъ суна ницкъ а, собар а, къонахалла а лург. Хаалахъ, партина, халкъана тешаме хилла со лаьттан кийра воързург хилар!

Рахманкула, охъа а хиъна, шен хьаъжа те а, коъртах а йо-влакх хьаъкхира.

– Гечделахъ суна, ойла а ца йеш, ас и дешнаш аларна, – бехказвала гІоъртира Николай Кузьмич. – Кхетий хьо, Рахманкул Жапарович, сан чІогІа дог лозу оцу нохчех... Тахана хилларг дуьххъара хилла гІуллакх ма дац. Айса иза иштта Іаддитахъ, суна сайх чекх са гур ду. Вай-х, советски адамаш хилла ца Іаш, хьехархой, коммунисташ ду. Хьуна-м суначул а дика хаа ма йеза къаьмнийн хьокъехъ йолу ленински политика.

Николай Кузьмич луьйчура сецча, цуьнга хьала а хьаъжна, догцІена велакъежира Рахманкул.

– Суна хІунда дуйцу ахъ иза, Николай? – элира цо хьала а гІеттина, тІевахана, Николай Кузьмичан белша те куьг а диллина. – Суна дика хууш ма ду уьш дерриге а. Хьо жима ву, цундела сиха а ву. Сихалла дика ма йац, цо стаг хІаллакво. ТІехула те, стеган ларлуш хилар кІиллолла а ма лара цкъа а. Суна гинарг хьайна гинехъ, ас лайнарг айхъа лайнехъ, хьо а хир вара ларлуш. Стенна оьшу, цхьанне а пайда а бо-

цуш, эрна хІаллакьхилар? Со лоцучу шарахь сол хьалха сан накьостий лийцира. Царна йукьахь бара берахь дуьйна соьца цхьаьна кхиьнарш а, дуккха а хенахь соьца балхахь цхьаьна лаьттинарш а. Халкъан мостагІий бу аьлла, лещнехь а, парти-на а, халкъана а тешаме, хьанала нах уьш хиларх тешна ву со даим. Ас, цаьргахьа гІодоккхуш, бакьдерг элира. ТІаккха со а туьйхира царах дІа. ХІинца цкъа царах хилларг цхьанне а ца хаьа. Цхьанне а ца хаьа, цхьа а тайпа баьлла бехк боцуш, тхо бехкедина хилар а. Халкъан мостагІий ду аьлла, адамашна хьалха тхуна тІе кхоьллина цІе хІинца а дІайалаза йу. Парти-на, халкъана, даймахкана хьалха со цІена хилар, суна санна, нахана а хаахьара, тахана а со валарх шеквер вацара со. И де цкъа тІекхочург хиларх теша со, хІунда аьлча сайна тІехь хІоттийначу харцонна ас бехке ца йо парти. Империализман гуонна йуккьехь дохку вай. Партин могІаршка, партин, советийн органашка балха нисбеллачу мостагІийн болх бу иза. Амма партин а, халкъан а бекхамах кІелхьарбевр бац уьш. Со хьобга хІун ала гІерта аьлча, хьо ларлуш ца хилча, и сайх хилларг хьох а хиларна кхоьру со. Вайшиннан вовших къай-ле йац, цундела дуьххьалдІа боху ас хьобга: нохчий Даймах-кана йамарт хилла, уьш бандиташ бу бохуш, и эладита ша-шаха кхолладелла дац. Къайлах даржош ду. Иза хьуна хьайна а хаьа. ХІетте а ву хьо даррехь нохчий реабилитировать бан гІерташ. ХІан-хІа, Николай, дуьхьал ву со и Берсин гІуллакх педсоветан заседане хІотторна. ТІех шуьйра публика йу иза. Суна а ма хаьа оцу халкъашна тІехь йинарг ирча харцо йуй-

ла. Амма вайша тховса, хъехархой а гулбина, ценна дладийцахь, вайша кхана сарахь цахь-м хир вац. Иза бакъдерг ду хьуна. Вайша хIаллакьхилча, нохчий шайн махка боързург хилча-м, вайша, бIаьрнегIар ца тухуш, лийр ма вара. Вайша хIаллакьхир ву, ткъа нохчашкара бала цуърриг а байлур бац.

«Машас дуйццург ду-кх хIокхо дуйццург а, – ойла йора Николай Кузьмича, – школерчу дешархошна йукъахь орам тосуш шовинизм йу, ткъа со, школан директор, коммунист, йуьстах а ваьлла Iен веза. ХIан-хIа, иза хуьлийтийла дац...»

Николай Кузьмича, гIанта охьа а хиьна, доккха садаккхира.

– ХIета, берашна йукъахь шовинизман ун а доржуйтуш, цуьнга биэндоцуш хьожуш Iийр ву-кх вайша. Иштта бохий ахь соьга?

– ХIан-хIа, Николай, ас иштта ца элира хьобга. Ас-м, ларлуш хила, бохура. Ахь, тховса хъехархой а гулбина, къамнийн доттагIаллин хьокъехь долу гIуллакх царна хьалха а хIоттийна, оцу агIор берашна йуккъехь кхетаман болхбар царна тIедожорах вайн нисдала хIумма а дац. Хьан приказ, йа педсоветан сацам кхочуш-бархьама, берашца къамелаш деш цхьана дийнахь цхьацца бахьанаш лело а мега цара. Амма шайн къамелашкахь цара нохчий бакъ беш дош а эр дац, йа ала а баьхар бац. Йа цара хьуна луьучу тайпана берашца къамелаш дича а, оцу берийн дегнаш чохь хьуна йита луу лар а йуьсур йац. Оцу хъехархошка, цаьргахула берашка а, шайгга ойла йайта йеза оцу гIуллакхан. Уьш шайн синкхе-

тамца тешийта беца, ахь ма-аллара, вуон, зуламе халкъ дуь-
ненахь цахиларх, хила йишйацарх, советски халкъийн бер-
тахьчу доьзалан членех и цхьаь хилар а, массеран йоллу ба-
къо хила иза хьакъхилар а. Амма муха дан деза иза? Кхузахь
жимма ойла йан йеза. Ас сайна хетарг эр ду хьобга. Гой хьу-
на, Николай, хьо украинец ву, хьан зуда оьрси йу, со узбек
ву. Тайп-тайпанчу къаьмнех долу вай кхоь оцу нохчийн бала
кхаьчна хьийза. Кхечу агIор хила йиш а ма йац иза. Вайн со-
ветски халкъийн цхьа Даймохк а, цхьа Iалашо а, цхьа некъ а
бу. Цундела советски халкъийн доьзалехь муьлххачу а хал-
къана хилла бохам, лазам вукху дисинчийн дагах кхета.

Стоьла тIехь лаьтгачу графина чуьра хи стака дуьззина чу
а доьттина, дIа а мелла, шен сирачу мекхех дайн куьг хьакъ-
хира Юсуповс.

– И нохчий, кхуза схьабалабаллалц, цкъа а суна гина ада-
маш дацара. Къилбаседа Кавказехь бехаш нохчий, гIалгIай
буйла а, церан шайн автономни республика йуйла а хаьара
суна. Амма кхин дIа царах лаьцна хIумма а ца хаьара. Ткъа
нохчий схьабалочу хенахь, кхузахь дуьйцура, уьш бандиташ,
разбойникаш, къуй бу, цара, котам йуьйчул башха ца хеташ,
шашта а хьокхий, стаг воь бохуш. Со а, со саннарш-м а ца
тешара оцу эладитанех, амма тешарш а дуккха бара. Хьуна
ма хаьа и дерриге а. Суна хетарехь, адмийн исторехь хил-
ла йац дийнна халкъ бехкедеш, дийнначу халкъана тIехь таI-
зар деш меттиг. Нагахь хиллехь а, суна ца хезна. Ткъа, ба-
ла а бина зударий, бераш а, къена нах а кхуза охьатийсича,

меца, гийла, махках бовларна дегнаш доьхна уьш сайна гича, оцу суьрто соьга ойла йайтира. ХIара хIун кьам ду-те, сил луьрачу таIзарна кIел дожа, кхунах хIун бехк баьлла-те аьлла, дагадеанчу ас, цкьа районе вахача, библиотеке а вахана, справочни литература кегийра. Доцца аьлча, йоккхачу советски энциклопеди тIера Кавказски тIамах а, нохчех а, церан республикех а лаьцна статьяш йийшира ас. Дуьззинчу шина бIе шарахь цара турпала кьийсам латтийна шайн кьоман маршонехьа паччахьан колонизаторшна дуьхьал. Оцу шина бIешеран кьийсамехь паччахьан инарлаша кьиза хIаллакбина уьш. Байъина, Сибире хьийсийна, эзарнаш доьзалш Турце кхалхийна. Со чIогIа цецвуьйлу и халкъ дуьззина хIаллак ца хиларх. Шайн коча доьллинчу олаллица машар бан ца туьгуш, турпала кьийсам латтош, Октябрьски революци-на тIе а баьхкина, уггар хьалха революцигахьа а бевлла, шайн махкахь советски Iедал а хIоттийна, социализман толамехьа жигара кьахьегна цара. Сайна хиьначо соьга кхин а кIорга ойла йайтира. Шайн кьоман маршонехьа, мехкан бозушца-хиларехьа дуьненахь а уггар йоккхачу, нуьцкьалчу импери-на дуьхьал иттаннаш шерашкахь кьийсам латталур ма бацара бандиташка, кьизачу, йамартчу халкъе. Революцин хьалхарчу деношкахь цуьнгахьа а бевлла, шайн махка тIехь советан Iедал хIоттор дарий-те бандиташа, йамартхоша? Оцу хаттаршна жобпаш лобхура ас. «ХIан-хIа, царна тIехь йинарг ирча харцо йу, – бохура ас сайга. – Царна йукьахь йамарт, зуламе нах хилла хир бу. Уьш хIор а халкъах бовлу. Амма

йамарт, зуламе халкъ хилла а дац, йа хила йиш а йац. Адам доьхна лелачу кху тIеман заманах пайда а эцна, партина а, халкъана а ца хууш, йа парти а, халкъаш а Iехийна, халкъан мостагIаша дина гIуллакх ду иза. Цуьнан шеко йац. Иштта, бехк боцуш бехке ца вира со? Иштта, бехк боцуш бехке а бина, хIаллак ца бина партина, халкъана тешаме сан накъостий, доттагIий?» Амма сайн и ойланаш ас лачкъийра. Кхераме йу иштта ойланаш. ХIун дан деза аьлча, оцу гIуллакхна дубьх-алдIа маIашца тIе а ца гIерташ, флангехула тIеваха веза. Хьехархошна, берашна и халкъ довзийтича, церан цуьнга безам гIуриг хиларх дог тешна ву со. Историн урокашкахъ теманаш йу Кавказски тIамах, Шемалах лаьцна. Оьрсийн сийлахь-баккхийчу йаздархоша нохчех лаьцна боккхачу безамца йазийна произведенеш а йу. Урокехъ а, урокал араха а царрах пайдаэцча?

ХIетталц кхоьлина, гIайгIане хилла Николай Кузьмичан йуьхъ цIеххъана йекхайелира.

– Баркалла хьуна, Рахманкул Жапарович, – тIе а вахана, Юсуповн чIоггIа куьг лецира Николай Кузьмича. – Со гIалатах ларварна а, суна нийса некъ гайтарна а, баркалла хьуна. Тховса цхьа план а хIоттийна, йуха а цкъа хьох дагавер ву со.

«Ой, и дагадан-м ма дезара суна! – ша-шех цецвуйлура Николай Кузьмич тIаьхь-тIаьхьа а. Баккъалла а аьлча, приказца тIетеIорах нислур долуш хIума а ма дац хIара. Приказ – приказ ду. Рахманкула ма-аллара, коьртаниг – цара шашш дийриг кхеташ, шашш дечух тешаш дар ма ду. Рахьманкула

дуьххьал схьа ца аьллекх а, йеккъя мершок а йу со. Амма дика болх а хилла-кх Машас со хЮкхунна тЕхьяжийна...»

...Багара ца ходуьйтуш цигаьрка а уьйзуш, буса вехха Гий-ра Николай Кузьмич оцу гЮллакхан ойла йеш. Уггар хьалха цо схьалаьцнарг иссалгIачу классан учебника тЕра дIадаханчу бIешеран кавказски ламанхоша паччахьан колонизаторшна дуьхьал латтийначу кьийсамах лаьцна тема йара. Оцу кьийсамехь йоккха меттиг дIа ма лаьцна барамехь царалахь уггар доккха хиллачу нохчийн кьомо. Маркса, Энгельса, оьрсийн прогрессивни интеллигенцис а оцу заманехь нохчийн халкъан лаккхара мах хадош аьлла дуккха довха дешнаш а ма ду. Ткъа граждански тЕман заманехь? Сталинан, Орджоникидзен, Кировн белхаш бобшуш, иза ду-кха тЕе ма Иттавелла цара нохчех лаьцна йаздинчу могоанашна.

Николай Кузьмичан йуьхь цIеххьана йекхайелира. Нохчийн халкъан истори а Iамийна, школехь дешархошца исторически суьйре вовшахтоьхча? ДуьххьалдIа, цхьа бахьана а доцуш иза дар-м дика а хир дац. Машас ма-аьллара, ас гIалат далийта а тарло. Нохчий реабилитировать бан гIертарг хир ву со. Дерриге а дIадоло деза иссалгIачу классехь. ТIекхочуш йолчу дIадаханчу бIешарахь ламанхоша шайн кьоман маршонехь латтийначу кьийсаман темина тЕра. Оцу урокашна дика кечам а бина, берийн тидам царна тIехьовзо беза. Кхузахь гЮ далур ду Машега а. Оьрсийн йаздархойн дахар а, кхолларалла а Кавказца чIогIа йобзна ма йу. Оцу дерригенах лаьцна йолу литература гул а йина, школан библиотекехь

выставка йича?

...Массо а цецваьллера хьехош а йоцу педсовет директороцехъана гулйарх. Шкоলেখ болх а дика дIабобдура, дерриге гул а делла, дийцар дан оьшуш гучудаьлла гIуллакх а дIацара. Берриге членаш схьагулбелча, чувеанчу Николай Кузьмича, ша хьйна Iачуьра хьала а ца гIоттуш, цхьа а тайпа официале кепаш йукъа а ца йалош, хьехархошна дIадийцира оцу дийнахь берашна йуккъехь хилла дов.

– Шуна ма-гарра, сан Iалашо йац, и гIуллакх дийцаре а диллина, къамелаш дойтуш, заседани йахйан, – элира цо. – Вай советски хьехархой ду. Ас шуна хьеха оьшуш йац къамнийн хьокъехь йолу ленински политика. Йуьртахь хьалха а хезна суна, шуна хезна хила а тарло, лахара кхетам болчу цхьацца наха нохчийн халкъах лаяцна даржийна цхьа а тайпа бух боцу эладитанаш. Вайна цхьанне а хууш дац и халкъ махкахдаккхаран бахъана. Гитлеровски мехкашдIалецархойх вайн Даймохк маьршабоккхучу тIамехь дакъалоцуш ду вайн махкара дерриге халкъаш. Доккхачу халкъо, ша доккха хиларе терра, доккха дакъалоцу, жимачу халкъо, шен жималле хьаьжжина жима дакъалоцу. Амма массара а Iенориг цхьа цIий ду. Нохчийн халкъан дуккха а кIентий бу тахана а фронтехь майра леташ. Хьанна хаьа, оцу жимачу халкъана йукъахь цхьа йовссарш йевлла а хила тарло, советски Iедал ца дезаш, Даймахкана дуьхьал йамарт куьг айбина. Иштта-ниш массо халкъа йукъахь а хилла, болуш а бу. Амма нийса хир дац, и йовссарш бахъанехь, вай дерриге а халкъ бехке-

дича. И бераш, зударий, къена нах хГуманна а бехке бац. Вуон, зуламе адамаш массо къомана йукъахь а ду; амма вуон, зуламе халкъ дуйненахь хилла а дац, хила йиш а йац. Халкъ – халкъ ду. Хила а хилла, хир а ду. Аш дика ойла йича, шуна хуур ду, нохчашна хилла бохам вайна массарначул а тлех беза а, хала а хилар. Цундела церан догъэца деза вай, церан деган чевнах хъакхадаларх лардала деза. Со парторг а, вайн коллективан куйгалхо а хиларе терра, ас декхарийла до шу, деха а доьху шуьга, оцу эладитанех дешархой ларбар а, бахархошна йуккъехь и тайпа хабарш дуйцуш стаг нислахь, иза, кхетош, нисвар а.

Хъехархой да а бахийтина, ша висина Николай Кузьмич, багара ца ходуйтуш цигаьрка а уйзуш, вехха Ийра оцу гуллакхан ойла йеш. Цо тоам ца бора ша накъосташка диначу къамелах. Приказ – приказ ду, амма коьртаниг цара шашь лелориг кхеташ а, тешаш а лело дезар дара.

Шкоলেখь кхин долу гуллакхаш дерриге Iадда а дитина, шолгIачу дийнахь районе ваханчу Николай Кузьмича и де дерриге а, партбиблиотекехь а, райбиблиотекехь а книгаш кегош дайъира. Цуьнан болх даболабелира тIаьххъара а арахецначу Советски йоккхачу Энциклопедин ткъе итталгIачу а, кхузткъе цхъаалгIачу а шина тома тIера. Царна тIера нохчийн исторех лаьцна статьяш йешча, цуьнан шен а боккха тидам тIебахара нохчийн халкъан историна.

Николай Кузьмича дагалаьцначу гуллакх тIехь доккха гIодира Мария Петровна а. Классал арахъа урокахь дешар-

хошца цо йобшура Пушкина, Лермонтовс, Толстойс йазйна
произведенеш, литературни кружокехь кIорггера довзуйту-
ра оцу сийлахь-бакхийчу йаздархойн Кавказца доьзна да-
хар а, кхолларалла а.

Цул тIаьхьа цхьанне а цкъа а ца хезира нохчийн берашна
тIехбеттамаш беш а.

Оцу хьелашкахь тасаделира Николай Кузьмична а, Берси-
на а йукьахь и шатайпа доттагIалла...

IV

ТIаьхьара бисина болх а теллина, дегIана жимма йал йан
дагахь дIатевжинчу Николай Кузьмична сема наб озийра.
Амма иза самаваьккхира велха волавеллачу Вовас.

– Ца оьшу тхуна дечиг, бабушка, ца оьшу! – хезара цунна
уйтIахь хIусамнанас цхьаьнга бен латкъамаш. – Шу дийна-
хь цхьа-шиь веана Iийча а, цхьа хIума дара, шу-м масийтта
вогIий. Ас хIун лур йу шуна? Бац-кх сан аьтто!

«Йуха а нохчий бу-кх, мисканаш!» – аьлла, доккха са-
даьккхира Николай Кузьмича. ТIаккха, хьала а гIеттина шен
протез цIийзош, неIаре а вахана, арахьаьжира иза. Гихь тIе-
дачу дечиган кегийра маххьаш а долуш уьйтIахь догIанехь
лаьтгара ши зуда.

– Маша! Схьа чукхайкхахьа и шиь.

Дуьхьал жоп ца луш, чуйеана Мария Петровна неIарехь а
сецна резайоцуш майрачуьнга хьаьжира.

– ХIун дан воллу хьо, и шиь чу а йалийна?

– ХІун дан воллу бохург, хІун ду? Вайн йерг цаьрца йобкьу-кх.

– ХІан-хІа, сан хьомениг, тоьар ду. Вай ваьш а ду халла лол бетташ хене довла гІерташ. ТІехула тІе, ас оццул хала кхиййна йалх котам а лачкьийна сан цара. Сийсара тІаьхьара йисинарг а йаьхьна.

– Оцушимма лачкьийна хьан котамаш?

– Хаац суна. Нохчаша-х лачкьиний уьш.

– Иштта долуйту-кх стага шех гІалат! Хьанна хаьа, нохчийн халкъана йукьахь цхьа масех йовсар йаьлла хила тарло, уьш бахьанехь дерриг халкъ махках даьккхина. Уьш бахьанехь халачу таІзарна кІельэгна бехк-гуьнахь а доцу зударий, бераш, къена нах а. Хьо а гІерта изза дан. Цхьамма хьан котамаш йаьхьна, хІинца хьо кхузарчу берриге нохчех бекхам эца гІерта. Ахь йийриг нийсо йац, Машенька! Кхузахь мел дина къола оцу мискачу нохчашна тІетоьтту. Амма цхьа нах зовкх хьобгуш бу-кх, дерриге а царна тІе а тоьттуш.

– Цара бен ца лачкьийна сан котамаш. Суна дика хаьа иза.

– Сан Дела, ма доккха зиэн дина-кх ахь тхуна! Йалх котам! Дийнна йалх котам! – гуттар беламе йуьхь а чІачкьийна, корта хьийзабора Николай Кузьмича.

– Виэла хьо. Хьо виэла а мегар ду. Хьайна хьалха йиллинарг йиьчахьана волуш волу, – дегабаам бира Мария Петровна.

– ДІайалахьа, Машенька, йалх котам бен йуй уьш? Йалх нал йайча а хьийзар ма вац, хьо санна, бІарзвелла. Дика лач-

къайо! Мацалла бала-м ца беза уыш? Цхъа хало тІеІоттай-елча-м, вала охъавожа ца везий, ткъа шен дахарехъа кыйса деза. Хъуна баккъала а ала лаахъ, сан безам бу оцу нохчашка. Хъуна хъайна а ма хаъа церан истори. Цхъана а заманахъ, цкъа а ца севцца уыш боъхна. ХІан-хІа, Машенька, оърсийн гІарабевллачу прогресивни кІенташна уыш безар эрна ца хилла! Шаыш ма-йарра ламанан аързунаш йу! Ткъа хІинца, ара а йалий, чукхайкха и шиъ. ГІиллакхехъ а ма дац, и ши миска уытІа, догІане а хІоттийна Іар!

Шен йайна котамаш дагайаъхкича, Мария Петровна цІеххъана тІейеана моха иштта сиха дІайайра. Ша барта хІуъу дийцахъ а, дагахъ кхин дара цуънан. Цхъа диканиг дан шена дагадеача, шеначул а тІех майрачунна изза лууш хиларо йоккхайейора иза.

Шайн гира маххъаш охъа а дехкина, хотташа йуъзна чуйеана ши зуда, халла къаъсташ маршалла а хаъттина, ийзалуш неІарехъ сецира.

– Ой, Зану, хъо йац иза? – цецваълла, хъалагІеттира Николай Кузьмич. – Маша, хъуна ца йевзира хІара? Бехк ма биллалахъ, Зану, хІокхунна хъуо ца йовзарна. Іаламат хийцаделла хъан йуъхъ-сибат. Машенька, кхин а цхъа гІант хІоттадехъа стола улло!

ХІусамнанас стола улло хІиттийна гІанташ неІарехъа а оъзна, царна тІе охъахиъна ши зуда ийзалуш чухула дІасахъаъжира. Муха ца ийзало, хІокху цІа чохъ цІена дара, ткъа и шиъ хотташа йуъзна, тІадийна лашкайаълла йара. Царна и

шиь жерга хетахь? Ца хетийла а дац. Довхачу ца чохь малй-еллачу мачашна тIера, даьтта санна, лелина цIун, кегийра Iаьмнаш хIиттош, цIенкIа Iийдалора. КIамлора дегI а, амма мIараш хIакха йиш йацара. ОххIай, ма дохкойаьллера-кх и шиь чуйарах! ХIусамдай чохь цIена Iаш, догдика, оьзда нах бу. ГIиллакхна цара чуйола аларх, йогIуш хуьлу ткIа? Хь-анна хаь, церан дагахь дерг хIун ду? ХIун гIуллакх дара, хIокхарна хIара гатто йан? Амма хаза-х ма ду кху довхачу ца чохь. ХIетта деттинчу бепиган хазачу хьожано, дагна там беш, цергех хи туйьсуьйтура. Метро схьалецира хи чу йоьх-кинчу наьрс-помидорийн хьожа. Ма дика хир дара-кх хIу-самнанас цаьршинна цхьацца цастар бепиг а, цхьацца наьрс а йелча...

ТкIа дохлуш долу догIмаш тIетта тIе кIамлора.

– Машенька, хIуьу лой а, йуург лохьа цушинна. Миска Зану йаI, баланаша гIелйина-кх хьо. ДIайаханчу аьхка хь-айн майрачуьнца цхьаьна со шайга веана дагадогIий хьуна? – хоьттура Николай Кузьмича. – ХIаь, хеназа кхелхи Маил. ХIун дийр ду ткIа, иштта дуьне ду-кх хIара. Велларг дIавуллу, висинарг веа. Кху заманахь цхьа а вац дуьненах сакьбералуш. ХIор а доьзале бала беана тIамо. ХIетахь шавш хиллачу цIеношкахь йуй хьо?

– ХIан-хIа, сайн марваша волчохь Iаш йу со

– И цхьа пхьарс сакхат берг вуй иза? Иза-м ца хилла фронтехь?

– Ца хилла, дера-кх. Мацах цкIа нохчийн ловзаргахь дев-

наш даьлча, цхьамма шаьлта тоьхна сакхат бина цуьнан иза.

– Дов хьаштдоцу хIума йу. Тяхула тIе, шаьлта хIунда ту-ху?

Буй-тIара йина, дерзо а ца мегара?

Шена оьрсийн мотт кIезиг хааре терра, кьамелна кIорге ца гIерташ, Николай Кузьмичан хаттаршна доцций жобпаш а луш Зану а, йист ца хуьлуш Хелипат а хиьна Iара. Ткьа Николай Кузьмича, хIуьу дина а, кхушиннан самукьадаккха гIерташ, ца соцуш хабар дуьйцура.

Уьш иштта Iашшехь, Мария Петровнас, стоьла тIе йуург а хIоттийна, ши зуда шуна тIекхайкхира. Цаьршинна гора тIера йуькьа Iаь гIуьттү чорпанах дуьзна ши бошхап, мекхан бепиган кIеда цастарш. Чорпи чуьра ах гучу а йевлла гун масех картол думин цуьргех тарлора; цергех хи доладелира, хи чу йоьхкина копасташ чохь кад гича. Амма ши зуда, шуьна тIе ца хуьлуш, йехха Iийра. Эххар а, вовшашка а хьаьжна, хьала а гIеттина, шаьшшиннан гIанташ эцна, йахана охьахиьначу цаьршимма, Iайгаш кара а лавцна, тIехулара схьаэцначу чорпанах меллаша цхьацца кьурд бира. Гор йаI, ма мерза, чомехь йара-кх и ши-кхо картолг йукьа а тесна керлачу копастех йина чорпа оцу мекхан бепигца йууш! Мобьтура, иштта мерза кхача дуьнен тIе йаьлчахьана цкьа а ца биьна. Йалтех рицкьа кийра дахаза мел хан йаьлলেখь а, и шиь сих ца лора йуучунна тIехь. Сихха кхачорна кхоьруш, цуьрг дожа ца дуьтуш, кIез-кIезиг доккхуш, марзо оьцуш, дехха бепиг Iуьйшуш, тата доцуш чорпех кьурдаш деш, шуьна тIехь ма-

хуьллу хан йахьан гертара и шиь.

– Йузайелахь и шиь, вайна бухахь цуьрг ца дитий а, – бохура Николай Кузьмича шен зудче. – Мисканаш йаI, ломара дечиг кхехьа ницкъ бу ткъа шуьшингахь? XIара цIемза де, гена меттиг...

Мария Петровнас, йай карахь тIе а йахана, йуха а бошхепаш дуьзира. Николай Кузьмична гира Занун накъосто шена хьалха Iуьллу баьпкан ши цастар хьа а ца деш, йеккъа борщ муьйлуш.

– Бепиг кхоллуш йаа, – куьйгаишарца йоккха стаг кхето гIоьртира иза.

Бехкала йахана йиэла а къежна, Зануга масех дош элира йоккхачу стага.

– Хелипатан цIахь кхо бер ду. Церан кийра йалтин рицкъа дахаза масех де даьлла. Аш пурба лахь, и бепиг кхузахь а ца дууш, шеца цIа хьур ду цо, – шаьшшиннан къамел, халла оьрсийн дешнаш а карийна, гочдира Занус.

Николай Кузьмичан хьаьрсачу, дуькьачу цIоцкъамашна тIехуларчу шуьйрачу хьаьжа тIе шад гулбелира; дегийра бIаьрнегIарш. Цуьнан шен бертаза хи доьссира бIаьргаш чу. Хьала а гIеттина, дехьа чу а ваьлла, Мария Петровна шена тIаьхьакхайкхира цо.

– Машенька, сан хьомениг..., – бIаьргех йовлакх а хьоккхуш, дегочу озаца вистхилира иза.

– XIун хилла, Коля?

– Сан дехар ду хьобга... вайгахь долу дерриге бепиг дIа-

лохъа оцу йоккхачу стагана. Ойла йехъа, хьо санна зударий бу уыш, вайшиннан Вова санна, шайн бераш деза царна а. Мел хала ду царна...

Николай Кузьмичан дешнаша дог дохийна Мария Петровна корах арахъаъжира, арахъ гуш адам дацара. Кхоълина, дошан баса йирзина стигал, йукъ-йукъа лайн чимаш а ийна, серсаш шийла дерз, гуобаккхина хЮьттина сингаттаме тийналла.

– Хъанна хаъа, Сталин гАлатваълла хила а тарло, – элира цо меллаша.

– Иза а ма ду адам. Ткъа гАлат ца долуш стаг хила йиш йац.

–ГАлат! ГАлат хуьлу иштта?! Итт эзарнаш коммунисташ, партин, пачхьалкхан деятельш хАллакбина! Гойтуш бехк а боцуш, йинарг кхиэл а йоцуш! Иза а гАлат хилийтахъа. Цхъанна, иттанна, бIенна, эзар стагана тIехъ кхиэл йеш а, валийтахъа гАлат. Ткъа – масех халкъана тIехъ кхиэл йеш, уыш махках дохуш? Иза дуьххьалдIа къиза, зуламе акт ду.

– Коля! – мохъ белира Мария Петровна. – Доху хьобга, хъайн ойланаш хъайн коьртехъ совцор! Со а ма кхета дерригенаха. Вайшиннал лакхахъ болчеран а ницкъ ца кхаъчна и харцо сацо. Ахъ ма-аллара, эзарнаш адамаш хАллакдина, халкъан мостагIий бу бохуш, цIераш а техкина. Хъанна хаъа, иштта, хьо санна, кху харцонашна резабоцуш, бакъонна тIегIертарна хАллакбина хила тарло уыш а. Ткъа могIара ши коммунист, йуьртарчу школан хьехархо а бен доцчу вай-

шинга хЮтталур йац дуьненахь нийсо. Амма вайшиннан ой-ланаш цхьанна хаахь, вайша тЕпаза-м дойъур ду.

Зудчо дуьйщучуьнга ла а доьгIуш, готтачу ца чохь дIаса-хыйза Николай Кузьмич, цЕххьана саца а сечна, цунна тЕ-вирзира.

– ХIан-хIа, Маша, вайша тЕпаза дайъалур цаьрга, – тIаь-ххьара дош кхечарах къастош элира цо. – Вайша саннарш миллионаш бу! Цхьа де догIур ду, вайн урамехь а дезде хуь-луш. Хено гойтур ду, хиллехь – гIалаташ а, йинехь – йамарт-ло а. Ленинан идейш йехар йу, дуьнен чохь адам мел деха. Ткъа хIинца, дехьа чу а гIой, оцу шина зудчун догъэца.

V

Гуобабккхина лаьмнаш долуш, тогIехь, шина республи-кин дозанаш къаьстачохь, нийсачу экъанна тIехь нийсачу урамашка йоькьуш йиллина йурт йу. Дукха хан йац иза йил-лина. Урамашца дийгIина гIаргIанаш хIинца а шайн къоначу хенал тIех ца девлла. Иштта къона ду бошмашкара стоьмийн дитташ а. Кхо-диъ шо хан йелахь, кхин хан йац цара стом ло. Хаза кхиа йоьлла бошмаш, толуш лаьтта урамаш, цЕнош.

Иза хЮкху ламанан районан центр йу. Кхузахь бехаш нох-чий бац, амма дийнахь ган тарло гондIарчу йарташкара мел-лаша гIаш, нисйелча –ворданахь кхуза схьаоьху нохчийн зу-дарий, божарий, бераш.

ХЮкху йуьрта хIинца шозлагIа веана Муса. Амма, цуьн-га къа а ца хьобгуйтуш, цунна атта карийра кхузахь боль-

ница. Иза хетта кЮрггера мотт ца оышура. Больницин це йаьккхичхъана, муьлхха а кхетара оышучух. ХИинца иза лаьт-тара тЮлган лекха бух буьллуш, йехха йиначу кАйчу гИшлон дуккха а корех шинна рогГана тЕхЮьттуш. ЦИийнан тхевнна тЕтоьхначу эчигна, дайн татанаш деш, тЕдеттара доГа. Тхевнан маьИгашкахь охьаЕенара чахчарешна чохь лаьИна доГанан хи. ТАдийна шелвелла Муса, хорша йеача санна, вегавора, амма цунна шело ца хаалора.

Дехьо корехь хЮьттина лаьтта кхин а цхьа нохчо, коран ангалина тЕ а тЕлаш, чЮгА мохь бетташ, чохь волчу цомгаш-чуьнца къамелдан гЕрташ воллу. Мусана вевза иза. Покровскера Іалха ву иза. ТЮм болабалале хьалха школахь хьехархо хилла Іалха. Фронтера нохчий ца бохкуьйтуш, иза Покровске веача, цунна дуьххъара тЕкхьачнарг Муса ву. ХЕтахь Іалхина тЕхь эпсаран духар дара, некха тЕхь цхьа орден, шиь мидал а йолуш. ХИинца цунна тЕхь эпсаран чоа ду, тЕхула шуьйра доьхка а дихкина. Коьртахь лергаш долу куй, когахь – хохолаш². Амма чоин белшаш тЕхь погонаш а, куйна тЕхь седа а бац. Цул воккха цхьа ваша Сталинградна уллохь вийна. ХИинца уьш кхоь ваша ву. Массо а зюьртала, могош, догдика. Покровскехь болх ца нисбелла, шен вежарийн доьзалшца ломара, колхозан ферме балха вахара иза. Цундела уьш, дукха гЕл ца луш, хене бовлуш бу. Бакьду, дукха хан йоццуш цомгаш хилла, кхуза больнице валийна цуьнан къена да. Цунна тАьхъавеана хир ву Іалха.

² Хохолаш – бЕгІаган мачаш

Цхъа бутт хан йара Муса генна лаьмнашка лесхозе колхоз-на хьун хьакха вахана. ПхийтталгIа шо бен доцчу цуьнан-мницкъ, дера, бацара хьаннаш хедо, уьш ломан басешкахула охьа хи йисте текхо, чехкачу хи чу а туйьсуш, охьахьийсо, лахахь схьалеца, аратекхо. Амма цIахь Iен йиш йацара. Цуьнан да кхузткъе итт шо хенара къена стаг ву. Иштта къена йу десте а. Оцу кхааннен кхин гергара а, йуьртара а стаг вац хIокху агIор. Йа уьш мича махкахь бу а ца хаьа. Цхьадика, хIорш кхоь хIинццалц могош лаьттира. Схьадалийначу хьалхарчу шина-кхаа баттахь шаьш цIера йеанчу ши гали хьаьж-кIех гIетахь деш Iийра. TIаккха, кхаш тIера кIен, мекхан кан лехьош, акха стоьмаш бууш а, кIел ца диса гIиртира. Iа тIедеача, йалтех буьртиг боцуш дисира. Йалта хаьдда бисинчу хьалхарчу баттахь чекхйелира церан мискачу йийбарх йохка а, хийца а мегаш йолу массо а хIума. ХIинца болх бийр бу бохург хьехочохь а дацара. Iа ма дара. Дохнан фермехь ца бича, кхин болх а ма бацара. Хилча а, къеначу шимма болх муха бийр бара? Ткъа десте – десте йу. Уьш дика бехачу хенахь а, меракIантаца кьиза хилла иза. ХIинца, къелло гатбича, уггар а карзахйаьллера. Да чохь воц-воцчухула Муса хьийзавора цо, сагIа деха гIо бохуш. Цо дуьххьара шега и дешнаш аьлча, Iадийча санна висира Муса. СагIа деха! Нохчаша даим а иэхье деринарг! Йа цунна а, йа цуьнан вархIе дена а ца гина сагIа доьхуш нохчо! Мусас дуьхьало йира. TIаккха церан жимачу доьзалехь дов доладелира. Бакьду, шен зудчунна а, кIантана а йукьахь долу дов дена ца хаьара. Мусас дукха

садиттинера дестечуьнгахъара хуьлучу цатемашна. Къеначу ден дог ца добхчахъана. Ша бахъана долуш цаьршинна йуккъе вас ца йобжчахъана, шена цатам хиларх могуьitura Мусас, амма дестечо хIинца тIеIуьттург дан йишйоцуш гIуллакх дара. Мацалла велча а.

– Цхъанна гахь, тIаьхьарчу тIаьхьенна а тIехтохам хир бу. Ас дийр дац иза, нана, – йухагIоьртира Муса.

– Мацалла дала деза вай? Йа къена со, таьлсаш коча а тийсина, арайаларе догдоху ахь? Йа, хьо ца хиъна а Iаш, хъан къена да хIитта веза неIаре? – тIейегалора цунна десте. – Вайнах боццуче гIуо. Районехь Iаш цхъа а нохчо вац. Йуьрта йуккъе а ца хыйзаш, йистошкахула хIума йеха. Адам дика ду. Жима хьо неIаре хIоьттича, кхалла хIума ца луш вуьтур вац.

Муса вист ца хилира. Да ойла йича, цхъана агIор бакълоьрадесте. СагIа дехар эхь ду бохуш, кху чу а дийшина, мацалла дала йиш-м йац. Шена хьалхара да вохуьтийла а ма дац. Дависарг-йаI, Мусал хьалха кхечо дIадолийна мукъане а делара. Мусана ца лаъара и иэхье гIуллакх шегахула дуьххъара къомана тIеэца. Хъанна хаъа, къайллах иштта цхъаццанхъа кхин берш лелаш хила а ма мега? Цо динарг диса а ма тарло цхъанне а ца хууш. Амма – хаахь? ХIан-хIа, дуьйцийла а йац! Цулла-м, мацалла валар гIоলেখь йу...

Масех де делира цуьнан даг чохь къийсаман дарц хыйзаш. Де-дийне мел дели, ойла дестечо аьллачунна тIетийжара. Бакъду, шен дуьхъа а, йа дестечун дуьхъа данне а дацара

цуьнан ойла хуьйцург. ТIаьхь-тIаьхьа гIеллуш, мажлуш кIел-
вуйсуш лаьтта шен къена да гича, дог дешара цуьнан.

«ХIан-хIа, кIелхьарвала некъ лаха беца, – сацамбира цо
тIаьхьара а, – хIара мацалла а валийтина, мацца а цкъа кхуь-
нан йа сайн вежаршна тIекхьачча, ас хIун ала деза?»

И сацам хиллачу шолгIачу дийнахь, Iуьйрре гIеттина, пхь-
аьрса кIел тIоьрмиг лаьцна, кху йуьрта веара Муса. Цхьана
урамехула масазза а дIасавахара иза, масазза а цхьацца цIе-
нойн кетIахь сецира. Амма даго ца вуьтура, кевнах чохьха а
ваьлла, неIаре а вахана, хIусамдайшка куьг кховдо. Iожалла!
Стенна кхоьру иза цунах? ХIун ду шен, шен доьзалан, шен
къоман а сийл деза? Сий дайна вехачул-м, валар гIоли ма йу!
Вала хIунда ле? Буьйсанна ара а вуьйлуш, йолчуьра лачкъь-
ийча? СагIа доьхучул-м, къоладар тоьлу!

Оцу ойланаша Iехош, шена хаа а ца луш йуьртах ара-
ваьккхина Муса йуьрта йисттехь лаьтгачу цхьана дехачу, ти-
шачу божална тIеIоттавелира. Баьсса тIоьрмиг карахь десте-
чунна хьалха гIойла а ма дац. ТIехула тIе, уьш кхоь меца
дара. Миччара йаьккхина а, пхьуьйранна хIума йахьа йеза-
ра. Ткъа, хьанна хаьа, оцу божалахь каро а ма мега пайдехьа
дерг. ДIогахула котамаш лела йежаш. Божална чуьра хур-
тIур деш араиккхи ши хьакха. Цхьа хIума ца хилча, хьийзар
ма йацара уьш оцу чу. Ма дика хир дара оцу чохь цунна хIо-
аш карийча!

Муса божали чу велира. ЦIенкъара нехийн баьрзнаш ке-
гош кхин а шиь хьакха йоллура. БIаьргаш жимма боданах

боьлча, Мусана хиира и баьрзнаш мацах цкъа гурахь бу-
ракаш, жӀаьнкаш, копастанаш цӀанйеш дӀатийсинчу лӀодгех
хилла буйла. Бехк а ца хилла хьакхарчийн уьш кегорах.

Муса чуваьлча, шайн болх битина, хьалатаьӀира ши хь-
акха. Цхьаннан кӀомсаршна йукьалаьцна йоккха кӀайн бу-
рак йара. Мусан ши бӀаьрг серлабелира. Хьакхин багахь дерг
жовхӀар хиллехь-м, тергал а дийр дацара цо. Цунна гург
дийнна бахам бара. Цуьнан меца са йухадерзо ницкъ болуш.
Шен цергех тесначу хих къурд бина, божалан неӀ те а чӀаьгӀ-
на, хьаьвдех хьокха а баьккхина, тӀеволавелира иза. Дуткъ-
ий, доца цӀагарш хьала а саттийна, хур-хур деш дӀаиккхира
ши хьакха. Масазза а хьокха тоьхча, эххар багара бурак охь-
атесира хьакхано. Схьаэцна, хечех хьаькхна, тӀера шеташ дӀа
а йаьхна, Iуьйшуш хан ца йойьуш йиьна чекхйаьккхира цо.
ТӀаккха, неӀ йиллина, ши хьакха ара а хецна, баьрзнаш тӀехь
цаьршиннан меттиг дӀалецира. Духьхьара карийначу жимчу
бурако дог-ойла гӀаттийра цуьнан. Нехаш кегор-м эрна хир
дац! Таханенна десте Iеххол хIума карайахьара. Кхана цхьа
гӀайгӀа бийр бара цо. Ши жӀаьнк! Копастанан дог! ХIан-хIа,
хIара болх иштта каде хилахь, церан хIусамехь масех дийна-
хь йаа хIума хир йу!

Цхьа-ши сахьт далале, Мусан тӀоьрмиг йуьккьелц буйзи-
ра. Амма, шена карийначу хIонсах бӀаьрмециг вуьйлуш, цо
кхин дӀа а кегайора нехаш. ХIан-хIа, кхин карийча, цуьнга
йахьалур йац. Тоййта деза. Кхана йуха а вогIур ву иза. Амма
хIара меттиг кьайлехь латто йеза. Нагахь цхьанна хаалахь,

адамаш г'ертар ду кхуза. Т'аккха цара цхъана дийнахь къаж-бийр бу х'ара баързнаш.

Муса кхийринарг хила а хилира. Иза мел къайлехь латто г'ертарх нахана хиира цо и беркат мичхъара кхоьхьу. Кхо де далале наха иссаза т'ек'елдехира и баързнаш. Церан доьзал йуха а меца бисира. Х'инца, къола ца дича, кхин некъ бацара к'елхъарвала.

– Дада, вай иштта мацалла дала Ийна девр дуй-те? – элира цо цхъана суьйранна шен дега.

– Ца Ийна х'ун дийр ду вай... Со къена ву, хьо жима ву. Болх Далла т'е а биллина, совцур вай. Рицкъанаш Делехь ду, – суьлхъанаш хьийзочуьра йукъах а ца волуш, жоп делира цо.

– Наха, къоладой а, шайна рицкъа лоху. Изза дийр ду ас а. Ден керара суьлхъанаш охъадийгира.

– Х'ун элира ахь? – тевжина Iачуьра охъахиира иза. – Къола? Хъанна дан волура хьо къола? Хьо хъера-м ца ваьлла?

Дена т'ейеана моха сихха д'айелира, к'ант шена дуьхьал вист ца хилча.

– Варийлахь, Муса, кхин цкъа а хъайна дага ма дайта-лахь иза. Къоладар дика г'уллакх дац. Бусалба динехь дихкина иза, нохчийн г'иллакхехь а озда дац иза. Хьо хъенан х'ун лачкъо волура? Кхузара бахархой а ма бу шайна дита а, вайна дала а доцуш. Шайш оццул хала бохккушехь, шайн долчух вайна дакъа дан а г'ерта. Эхь ма дара вайна, оццул дикачу оцу адамийн рицкъанна т'е къайлах куьг кховдийча.

– Ас неханиг лачкьор йац, ткъа колхозниг лачкьор йу... – халла къаьсташ вистхилира Муса.

– Цуьнан хIун башхо йу? Колхоз а, пачхьалкх а адамийн йу. Дерриге а ду адамийн кьинхьегамца IaIийна. ТIехула тIе, колхозо а, пачхьалкхо а до вайна гIо. Колхозо лучух хене ца девлла вай дIайаханчу аьхка а, гурахь а? Варийлахь, мегар дац хьуна. ТIехь дола дан да-нана доцчара хIуьа леладарх, иза хаза ду ма мотталахь. Иэхь ду хьуна иза. Вай кхоь бен дац, башха, мацделча, делха бераш дац. ХIинцца бIаьсте тIейогIур йу, тIаккха нитташ, хохаш гучубевр бу.

Хьовзийна чекхдаьхна суьлхьанаш, хьарча а дина, гIовталан кисана а таIийна, тIаккха дехха доIа а дина, йуха а цунна тIевирзира да.

– ДагадогIий хьуна, кIант, хьо доьшуш волуш, буьйсанна ахь суна дIайаханчу паччахьан заманахь адамашкахь, къаьм-нашкахь латтийначу Iазапах лаьцна, революцис вайн махкахь советан Iедал хIотторах лаьцна кинижкаш тIера хабарш дийцина? – хаьттира цо Мусага.

ДагадогIу дера-кх. Цхьа-ши шо хьалха ма дара иза. Цкъа иза «Чрезвычайный комиссар» йоьшуш волуш дена гира цунна тIехь нохчийн суьрташ. Цо дийхира и книга шена хозуьйтуш йешар. Ши бIаьрг хьаббой, меллаша суьлхьанаш а хьийзош, вист ца хуьлуш, резахуьлий, наггахь корта а таIош, леррина ладоьгIуш Iара иза.

Цкъа Муса, кIадвелла, сецча, цо дийцира шашь, нохчийн къехоша, советан Iедалехьа кьийсам латторах, шена цкъа

Орджоникидзе гарах лаьцна, кхин, кхин дуккха а.

– Ткъех шо хьалха, йокъанаш хилла мацалла хЮьтттира Украинехь. Мацаллех бевдда, хене бовла рицкъа лобхуш, вайн махка баържира Украинера, Кубанера дуккха а нах. Божарий, зударий, бераш. Довзалшца цхьаьна. Меца, берзина. Нохчийчохь ца хЮьтттинера мацалла. Лаьмнашкахь Іалаш-беллера бахам. Цундела гІертара уьш цига. Амма сов сис-кал йолуш нохчий а бацара. ХІинца тІедаьхкинчу вайгахь а, кху бухахь долчу къомехь а долу хьал хЮьтттинера Нохчий-чохь. Бакъду, вай кхуза дукха далийна. Вайна тІебаьхкина гІалгІазкхий кІезиг бара. Уьш вайна тІе шайн лаамехь баьх-кинера, ткъа вай –нуьцкъах схьадалийна. Со хІун ала гІерта аьлча, оццул шаьш гІаддайна болушшехь, цкъа а, цхьаммо а нехан хІуманна тІе куьг ца кховдийра цара. Лачкъа а ца йо-ра, йеха а ца йоьхура. Цара болх бора. Къахетара мисканех. Меца, дерзина бераш гича, дог дешара. ДуьххьалдІа йуучух болх бора цара.

Амма хала дара царна а, тхуна а. Мисканаш, хІинца вай санна, массо а шайн синошкахьа бевллера уьш. Наношна совдевллера шайн бераш. Церан ницкъ бацара царна кхача латто, уьш дузо, уьш мецачу Јожаллех кІелхьардаха. Ткъа бер хьоме хІума йу. Гуш лаьгташшехь уьш мацалла далий-та ца лаьара наношна. Цундела цара лобхура уьш гуттаренна а шайна тІелаца нах. Бераш доцчу довзало схьаоьцура уьш. Гор, Муса йаІ, ирс долуш ву хьо и наной ца гина! Кхечу къ-омана йукъахь, девзаш доцчу адамийн кара бер дІа а лой,

маъхарца йуъртах йолура нана. Бер тѐлоцуш стаг ца карий-ча, иза буса эвла йуккъе, йа некъа йистте охъа а дуьллий, шена цуьнан мохъ хазарна кхоьруш, шина куьйга лергаш а къовлий, къаьхъа баьрхиш а Іенош, Іадийча санна дѐахъаьдда йоьду нана гича, цунах дог Іаьвжий, боьлхура тѐман цѐргяхъ бахчабелла йуъртара къонахий.

ДагайоГий хьуна ПетІамат, Элижа, Мархет а? Вайна тѐхула агІор басахъ цѐнош долуш волчу Кераман Жабраил? Хъаьрса а волуш, нохчийн мотт шера а ца бийцалуш? Хѐтахъ, иштта вайн йуъртахъ дисина, оцу наха кхиййна бераш дара хьуна уьш. И дерриге а цахуучунна моьтту и бераш оцу нехан ду, и нах оцу берийн дай-наной бу. Кхин а дуккха а дисира иштта бераш. Амма, ши-кхо шо даьлча, меца хан дѐай-аьлча, йуха а баьхкина, цхъадолу бераш шайн дай-наноша дѐадигира. Уьш диь дисира. Хъанна хаьа, цѐран наной белла хила а мегара. Масех жима зуда, вайнахе маре а йахана, шайн доьзал а болийна, вайна йуккъехъ йисира.

Да, ойлане ваьлла, цхъана ханна вист ца хуьлуш сецира.

– Гой хьуна, Муса, цхъа де цхъаьнгахъ ца лаьтта. ХІара па-чхьалкх – вайн цѐа ду, ткъа хІокхунна чохъ дѐха къаьмнаш цхъа нана-доьзал бу. Йиша-вешех цхъанна цхъа бохам, цхъа халахетар хилча, бисинарш цунна гІоьнна, цуьнан догъэца гІоьрта. Иштта, шайн ницкъ ма-кхоччу, вайна гІо дан гѐр-таш, вайн лазамна дарба лобхуш лела кху мехкан къаьмнаш а. Царна йамарт хилча, нийса хир дуй? Хьуна дагадеанарг дика хІума дац. Тахана тѐамехъ дакъалоцуш ду дерриге адам.

Герз лело хьуьнаре волу массо стаг тIамехь ву. ЦIахь бисина зударий а, кьена нах а царна дуург, тIедухург, герз латтош ду. ЦIахь долчу вай болх ца бахь, вайн барт ца хилахь, вайн кьоланаш дан долахь, толам баккхалур бац вайн пачхьалкхе. Меца а, шийла а дуьсур ду. Вуо-м а хьобгур ду, лийр а ду. Амма, йерриге халонаш ловш, сатухуш хила деза вай. Вайначул мел хала ду тIамехь болчарна. Ахь дIа ладоьгIча, цхьа а доьзал бац кхузахь тIамо да, кIант, ваша вайъаза. Цхьа а доьзал бац кхузахь кийра буззалц сискал гуш. Цара садетта. ХIетте а, оццул холчохь шайш бохккушехь, цара шайн ницкъ кхочу гIо до вайна. Царна кьола дан гIертар дика ма дац. Иэхь ма ду иза. Далла а, Iедална а хьалха гIиллакх доцург ма ду ахь дагалаьцнарг. Сатоха деза, собаре хила веза, Муса.

Мусас сатуьйхира. Цул тIаьхьа дукха хан йалале цунна хезира, хьун хьакха лесхозе нах бохуьйту бохуш. Баттахь болх бан цига вьодучунна ши пунт хьаьжIаш, кийла моз а, кийла даьтта а лора. Цига ваха сацамхира Мусан. Бакьду, колхозан председатель Сапар дикка йухагIиртира, иза цига ца вахийта гIерташ. Жима ву, бохура. Амма мичахь бара цунна цига бахийта баккхийниш? Бан а бацара-кх. Зударшка далург Мусага а далур ма ду. Муса кьар ца лой хиъча, эххар а резахира Сапар. Шена йелла продукт йерриге цIахь а йитина, накьосташна тIаьхьа а хIобьтина, лесхозе вахара Муса. Цхьадика, цуьнца цига баьхкинчу оьрсийн зударшкахь а, гIиргIазойн баккхийчу нахехь а жимма хIума йара. Иза цIахь доьхна хьал дитина веанийла хуучу цара, шайгахь йолчух

клез-мезиг луш, меца ца витира иза.

Хьун хьакха вахана бутт кхочуш, стомара лулахоша цуьнга хабар кхачийра, да-нана члогла цомгаш больницехь Гуьллу, чехкка ца кхача аьлла.

Хинца иза больницин корехь ву. Цкъа, водий, десте чохь Гуьллучу цийнан коре хутту, таккха да волчу вогу. Оцушина корана йуккъехь некъ биллина цо. Амма корах чухье-жар бен, кхин цаьрга вистхуьлийла дац. Десте гуттар а чогла йу. Иза синкхетамехь йац. Муса коре хьавзича, Мохьмад, цкъа халла охьа а хиьна, вистхилира. Амма Мусана ца хезара цо дуйцург. Мохьмад йуха а датежвира. Муса вехха хий-жира кайчу гайбех халла бен ца кьастачу ден кайчу може, мокхачу йуьхь терачу буткъбеллачу мере, нур дайначу баьргашка... Коьрте хийза цхьаь цхьаннел ирча тайп-тайпана ойланаш. Беснешна текула охьаледара дуьра баьрхиш. Садукьдан санна, логе хуьттурса хораман шад. Цо беснешна текуь хьокху, мара ийзабо. Амма лиэдачуьра сацац йа ши баьрг а, йа мара а. Маржа дуьне йа! Леш доллу-кх и шиь. Южалла-м Юоранна а текутта йезаш киртиг ма йу. Дай-наной а даим лаьтгаш ма дац. Мацца лей а, цкъа ле уьш. Муса ша а лиьр ву цкъа. И дац цуьнан дагна бала бинарг. Цуьнан ши баьрг догланах белхориг, цуьнга са уьйзуьйтург кхин ду. Даймахке, доьзалшка, йиша-веше сатуьйсуш, леш доллучу цаьршиннах кьахета. И шиь делча, цо хун дийр ду цаьршинна? Больницера ца дига деза, дадолла кечдан деза, дадолла а деза. Мила вер ву цунна улло? Хьан дийр ду цуьнан

жимачу дагна маслаґат? Муха воёрзур ву иза шийлачу, йаьсачу, кьечу хґусаме ша? Хґун хир ду цунах цаьршиннал тґаьхья? Мичахь бу-те цуьнан йижарий? Дийна вуй-те Шаґид? Хаац-кх царна тахана Муса дедоьхна хьийзийла.

Кийрара мохь ца балийта ґерташ, дог кьуьйлура цо. Дехьо коре хьийзачу ґалхех а эхь хетара велха. Муса жима ма вац, цуьнан пхийтталґа шо ду. Хаза хир ма дац, иза воьлхуш гича. Амма, амма ма чґоґа кийра хьяьвзина хґара бала! Логе хьялагґерта иза, кхин дґа сецалац иза...

Везан Дела, хаац-кх цхьанне а хґокхуьнан кийрара кьяьхья бала. Мохь аьлла ша велхале, ґалхина генавала ґоьртина, больница гуонах йолчу баролна тґехьоду иза. Амма цуьнан ницкь ца кхочу оцу масех секундехь сатоха.

Цуьнан кийрара кьора мохь болу...

Дог йухадерза ца туьгуш, букь тоьхна, пенах корта а таґийна, вехха лаьтта иза цигахь. Цунна ца хаало ґалха шена тґевоґуш а, цо шен белша тґе куьг дуьллуш а.

– Ма велха, кґант, – хеза цунна, генарь санна. – Ма велха. Хьо жима велахь, а нохчочуьнгахь товш дац велхар. Дика тґедеача – куравала а ца веза, бохам тґебеача – велха а ца веза. Халонна тґеґоттавелча, гор вужуш ца хуьлу, ткья берриге ницкь тґе а гулбой, текхаш вахана а, хьялха дґавоьду! Хьялаайбал хьяйн корта!

Мусан букья тґехьяхула дґа куьг а дохуьйтий, иза шена тґеозаво ґалхас. Тґаккха, цуьнан пхьарс а лоций, цуьнца цхьяьна больницехья дґаволало.

– Це хІун йу хьан?

– Муса йу.

– Гой хьуна, Муса, хьо оцу шина коре хьийзаш, тергал-веш Ийра со. Суна гира, кийра хьаьвзинчу балано бІарзвина, сайх къаьхкина хьо йуьстахволуш а. Стаг даим могаш а ца лаьтта, даим дийна а ца лаьтта. Амма, цомгаш хиларх, чІоґІа цамгар кхетарх даим леш а ца хуьлу. Суна тахана гина хьан да-нана. Нана чІоґІа йу, амма Мохьмад гІолехь ву. Да-нана даим лаьтташ дац. Церан дай-наной белла, сайниш а лийр бу, вай дерриг а лийр ду. Иштта ма ду дуьне. Хьуна иза хаьа. Хьо бІарзвинарг кхин ду. И ший лахь, айхьа царна а хІун дийр ду-те, царал тІаьхьа хьайх а хІун хир ду-те бохуш, ой-ланаш йеш, бІарзвелла хьийза хьо. Оцу Дала мукьалахь, и шиь толур ду. Амма, Дала шайна тоьхна оьмар чекх а йаьлла, и шиь лахь а, церан вежарша, кІенташа лелон дерг лелош, и шиь дІа а дуллур ду ас, ткьа хьо хьайн нахана тІекхаччалц, сайн кІентан санна, хьан дола а дийр ду. Хьуна оьшучохь да а, вежарий а хир ду тхо кхо ваша. Вохий ма хьийза. ТІехула тІе, хьуна цхьанна тІехІоьттина ца Іа хІара де. Цомгаш хил-ларг, кху чохь лобраша дика дарбанаш а леладой, товой ара-воккху. Да-нана деллачу берийн Іедало дола до. Ца гина хь-уна эвла чу вуллучохь гуонаха беш йолуш долу даккхий, де-хий, кІайн ценош? Интернат йу иза. Нохчийн маситта бер ду цигахь кхобуш. Даа а, тІедуха а ло царна, хаза чохь Іен ценош ду, кІеда, цІена мотт-гІайба йу, хьоьхуш хьехархой бу. Ша мел холчохь делахь а, Іедало витац стаг бохамехь тес-

на. Вало, хІинца вайша Мохьмад волчу гІур ву.

Йехачу цІеначу сени чу ваьлча, цаьршинна дуьхьалкхий-тира лор-йиша.

– Шуна хІун обьшу, накъостий?

– Цомгашчу воккхачу стагана тІехІотта лаьара тхойшинна.

– Мила ву иза?

– Покровкера Мохьмад.

– Фамили?

– Хаац суна. Зуда а, майра а цхьаьний далийна и шиь. Суна хетарехь, воккха стаг и дІо неІ йолчу палатехь ву.

Лорйишас корта хьовзийра.

– Мегар дац цунна тІеваха. Къамелдар дика дац цунна.

– Амма, цунна тІе ца хІиттича, цадовлуш хьал хІоьтти-на-кх тхан.

– ХІан-хІа, мегар дац. Кхетий хьо, иза хІинца а чІоГІа ву.

Лорйишин пхьарс а лаьцна, иза а эцна, дехьо а ваьлла, цуьнца лохха къамел дан хІоьттира Іалха. Наггахь Мусагахьа бІаьрг тухуш, корта а телюш, Іалхе ладоьГІуш лаьттара лорйиша.

ТІаккха, дежурки чу а йахана, ши халат йохьуш, сихха йу-хайирзира.

– Сагатдо ахь, жима стаг? – хаьттира цо, халат тІейуха Му-сана гІо а деш. – Баккхий нах кестта, то а белла, цІа богІур бу. Воккха стаг вуьззина къонах ву. Оццул чІоГІа кхетта цам-гар иэший цо. Тахана хІума а кхаьллина, метта охьа а хуу. Са

ма гатде, диканиг. Кестта ца догтур ду и шиь. Жимма ахь сатоьхчаьана, дерриг а дика хир ду.

Хун дара а хаац, Іалхин а, оцу догценачу оьрсийн йоьІан а дешнаша сапарІат даьккхира Мусан. Лесхозехь наха шен дола деш, церан мах хадо ца хиира цунна. ХІетахь иза бохамехь вацара, ткъа хІинца бохам тІехІоьттича, цунна хьалхаша висина моьттинчу хенахь хааделира Мусана ша цхьа воцйла а, адамийн дикалла а.

ХІара шиь чукхаьчча, Іалхас делла салам дІа а оьцуш, хьалаайъавала гІоьртира Мохьмад. Амма Іалха, цуьнан оза куьгсхьа а лаьцна, белша тІе дайн куьг диллина, саца а вина, уллохь лаьтгачу гІанта тІе охьахиира.

Мохьмадца цхьаьна палатехь Іуьллуш кхин а кхоь стаг вара. Іалхина бІаьрг ма-кхийтти хиира уьш мича кьомах бу. Доккха сира ши мекх а, озачу йуьхьа тІехь боккха, бежа мара а болуш волу воккха стаг гуьржи вара. Цунна дуьхьал маьнги тІехь коьртахь кьорза пес йерг узбек вара. Сонерчу маьнги тІехь нохчийн жима кІант Іуьллура.

Мохьмадна уллорчу тумбочкина тІехь а, чохь а миска дарш дара. Іаьржачу бепиган йуьхк а, узбекийн кхаллар а, йа-кьийначу кемсийн кан а, масех Іаж а.

– Воккхачу стагана тІаьхьадаьхкина шу? – хьаттира гуьржичо. – Дика даьхкина. Дика адам ду Мохьмад. Оьзда стаг ву. Схьа чувалийначу хенахь гІуллакх дика дацара сан махкахочун. Амма тхо, кавказски кьена нах, мокхаз санна, чоьгІа ду. Тхо лийр дац шуна, шайна паргІат Іелаш. Шу ца дир-

зича, Мохьмад волчу хьошалгІа вогІур ву со. Таккха тхойша цхьаьний сан даймахка Кахете, гІур ву. Цигахь сан ширачу доттагІаша тхойшинна хьалха хІоттор йу чагІарх йуьзна чури. Тхьашшинна хачапуриш йууш, тІе чагІар муьйлуш, чангула а локхуш, гуржийн мехкаршца хелхавийр ву. Амма сан генацвале реза вац чагІар мала. Шен цархочо шайна дихкина, боху. ХІумма а дац. Ишттачу дийнахь маларх къа хир дац. Амма хелха-м вер ву. Тхан йуьртарчу уггар хазачу йоІаца! ХІан, генацвале?

Мохьмада, виэла а къежаш, корта хьийзабора.

– ХІара кхо стаг а, кху чуйогІу и оьрсий йоІ а ца хиллехь, чогІа бІооьшур бара сан, – элира цо, гуьржичун къамел сецча. – Шайна тІаьхьабчанчу кхачанех ах суна схьало. Ткъа и йоІ, ша балха йогІуш, суна хІума ца йохьуш ца йеана цкъа а. Хьашт дац, ас йуур йац аьлча а, ца Іа. Хьайн зудчунна ло олий, дехьа чу йохьуйту. Цхьацца забарш йеш, сан догьйэца гІерта берриге а. ХІара гуьржи ву самукъане стаг. Масазза а Нохчийчохь хилла ша, боху. ДІогахь Іуьллучу узбекан зуда йац. Ша товелча, цхьа жима зуда а йалийна, со ловзарга кхойкхур ву бохуш забарш йо цо. Дика адамаш ду. Вайх чогІа къахета царна. ХІокхара цамгар йаййна сан.

Чувечанчу шиннан дукха Іойла доцийла хууш, къамел сацийна, дІатийра Мохьмадан накьостий.

* * *

«Гор, ШахІид йаІ, ма халачу хьоле вожийна-кх ахь со! –

ойла йора Іалхас, Мохьмадан лекхачу, хебаршка ихначу до-
гучу хьаьжа тІе шен шийла куьг а диллина. – Хьанна моьтту-
ра, хьан доьзал суна кху хьолехь карор бу. Хьо дийна ву, хьо
шайна тІекхочур ву моьттуш, хІорш Іа, ткьа хьо, хьо вина,
хьо кхиййна нана-нохчийн латта цхьана къацахетарша хьай-
гара дІа а даькхина, хьо байлахь витинийла хууш санна, ге-
нарчу белорусски латто шен кийра тІеэцна...»

...Дайаханчу аьхка фронтехь хьалхатеІачу советски эс-
каршца цхьаьна июнан тІаьххьарчу деношкахь Бобруйска ул-
ло кхечира Іалха гІуллакхдеш волу инарлин И.А.Плиевн до-
шлойн-механизированни группа. Цхьана суьйранна церан
участкехь тІом соцунгІа а хилла, жимма садаІа меттиг йаьл-
ла, шен эскадронца жимачу кІотарахь садаІа сецначу Іалхи-
на тІевалийра цунна вевзаш воцу къона сержант.

– Накьост капитан, хьо нохчо вуй? – хьаттира цо, маршал-
ла хаттар а доцуш.

– Ву. ХІунда хьотту ахь?

Нохчийн а, гІалгІайн а халкъаш махках даьхначул тІаьхьа
оцу къаьмнех болчу салташний, эпсаршний тІехь шатайпа
тергам латтабора эскаршкахь гІуллакхдечу пачхьалкхан кхе-
рамазаллин органийн белхалоша. Ткъа вуьшта, кхечу къаьм-
нех болчу бІаьхаллин накьосташца вошалла ларделира цхьа
а тайпа хийцам боцуш. ХІетте а, органаша къайлах лелочу
эладитанаша кІез-кІезиг буллуш цатемаш буллура цхьацан-
нийн дегнаш чу. Дукха хан йалале массо фронта хьохчех,
гІалгІайх а могІара бІаьхой тыле дІабигира. Изза кхоллам эп-

саршна тӀе а кхочур буйла хууш, шайн полкан штабера стаг веача, йа ша цига дӀакхайкхича, дог духура Ӏалхин.

– Кхузара дӀа генайоццуш цхъана йуьртахь чӀогӀа чевнаш хилла Ӏуьллуш сан доттагӀ ву... Нохчо ву иза. Тахана хилла цунна чевнаш. Валарна кхерам болуш хьал ду... Ша валале йа ша тыле дӀавигале, шена тӀе цхъа нохчо кхачор дехна цо соьга. Цунна цхъанхъахула-м хезна кху полкехь хьо хилар. Кхетий хьо, накъост капитан, лачкыйна вигна а, хьо а воцуш цунна тӀе йухаверза йиш йац сан... Хъайна хаахъара, тхойшинна вовшийн мел чӀогӀа духхавеза. Тхан дивизин разведкин начальник ву иза. Ӏаламат майра, каде, хьюьнаре, догдика... ТӀом болабеллачу хьалхарчу дийнахь дуьйна схъа даим а цхъаьна ву тхойша. Хъайна хаахъара, иза мел дика кӀант ву...

– Генахь вуй иза? – хьаттира Ӏалхас.

– Пхи-йалх километр.

Сихха полкан командирна тӀе а вахана, шена тӀеӀоттаделла гӀуллакх цуьнга дӀадийцира Ӏалхас. Вуьшта а Ӏалха догдоьхна лелий хуучу полковнико, дуьхьало ца йеш, оцу буьйсанна мукъа витира иза. Говрашкахь воьду хӀара шиь ах сахьт далале дӀакхечира йаьгна чим хилла лаьтттачу хьюьнна йуккьерчу жимачу йуьрта. Ларамаза дийна дисинчу деккъачу цхъана цӀа чохь Ӏуьллура чӀогӀа чевнаш хилла масех салти. Узарш деш, синкхетамах а бевлла, харцӀлуйш Ӏохкучу царна гуонах хьийзаш лорйиша а, капитанан чинехь хирург а вара. Баьрччехь, кӀел сийна буц а йаржийна, оцу тӀетесначу плащ-

палатки тЕхъ, берриге накха а, хъаж а бинташца дА а лаьц-на Гуьллучу дархочунна тЕвигира иза сержанто. Дархо, ши бАьрг а биллина, Іалхега хъаьжира. Цуьнан дог-ойла айьалур йацара-те аьлла, салам делира Іалхас.

– Ва Іалайкум салам! Бехк ма биллалахъ, со хъала ца гІат-тарна...

Дархочо са чуоьзча, цуьнан накха иэтІачу левсих тарлора.

– Лейтенант Магомадов, хъуна къамелдар зуламе ду! – схъа мохъ туьйхира корехъ лаьтгачу капитана-хирурго. – Хьо тыле дА хъажавале, хъуо кхоош хъайн дегІе жимма ницкъ баийта. ХІинца-хІинц машина кхочу бохуш ладоьГуш Іа со.

Лейтенант велаькежира:

– Алексей Михайлович, со Јожаллех цкъа а ца кхийриний хъайна хуьушехъ, хІунда дуьйцу ахъ иза? Со кхузахъ вуьсур волуш ма ву. Цул, со а витина, шу дАдахале, жимма къамелаш де вай... – дархочо шен ши бАьрг сержанте хъажийра. – Баркалла хъуна, Вася. Шуна кхета хала болчу тхоьгарчу балано кхайкхийти соьга хІара махкахо сайна тЕе. Айхъа суна мел доккха гІуллакх дина, мел боккха там бина хъайна ха-ахъара, Вася... Тхо, нохчий, жима халкъ ду. Цундела эскарехъ гІуллакхдеш берш а кІезиг бу... Эзарнаш километраш-ка йахйеллачу фронтехъ масех миллион бАьхошна йукъахъ цхъацца-шишша массанхъа а баьржина сан махкахой каро хала ду... Амма, даима санна, хьо ларий хъайна тЕедиллинчу халачу декхарца... Баркалла хъуна, Вася. ХІинца, ахъ бехк ца биллахъ, ас кху сайн махкахочуьнцатхешан ненан маттахъ

къамел дийр ду... Хъайн це йийцахъа..., – Іалхе хъалахъаъ-жира дархо.

– Іалха йу сан це.

– Мичара ву хьо?

– Веданара.

Дархо цхъана минотана садоуш дІатийра.

– Суна хетарехъ, сан оьмар миноташка йирзина. Цундела сайна ала луург хьоьга сихха дІаала гІоьртур ву со... Нохчий шайн даймахкахъ, шайн йарташкахъ бехаш хилча-м, вайх хилларг вайн доьзалшка дІахоуьйтур дара накъосташа, командованис... ХІинца со а, хьо а валарх, вайн доьзалшна хуур дац. Уьш мичахъ бу а, дийна бу-бац а ца хаъа вайшинна... И ду соьга хьо схъакхайкхийтинарг... Сан дехар ду хьоьга ас йоху цІераш дІайазйар...

Арахъ машинан тата хезча, сихха корак арахъожура лор. Амма цо ладоьгІу машина гучу ца йолура.

– Со Бенара ву. Фамили – Магомадов йу тхан, це – ШахІид йу. Кхузткъе итт шо хенара да ву сан Мохъмад це йолуш. Нана йац... Десте йу Бесирана це йолуш. Элита а, Белита а цІераш йолуш сол йоккха шиъ йиша а, дейтта-пхийтта шо хенара Муса це йолуш цхъа ваша а ву. Ший а йиша Бенахъ марехъ йу, Ахъмад а, Іадиз а цІераш йолчу шина стагехъ. Хьо валаза дийна вайн нахана тІекхачахъ, и сан нах а лажий, цаьрга сох хилларг дийцалахъ... – ШахІидан ницкъ тІаьхъ-тІаьхъа оьшуш, аз, гІеллуш, хеда дуьйлира. – Ткъа вайн нахе беана бала, бохам... Цуьнан ойла йан воьлча, хьервал-

лаза вуьсу... Амма вайн халкъ мацца а цкъа шен махка ца доьрзур ду. Мацца дирзина а, ца доьрзур ду... Хено къастор ду дерриг а... Партис иштта дуьтур дац и гIуллакх... Вай теша цунах. Ткъа вайнахана бохам бинарш таIзарх кIелхъара а бевр бац...

Iалха, мацца а цкъа шаьш вайн дай баьхначу лаьтта тIе ца дирзича, тхан йуьртан кешнийн кевне, гу тIе, сан безамна цхъа жимо гIайракхан гIулг богIа, алалахь...

– XIан-хIа, ШахIид, ахь санна, ас а лоцур йу и къиза Южалла. Со а тешна ву, вайн халкъе беанчу иэрчачу бохамо хIара дуьне а къахьдина, хьо хьуо Южаллин бага гIиртина хилар. Изза до ас а кху деношкахь, амма, хьо санна, ирсе ца хилла со...

– Лейтенант, къамел ма дехъа..., – йукъагIоьртира лор. Амма иза ШахIида сацийра.

– XIумма а дац, Алеша... Цхъа масех минот бен ца йисина...

ШахIид вала герга вуйла хиьначу Iалхас цуьнан корта меллаша хъала а айбина, шен кара биллира.

– Вася... сан доттагI!

Шен цIе йаьккхича, сержант ШахIидна хъалхха гора вуьйжира.

– XIун боху ахь, ШахIид?

– Хьуна хаьа-кх, Вася, тхан халкъана тIехь динарг... Тхо йамарт, кIилло а хилла-м ца дина цунна и таIзар... Тхан жима халкъ... Жимачунна халахетийта атта ма ду... Нагахь тхан

халкъана хьо волчоь цхьамма вуон дош алахь... тхобгахьа
гЮ даккхалахь... Тхуна йамарт, кИлло нах дара ма алийта-
лахь...

– Ахь хIун дуйцу, ШахИд! Хьан эр дара шуна харцдерг?
Дукха хенахь дуйна, дерриге а дуьненна хууш ма ду шун
халкъ майра, тешаме, доьналла долуш хилар!

– Баркалла хьуна, Вася... Со теша хьох, сайн вешех сан-
на... Iалха... со леш воллу... Вайн дайн гИллакхехь дIавол-
лалахь со... Виц ма лолахь – Нохчийчоь... Нохчийн кIен-
ташка дохий ма хьийза ала... Цул а йаккхий халонаш тIеIит-
тайаларх, вайн дай а ца боьхна... Дала хьукма долда... вайн
халкъана тIехь и харцо лелийначарна!...

ШахИдан дешнаша гуонах дерг дерриге а дицдина, цхьа-
на минотана шен ойланашца гена нохчийн лаьмнашка, вин-
чу йуьрта вахара Iалха. Нохчийн уггар ширачу йартех цхьаь.
Буьрсачу Шемалан столице. ГIараваьллачу харачойн Зелам-
хас дуйххьара шен бекхаман куьг айбинчу меттиге. Цигахь
вина, цигахь ваьхна Шемалан тоьллачу наибех цхьаь хил-
ла волу Iалхин денденда Эдал. Iаьлбаг-Хьаьжин гIаттамехь
дакьалоцуш вийна Iалхин денда. Деникинцех леташ Соьл-
жа-ГIалина уллохь вожна Iалхин деваша. И санна йу нох-
чийн муьлххачу а доьзалан биографи. Нохчийн халкъо бIен-
наш шерашкахь шайн цIийца хьандина и исбаьхьа лаьмнаш
дIадаьхна цаьргара. Ванах, кхин гур доцуш ду-те Iалхина ша
вина, бераллахь левзина и хьоме лаьмнаш, хьаннаш...

Оцу къаьхьачу ойланех Iалха йукьахваьккхира ШахИдан

малделлачу дегЮ...

– ШахИид!?! ШахИид!?! – мохъ белира сержантан. – Велла! Хьо турпалх а кьинхетам ца бин-кх Южалло! ШахИид, сан доттагI, сан ваша, ламанан кура леча... Суна хаьара, ахь Южалла лохийла... Сан ницкъ ца кхечира хьо ларван... Ва, неIалт хуьлда хьан цIеначу даг чу дIовш доьттинчунна!

Шайн халкъ бехк-гуьнахь доцуш махках даьккхинчул тIаьхьа йерриг фронташкахь а, партизанийн боламашкахь а дера а, турпала а летара нохчий. Оцу тIе уьш тоьттура масех бахьано. Шайн халкъана тIекхоьллина и харцо а, дина иэхь а ца лалуш, тIеман арахь Южалла лохуш летара. Даймахкана йамарт хилла боху нохчийн халкъана тиллина цIе харц хилар хайта гIерташ. ТIамехь болчу нохчийн кIенташа турпала хуьнарш, Даймахкана тешам а гайтича, бехк-гуьнахь доцуш и харцо тIе а кхоьллина, махках даьккхинчу халкъана тIера и харцо дIайаккхаре догдохуш а. Амма, шен халкъана эхь дина, цунна харц таIзар дина аьлла, мостагIашкахь ца волура цхьа а.

Халкъ таIзардеш махках даьккхинчул тIаьхьа тIамехь хуьнарш гайтинчу нохчашна орденаш йалар а, турпалхочун цIе тиллар а сацийра. Фронтан командованис йа Москвахь чекх ца бовлуйтура уьш. Цундела, эскаран, дивизини, йа полкан командованин хьехаршца, орденна а, йа турпалхочун цIарна а хуьнар гайтинчу цхьаболчу нохчийн эпсарша шавш кхечу кьомах йазбойтура – гуьржий, хIирий, гIезалой, гIумкий, суьйлий, и. дI.кх. а. Иштта цхьа могIа хIилланашца то-

ламан де тІекхаччалц тІамехь бисира дуккха а нохчий,

Іалхин ца дийзира цхьа а хІилла лело. ШахІид дІавоьллин-чул тІаьхьа цхьа бутт баьлча, тІамехь луьра чов хилла, йех-хачу хенахь госпиталехь а Іиллина, йуха fronte ваха ца ма-гош, ца хьажийра.

Ца мичахь ду-м ца хаьара...

... Іалхас доккха садаккхира. Цхьа кІира хьалха хиьнера Іалхина ШахІидан доьзал Покровкехь хилар. Цунна и хиьна-чу хенахь Мохьмад а, Бесират а чІога цомгаш дара, ткьа Му-са лесхозехь вара. Цомгашниш больнице а балийна, Муса ца кхайкхира Іалхас. Амма ШахІидах хилларг Мохьмаде дІахо-уьйтийла дацара иза товелла верзалц.

– Мохьмад, хІара кІант а валош со хьуна тІеваран бахьа-на дийца лаьа суна, – долийра Іалхас, ша цуьнан могашал-ла хаьттина ваьлча. – Ас хьехар дала воккха ву хьо, цунде-ла хьуна собгара хьехар ца оьшу, ткьа гІо оьшу. Тхо санна, махках ваьккхина хьо, амма хьайн йиша-вешех, йуьртахойх къастаро хІара бала тхуначул базбина хьуна. Іожалла вайна тІаьхьа хІоьттина лела. Сахьт дац валаран. Цунна а ца кхоьру хьо. Цунах кхера а воккха ву хьо. Кхузахь Іуьллучу хьайн а, хьайн хІусамненан а ойла кІезиг йо ахь. ХІара дуьне иштта декъаза дуучул, нахана бала а хилла дехачул, делла дІадовлар гІоле ма йу, боху хьан даго. Амма хьан дагна бала бинарг, хьан садуург, хьуна хьайн цамгар а, гуонаха хьийза Іожалла а йицїинарг кхин ду. Ахь ойла йо делла шавшшиь кху чуьра арадоккху долчу дийнан. Тезет хІотто йуьртахой а бац, кадам

дѦаэца гергарниг а вац, тѦаьххьарчу новкъа ваккха нийсарой а бац. Шаьш делча, лийчо, марчо хьарчо, сагѦа даккха, мел кхайкхо стаг хир вац-кх, боху хьан даго. Цул а дазделла хь-уна шайл тѦаьхьа кѦант висар. Цуьнан дола дан стаг цависар. Бакъ дуй и, Мохьмад?

Ши бѦаьрг хьаббина, ладоьгѦуш Іачу Мохьмада меллаша кхузза корта таѦийра:

– Бакъду иза, Іалха. Сан дагахь дерг цѦенна схьадийци ахь.

– Амма оцу агѦор ахь сагатдан ца оьшу, Мохьмад. Сингат-тамо йолчу тѦе а чѦагѦйо цамгар, Јожалла гергауьйзу. Хьан са-паргѦат мел хили дегѦа тѦера цамгар сиха дѦаайбалур йу. Ге-нахь бисина хьоме Даймох, байлахь дисина дай-нанойн кеш-наш йукъа а лоцуш, дуй биьна, ас дош ло хьуна, нагахь, цхьа Делан болх хилла, сайл хьалха хьан а, хѦусамненан а Јожалла хилахь, сайн да-нана санна, лоруш, царна тѦехь айса дендерг шуьшинна тѦехь деш, шуьшиь дѦадолла а, шен нахана тѦек-хаччалц, хѦокху лаьтгачу шун кѦентан сайн кѦентан, вешин ас дендолу дола дан а. Нагахь ас хѦара сайн дуй кьарбахь, хьуна деллачу дашах со вохахь, Дала хьуна дуьхьал йуьхьѦаьржа а валавойла со!

Делкъанна йуург йохьуш чуйеанчу лорйишас йукъах-даьккхира Іалхин къамел.

– Гой хьуна, жима стаг, дада дика Іаш ву. – Мусан белшах куьг туьйхира цо. – Ткъа хьо вoьхна хьийзара. ХѦинца арадо-влар доьху шуьга, накьостий. Цомгашчунна дика дац дукха лер. ХѦокхо хѦума кхалла а йеза.

Іалха хьалагеттира.

– Амма шуьшинна хІума хила йиш йац, Мохьмад. Шуьшиь, Дала мукъалахь, толур ду. Схьало хьайн куьг. Меттахь-хьен пурба дац хьуна, – Мохьмадан куьг схьа а лаьцна, тІе охьа а таьІна, цуьнан некхах шен накха туьйхира Іалхас – Марша Іойла хьо! Вайн везачу Дала маршалла дойла хьуна! Варийлахь, цхьана а хІуманна са ма гатделахь. Дала диканна цхьаьнатухийла вай.

Цаьршинга хьоьжуш хІоьттина лаьттачу Мусана гира ден балдаш дегалуш, дазделла бІаьрнегІарш тохалуш, царна йуккьера схьа Іовдаделла бІаьрхин тІадамаш, хебаршка ихначу мокхачу беснешна тІехула меллаша шершаш кІайчу можа йукъа а доьлла, довш.

VI

Тахана дог декхаделла, дегІ дайделла райисполкоман председателан кабинета чуьра арайелира Анастасия Федоровна.

Исполкоман председатело Турсунбековс цуьнга бешийтина спецпереселенцашна гІодаран хьокъехь болу правительствон сацамаш. Ценош-бахам вовшахтоха ахча а, машинна даьхний доло цхьацца бежана а лур ду царна. Цул сов, пачхь-алкхо нохчашна хІор а син цІарах ло йалта а жимма алсам-даьккхина. Дукха ца леш, тІедогІучу йалташна дуьхьал гІур бац-те уьш...

Кертах дІатесна лаьтта шен говр схьайаства ойла хилла,

цкъа дуърстанан урх схъа а лавцна, йуха а длахийцира цо. Дерриге гУллакхаш чекх а ца дохуш, ца гЮйла а ма дац. Комендатуре а йахана, нохчийн хьокъехь дагайала дезаш дуккха а гУллакхаш ду Анастасия Федоровнин. Нохчашна йукъахь нисло хИнца а гАдданза наггахь стаг. Цхъащаволчун аьтто хилла шайн долара безачу механ хГуманаш шавш махках дохучу дийнахь кЕлхъарйаха. Цхъащаволчун доьзал жима а, кегий бераш цахиларо а аьтто бина. Иштта, гай йуьзна, дегЕхь ницкъ болчу цхъамма шен зудчунна тЕе зуда йалийна. Цхъана стеган ши зуда хиларх-м кху махкахь башха тамаша а ца бора. И шираллех дисина гУллакх Едало дукха хан йоццуш дАдаьккхина меттигерчу бахархошна йукъара. ХИнца а нисло къайллах шиь-кхоь зуда кхобуш узбек, киргиз. Амма уьш мацах цкъа балийнарш бу. Кху тЕаьххъарчу шарахь, зудчунна тЕе зуда а йалийна, уьш ший а цхъана стагехь йехаш меттиг хилла йац. ХИнца ишттаниг нохчашлахь долалуш лавтта. Кхузткъе итт шо хенарчу воккхачу стага бухарчу зудчунна тЕе йоI-стаг йалийна. КЕл хЮтта тхов а, даа-мала а доцуш, вала верас воцуш йисина и йоI а йахана цуьнга.

Ткъа воккхачу стага Едалх лечкъадо иза ша шена йерзийна хилар. ХАра да-нана делла йисина шен гергарчу нехан йоI йу, цундела, тЕе а лавцна, кхобуш йу, боху цо. ЙоIа а чЕагIдо изза. Ткъа гУллакх иштта цахилар Настина шера го.

Йуьртахь нохчийн маситта бер ду, ткъа царах школе лелаш йалх бен дац...

Кхин масане ду уьш! Дерриге а йуьртсоветан декхаршна чудогIуш а, Анастасия Федоровна шайца ларор йолуш а гIуллакхаш ду уьш. Амма нохчий спецпереселенцаш бу. Цаьрца доьзна кхолладелла гIуллакх – иза жима делахь а, доккха делахь а – комендатурехула къасто дезаш хуьлу. Хьалха кхузахь комендант хиллачу Чалийца дерриге а гIуллакхаш дика дIанисдора цо. ХIокхо санна, нохчех къахеташ, доглузуш, церан гIуллакхна шен са дIаделла, болх бора Чалийс. Амма иза цхьа бутт хьалха, кхузара дIа а ваьккхина, кхечахьа балха вахийтина. Ткъа мила, муха стаг ву-те керла комендант?

Цхьа хIума-м йаздеш стоьла тIе йуьхьар а вахана хиьна Iачу коменданто, маршалла а хоттуш, Анастасия Федоровна чохьайаьлча, шен балхах йукъах ца волуш, цунна неIарехь гIант гайтира.

– Хьайн гIуллакх схьадийца ахь, гражданочка, нохчаша йа къоладина, йа йиттина хьуна?

Анастасия Федоровна цецйелира.

– Суна-м иза а, йа важа а ца дина нохчаша. Со Покровкехь йуьртсоветан председатель йу. Хьуна ма хаьара, цигахь бе-хаш нохчий бу. Церан хьашт-дезарех лаьцна хьоьца къамел дан йеанера со.

– ХIаьа, суна йуьйцу хезна хьо. Васильева Анастасия Федоровна. Девзаш хир ду вайша. Сан фамили Кривошеев йу. Иван Харитонович. Сол хьалха хиллачу коменданто Чалийс а, ахь а нохчий, шайн тIома кIел боьккина, кхаьбна бохуш, дийцина соьга. Йоккха гуманизм йу иза-м. Схьадийцал. Со

ладугІуш ву.

Анастасия Федоровнас цхъаъ ца дуйтуш дІадийцира нохчашкара хала хъал, оцу халачу хъоло уыш зуламашна тІететтар, комендатуро жимма а шен гІо лаьцча, нохчашка и цхъа-долу зуламе гІуллакхаш ца леладайтa а, цаьрга хІоьттина хала хъал жимма аттачу даккха таронаш хилар а. Ша и дуйцуш, аз дегадора, легашка шад хІуьттурса Анастасия Федоровнин. ТІулг белхабалла инзаре ирча дара цо дуйцург. Амма Кривошеевн йеакІов йуьхъа тІехъ цхъа а тайпа хийцам ца хаалора. Оцу чохъ цхъа а адам доцуш санна, шеквоцуш ла а доьгІуш, шен болх бора цо.

– Дийцина йелин хъо? – хаьттира цо, Анастасия Федоровна къамел дечуьра сецча. – Оцу къеначу стеган бухарчу зудчо арз диний хъобга, шена тІе зуда йалийна аьлла?

– Ца дина.

– Къеначу стага йигначу йоІа арз диний хъобга, ша шена ца везачу къеначу стага нуьцкъах маре йигна аьлла?

– Ца дина.

– Дай-наноша аьрзнаш дой хъобга, шайн бераш доьшуш дац бохуш?

– Ца до.

Кривошеевс, ши куьг дІаса а тосуш, белш саттийра.

– Ткъа ахъ тхобга хІун де боху?

Анастасия Федоровна цецйелира. Иза ца тешара шена и дешнаш хазарх.

– Ой, цара муха до аьрзнаш? Аьрзнаш дан йиш йоцчу хе-

нахь кхолладелла и г'уллакхаш. Тк'а иштта г'уллакхаш хила таронаш вай йитича, хилла девлларш мага а магийтича, царех х'ун хир ду. Уьш вуьшта а бу боккхачу балехь...

– Белахь, бу-кх шайн бехкена, – йук'ах'яаккхира иза Кривошеевс. – Шаьш советски Йедална дуьх'ал г'уьттучу хенахь, шаьш Гитлерна герз буйнахь г'ю дечу хенахь, ойла йан йезара цара таханлерчу дийнан. Цх'а а вац царна хиллачунна бехке, уьш шаьш бу. Дадаханчу б'ешеран дохалла оьрсашна дуьх'ал г'азотан т'ом бинарш уьш ма бу. Х'етахь б'е эзарнаш оьрсий х'аллакбина цара. Революци хиллачу х'алхарчу дийнахь дуьйна, шаьш махках баххалц, советски Йедална дуьх'ал герз буйнахь дуьх'ало йина. Х'ара т'ом болабелча, цх'а а фронте ца вьдуш, шайн х'аннашкахь, лаьмнашкахь бандитийн г'еранаш кхоьллина, советски эскаршна бук'а т'ех'ахула йамарт т'елетта. Доцца аьлча, кху т'аьх'харчу б'е шовзтк'е итт шарахь кавказски ламанхошна а, вайн махкарчу кхечу халк'ашна а йук'ахь барт, доттаг'алла хила ца дуьтуш, цигахь к'аьмнашна йук'ахь мостаг'алла латтийнарш и нохчий хиллий хаьий х'уна, лоруш йолу Анастасия Федоровна?

Анастасия Федоровна йист ца хилира. Дуьх'х'алд'а шен легашка г'юьртинчу шадах к'урд а бина сецира иза. Цунна хаац б'е шо, цх'аь ах б'е шо х'алха х'ун хилла. Ца хаьа цунна нохчий советски Йедална дуьх'ал хилла ца хилла а, цара Гитлерна г'ю дина йа ца дина а. Цо шен шовзтк'е итт шо дерриге а Покровкехь даьккхина. Иза к'бинх'егамхо йу, йиь класс бен хаарш а доцуш. Цунна дика хуург йалташ кхиор а,

даьхний кхабар а, керт-ковхь г'уллакхдар а ду. Хьанна моьттура, цунах йоккхачу йуьртан куьйгалхо хир йу? Масане хир дац моьттург хилийти кху т'еман шераша. Амма цунна цхьаь хаьа...

– Стенна бехке бу и зударий, бераш? – хаьттира цо, Кривошеевна т'е ши б'аьрг боьг'на. – Уьш а бара Гитлерна г'о деш?

– Иза вайшиннан хьек'ал оьшуш г'уллакх дац, нак'ост Васильева. Ас цхьа хьехар дийр ду хьуна. Хьо зуда а хиларна, хьан майра а, ши к'ант а фронтехь х'аллак а хиларна, х'инца хьо цхьа хиларна а, ахь нохчашна деш долу йишийла шайна ца гучуха лад'ийна кхузахь. Амма т'ех х'ума дика дац. Советски ледалан мостаг'ий хиларна, Даймахкана йамарт хиларна, правительствон сацамца нохчашна та'зар дина. Сталина буха куьг йаздина болу и сацам цхьаммо а д'асатетта а, бийцаре бан а оьшуш дац. Кхийтин хьо? Уьш кхуза бусто а, кхетош-кхио а ца балийна. Кхийтин хьо? Нагахь меттигерчу бахархойн, йук'араллин долаллина т'е куьг кховдадо-кх цара – тхоьга схьаала. Нагахь кхин х'уьу цхьа ледална, меттигерчу бахархошна зуламе дерг до-кх цара – тхоьга схьаала. Оха та'зар дийр ду. Тк'а уьш шавшлахь вовшийн карах белча а, вайн г'уллакх дац. Кхийтин хьо?

– Х'ан-х'а, ца кхийти! Уьш а ду, тхо санна, адамаш. Зударий, бераш, к'ена нах..., – эххар а мохь белира зудчун.

– Делахь, хьо ц'а йахча, тховса ойла йер ахь. Хьуо тахана мичахь хилла а ма дицде.

Кривошеев, кюршаме вела а кѣжна, зудчуьнга арайала
йезар хоуйтуш, хьалагеттира.

* * *

Комендантурин сени чохь лавтгара безамехь, цѣна йуь-
хь-сибат долуш йуккѣрчу дегара шовзткѣа шо хенара нох-
чо. Бесни тѣхь а, чѣниг тѣхь а уьрсо хадийна цийн
хьоккхнаш йара. Схьахетарехь, йуьйранна аравалале маж-
мекх дашнера цо. Цкѣа-шозза комендантан кабинетан неѣа-
ре а вахана, ладуьйгира цо. Чуьра схьа дов хезара. Зудчун
а, стеган а.

Церан кѣамел дахдала доьлча, уьйтѣа а ваьлла, пальтон
киснара кисет схьайаьккхира цо. Томкин цигаьрка а хьар-
чийна, иза бага а лавцна, цѣтуханца кюжам лато вуьйли-
ра иза. Чолакхчу аьрру пхьаьрсо новкѣарло йеш, дикка кѣ-
ахьийгира цо кюжамах цѣ ца леташ. Эххар а, цигаьрка а ла-
тийна, боккха баьккхина кюр пехашна чу а озна, шуьйрачу
мерауьргашкахула а, багахула а дахийцира. Коменданто ша
хунда кхайкхина ца хууш, сагатлучу цуьнан са декѣаделира.

Бешехьа а вирзина, керта тѣе а тевжина, цигаьрка уьй-
зуш лавтта иза, цийнан неѣ йоьллу а хезна, тѣхьахьаьжи-
ра. Баьргех йовлакх а хьоккхуш, оцу чуьра арайелира церан
йуьртда Васильева. Иза шега хьажа кхиале, давирзира нох-
чо. Схьахетарехь, зудчунна ша кхузахь гойла ца лаьара цун-
на.

Озна йалазчу цигаьрканах кхоам хетта, цхьана метта

шозза-кхузза кІур а баьккхина, кертал дехъа а кхоьссина, чу-
вахара иза. Цхъана масех секундехъ неІарехъ соцунга а хил-
ла, неІарх пІелгийн голаш туьйхира цо. Чуьра схъа оьгазе
аз хезча, меллаша чу а ваьлла, маршалла а делла, неІарехъ
ирахъ сецира.

Нохчочун маршаллина дуьхьал жоп ца луш, кехаташ ке-
гош, вехха Іийра комендант. Таккха шен цІен ши бІаьрг
цунна тебуьйгира цо.

Хьалха а таьІна, гуонаш севсина цІен ши бІаьрг цуьнан де-
га техула а кхарстийна, цхъана йукъана нохчочун чолакхчу
пхьаьрса техъ сецира.

– Покровкера вуй хьо?

– Ву.

– Наибова Асвад вуй хьо?

– Ву.

Стоьлан гІутакх схъа а оьзна, оцу чуьра схъаэцна, нохчо-
чуьнга дагайтира коменданто цхъа кехат

– ХІара кехат девзий хьуна?

– Девза. Хьалха хиллачу коменданто даьккхина соьгара
иза.

– Хаьа. Тхьоца болх бан тІелоцуш, ахь делла расписка
ду хІара. Покровкехъ а, районерчу кхечу йарташкахъ бехачу
нохчийн а дагахъ дерг а, лелориг а тхьога схъадийца тІелаьц-
на. Цул сов кхин декхар дуьллу хьуна тІе. Шаш долчуьра
оьрсех, киргизех, узбекех, кхечу къаьмнех болчу нахера Іе-
дална дуьхьал даьлла дош, гІуллакх а тхьога дийцар. Кхий-

тин хьо?

– Кхийти.

Дакхевдина, сейфа чуьра цхьа папка схьа а эчна, куьзганаш доьхкина, оцу йукъара цхьа-ши кехат деша вуьйлира Кривошеев.

«Аьстамиров Iабдул-Iаьзам. 1877 шарахь вина. Граждански тIом болуш Советан Iедалехьа тIом бина. Нохчийчохь Советан Iедал хIоттош йуьхьанца жигара дакъалаьцна. Амма тIаьхьа контрреволюцин элементашца уьйр йолуш хилла. Хуьжарехь дешна ву. Iаьрбийн мотт хаьа. Ша-шеца болх беш, бусалба динан Iилманан шуьйра хаарш долуш ву. 1932 шеран мартехь Нохчийчохь Советан Iедална дуьхьал хиллачу ГIаттамехь дакъа ца лаьцна цо, амма оцу ГIаттаман дакъалацархошца гергарлонаш, доттагIаллаш долуш хилла. 1933 шеран февралехь РСФСР-н УК-н 58-чу статьяца бежкевина, лаьцна, бархI шо хан йаьккхина, 1941 шеран февралехь лагершкара дIахецна...»

«Эскарханов Iалха. 1916-чу шарахь вина. Йуккъера образовани. ТIом хилале хьалха эпсарийн школа чекхийаьккхина. Финнашца тIамехь а, хIокху тIамехь а жигара дакъалаьцна. Хуььнаре, хьекъале, майра а эпсар ву. Партина а, советски Iедална а муьтIахьалла гайтина. «Цечу Байракхан», «Цечу Седанан» орденаш, масех медаль йу. Шен халкъ махках даьккхинчул тIаьхьа партина а, советски Iедална а хамталла йеш дош а, гIуллакх а ца даьлла цуьнгара. Амма цуьнан дагахь латтош къайленаш хиларан шеко йац. 1945 шеран аьхка

цхъана тIамехъ луъра чевнаш хилла, йеххачу хенахъ госпиталехъ Ииллинчул тIаьхъа, тIамехъ гIуллакхдарх мукъаваьккхи-на...»

– Покровкехъ вехаш Iабдул-Iаьзам а, Iалха а цIераш йолуш шиь стаг вуй?

– Ву.

– Уьш муха нах бу?

– Хаац. Уьш ший а тхан эвлара вац. Tе, Iалха тIамера цIа веана дукха хан а йац.

Комендантан хъаьжа йуккъе шад хIоьттира.

– Уьш бовза беза хьуна. И воккха стаг молла вуй?

– Хаац суна. Йуьртахъ белларш дIа-м бухку цо.

– И «хаац» боху дош дицделахъ таханчул тIаьхъа. Со Чалий ца хилар а ма дицде. Оцу шина стага дIа мел олучу дашна а, дIа мел боккхучу когана а тIехъ тидам латтор бу ахъ. Iаьрбийн маттахъ дешний ахъ?

– Сан хенарчу массара санна, цхъана-шина шарахъ дешна ас а.

– Молла-м вац хьо?

– Вац. Молла хила итт-пхийтта шарахъ деша деза.

– ХIинца буй шун иштта лакхара дешна молланаш?

– Бац. Цхъа наггахъ бен.

– Кху районехъ вуй цхъа а?

– Хаац. Берриш бовза кхиъна вац со.

– Хьуна бевзарш?

– Хааршна сол дукха гена ца бевлла.

– Далла гІуллакх дой ахь?

– Дукха хан йу ца де.

– ХІунда?

– Једало дехкарна а, со башха кІорггера бусалба цахиларна

а.

Нохчочо дуйцучух цавашара а хаац, йа реза хилла дара а хаац, комендантан балдаш раздовлуш делаќежира.

– Тахана дуйна дІа хийцавала веза хьо. Једалера маърша ву хьо бусалба динца йолчу агІонна. Делаца йолу хьайн йукъаметтиг чІагІйан йеза ахь. Даррехь Далла гІуллакх а де. Хьайн бусалба динан хаарш шардан а, лакхадаха а лаба бохуш, хІокху районерчу масех моллица гергарло а таса. Цаърца а, кхечу цхьа масех стагаца а цхьаьнакхетча, Једална а, Сталинна а лиэ. Массаърца а кІеда-мерза хила. Массеран а хьайх тешам бахийта. Нохчашна гІоьнна пачхьалкхо ахча къастийна. ХІор а доьзална цхьацца бежана нисдан сацам а бу. Луш йолу продукт а жимма алсамйаьккхина. Покровкерчу нохчашна уьш дІайала хьо чІагІвина.

– Баркалла, Иван Харитонович...

– ДІабаханчу баттахь ахча деллий хьуна кхузахь?

– Ца оьшура иза-м...

Ша ахчанан ведомость кечйеш, Кривошеевна дагайеара кху чохь цхьа кІира хьалха хилла инцидент.

Покровкехь вехаш волчу кьоначу стага Солтагериев Ломас Сталине арз йаздинера. Оцу тІехь кІанта дуйцура нохчийн халкъ бехк боцуш махкахдаккхар а, махках дохучу

дийнахъ а, схъадалош новкъахъ а цунна тѣхъ бина ницкъ а, кхузахъ шашъ хьобгу Іазап а. Кехат районера ара ца даъллера. Цхъа кІира хьалха и кІант ша волчу кхайкхира Кривошеевс.

Кривошеевна моѣттура иза цхъа бІаърла жимстаг хир ву. Амма хІара оза йуьхъ йолуш, дегІана хесара йалхитта-вуърхІитта шо хенара кІант вара. ХІокху шиннан къамел деха ца хилира.

– Солтагериев Лоьма вуй хьо?

– Ву.

– Оьрсийн мотт мичахъ Іемина хьуна?

– Палахъ хьехархойн техникумехъ шина шарахъ дешна ас.

– ХІара арз ахъ йаздиний? – кхо маьІиг йеш хьарчийна кехат дІагайтира цо.

КІантана девзира иза:

– Йаздина.

– ХІара хІунда йаздина ахъ?

– Оцу тѣхъ дуьйцу ас иза хІунда йаздина.

– Сталина, правительствос а биначу сацамашна дуьхьал ву хьо?

– Сталинна хууш дац тхан халкъана тѣхъ динарг!

– ХІета, цунна а ца хууш даьхна шу махках?

– Цунна ца хууш ца даьхна, цуьнга харц дерг а дийцина, иза Іеха а вина, даьхна.

Кривошеев, хьала а гІеттина, ши куьг букъа тѣхъа а лаьцна, ца чухула волавелира.

– Хьан тентак коьртехъ хьекьал ду ткъа хилларш хаа а,

къасто а? Шайн дайша а, вежарша а лаьмнашкахь советан
Едална дуьхьал тIом беш, фашисташна гIо деш, мичахь вара
хьо?

– Бакъ дац иза! – мохь белира кIентан.

– Сацайе хьайн муцIар, фашистийн къутIа!

КIант дIатийра.

– Кхин йаздийр дуй ахь хIара тайпа арз?

– Кху районера арадолуьйтуш ца хилча, эрна ду йаздар.

– ДIакхочург хилча, йаздийр дара ахь?

– Дара.

Уллош тIехволуш, цIеххьана саца а сецна, шен ницкъ ма-
кхоччу ластийна, цуьнан лерган агIох тIара туйхира Криво-
шеевс. ДIакхоссавелла кIант, пен лаьцна, ирахь сецира. Цер-
гашца къевллина балда а лаьцна, обгIазаллех буьзна баьр-
гаш Кривошеевна тIе а боьгIна, лаьтгара иза. Цуьнан шина а
мерIуьргахула цIий доладелира.

– Кхузашхула схьадалош къа а ца хьобгуш, шайн лаьм-
нашкахь дайъа дезаш дара шу! Аганара бераш цхьаьна! Дуь-
нен чуьра шун хIу дIадаккха! Бандиташ! Фашистийн хьадал-
чаш! ХIара тайпа а, цхьана тайпа а кехат йаздан хьуна дага-
дагIахь, – кIентан мера кIел Iоьттира цо цуьнан арз, – ас на-
бахтехь вахкор ву хьо! И хьайн фашистийн диркх цIанийай,
суна гучуьра дIавала!

– Хьо ву-кх бандит а, фашист а! – мохь белира собар кха-
чийначу кIентан.

Шена хезначух ца тешаш, цхьана минотана акъваьлла

лаьттира Кривошеев. Тлаккха, катоьхна иза шиний куйга схъа а лаьцна, шен ницкъ ма-ббу легаш Іаьвдира. Цуьнан са-дукъдала доьлча, дІа а хецна, вортанна тІера схъа а лаьцна, мийра тоьхна неІ йиллина, сени чу кхоьссира...

– Солтагериев Лоьма це йолуш кІант вуй Покровкехь? – хаьттира цо нохчочуьнга, куйг таІо цунна хьалха ведомость а йуьллуш.

– Ву.

– Къаьсттина а боккха тергам оцу кІантана тІехь латтор бу ахь. Іедална дуьхьал цо къамел дой хьожуш, ладогІа. Ма-цвелча, къола данза Іийр вац иза. Ишттаниг цуьнгара далахь, соьга хаам бе. Доцца аьлча, цо закон талхийна меттиг лаха.

Коменданто шега кховдийна ахча, дагар ца деш, пальтон чухуларчу кисана таІийра нохчочо.

VII

Мария Петровнас, дика йуза а йина, кара бепиган бухан-кин цхьацца ах а, хи чу йоьхкина помидораш а йелла, дечиг дІа а ца оьцуш цІа хьажийна ши зуда, шашшиннан маххьаш гІиргІазойн цхьана йоккхачу стагана сусмех³ дІа а доьхки-на, цІа йогІура. Шиннен а йаххьаш йекхайелла йара хІинца. Дицделлера кІадйалар а. Мобьтура, дуьненара дерриге риц-къа кара а лаьцна, шашшиь цІа йогІу. Шен-м дукха ойла а ца йора Занус, иза йоккхайера кегийчу берашца йисинчу Хелипатан тахана хІара аьтто нисбаларх.

³ Сусма – йакьийна нехча

Шаьшшиь школана гено йаьлча, Хелипат саца а йина, шегара помидораш а, сусма а цуьнга дIакховдийра Занус.

– Ахь хIун до? – цецйелира Хелипат.

– Даэца. ХIорш хьуна йуьту ас.

– Делхьа, оьцур йацара-кх. Хьо а ма йац, цахь баьрчче хьаьжкIийн гали хIоттийна, Iаш!

– Со цхьаь бен йац. ХIара бепиг суна шина-кхаа денна тоьур ду. ТIехула тIе, ас денна йоккху сайна мацалла ца йаллал хIума. Ткьа хьан цахь кхоь бер ду. Даэца, Хелипат, суна лаьа царна хIорш лойла.

Хелипатан ши бIаьрг хих буьзира. ХIан-хIа, цунна кIезиг хIума дацара иза. Цаьрца оьзна деши а, уьш а цхьацца агIор дехкича, цо, деши дIа а теттина, и дуьра помидораш а, сусмин пхи межарг а схьаоьцур бара. Шен дуьхьа а доцуш, ткьа мацалла мажделла, тишачу йургIана хьаьрчина, ша цIа йаре ладобгIуш, шийлачу цIа чохь мацалла лечу кхаа беран дуьхьа. ХIетте а, уьш схьаэца, царна тIе куьг ца кховдадора Хелипата. Церан дуьхьа ма йахана ткьа Зану гена лаьмнашка, церан дуьхьа ма кегийна цо хIара шийла хатт.

– Даэца, хIумма а дац, – каратаIийра Занус цунна уьш.

Дегочу куьйгашца схьа а эцна, уьш вукхарна тIе тужуркин кисана тийсира Хелипата.

– Оцу вайн везачу Дала хьан майрачун коьрта тIера, цуьнан сина кхачо, хьо хьайн дех-ненах, йиша-вешех дIатоха, вай вешан даймахка цIа дерзо, вайн везачу Дала, Пайхамарша, эвлайааша кьобалдина сагIа хуьлийтийла хьан хIорш! –

б!аьргех корталий т!ам хьобкхуш, халла йистхилира и. – Дала дукха йахайойла хьо! Дала ирсе йолда хьо! Кху дуьненан даьхни дерриге а ахь сайна делча санна, хазахийти-кх суна...

– Хьанала хуьлда хьуна а! Иза-м доккха х!ума дацара. Х!ара рицкьа вайна деллачу Далла бу хастам. Иштта кьинхетаме вайша т!еэцначу оцу обьрсашна а хуьлда Дела реза! Цаьршимма х!ара дийр дуйла хиьнехь, оцу керта г!ур йацара со. Иэьх хетийти цара.

– Хьо-м дуьххьара йеанера, Зану. Со х!инца кхозлаг!а йа-хана цаьрга. Кхуззе а, сан мохь д!а а ца обьцуш, кара х!ума а йелла, ц!а хьажийра. Иэьх хета, дера-кх. Цкьа а, шозза а ишттанехьа х!ума йелча, кхозлаг!а мукьане а дечиг д!аобьцур дац-те бохуш, йахара. Ас-м ишттанехьа а лур дара, ца обьшу хир ду-кх царна.

– Иэша-м, дера, иэшара царна. Цуьнан зуда ша а хуьлу хьардаш лехьош. Дуьххьалд!а вайх кьахеташ лела уьш а. Кхе-чунна дохкийта дуьту.

Гена боьцуш лома хьалаболучу урамехула схьагучувелира дуткьийчу серагийн ц!ов ги а тесна вог!у лекхачу дег!ера вуткьа воккха стаг.

– Вий, йелла йала со дела!! – мохь белира Хелипатан, иза гича. – Боккха болх бу-кх хьо гай! Ахь дицдо-кх доллу х!ума а.

– Х!ун хилла? – Хелипатах ца кхеташ, д!асахьаьжира Зану.
– Х!ун хилла бохург х!ун ду! Велла !уьллу Аюб вицвелле-ра-кх суна. Цхьа Дала ма-лоьхху !абдул-!аьзам а ву вог!уш.

Ши зуда воккха стаг тЕкхаччалц сецира.

Тедоблхучу дерзо тАдийначу кетаран тЕмгаш хьала а карчийна, уш йукъах дихкинчу гатанах а доьхкина, шен ко-гара маьхьсешна тЕхула йуьйхина йоций теш йолу калош ларйан гЕрташ, хатт кЕзиг болу меттиг лобхуш, керта йи-стошца, латта бАьра а вогАвелла, вогТура Абдул Аьзам.

Оцу йуьртахь пхи-йалх стагана а бен ца хаара и лекха, вут-къа хьаьрса воккха стаг а, цуьнан шийтта шо хенара хеса-ра кАнт а мичара ву, мила ву. Амма массарна а хаьара, и шиь нохчий махках баьхначу хьалхарчу дийнахь цхьа гУл-лакх хилла луларчу йуьрта вахханчуьра схьавалийна, шайн гергарчех-м хьовха, йуьртахойх а къаьстина, царах хилларг а ца хууш, кхузахь хан йоккхуш вуйла. ХЕтте а, кхуза схьак-хаьчначу дуьххьарлерчу дийнахь дуьйна везавелира иза мас-сарна а.

Тахана санна, йочане, амма бАьстенан йуьхьан де дара иза. Шовзткъе итт километр генара цЕрпоштан некъа тЕра стерчийн, говрийн ворданашца, эмкалийн ковраца схьаба-лийна ткъа доьзал йуьртан клуба чу охьахайра. Масех доь-зал цхьана вагонна чохь а болуш, инзаречу гаттехь цхьана баттахь цЕрпоштан товарни вагонаш чохь шайн лаамехь до-цуш биначу бегаху некъо гЕлдинера адам. ХЕтахь хЮраммо а сатуьйсура, мичча махка, мичча хьоле кхийсина а, цкъа оцу вагонаш чуьра ара а даьхна, цЕна хАваь чу а узуш, паргАт

садаIаре. Цара сатийсина сахът тIекхаьчнера. Амма хIинца а гуш дацара церан дегнашна маслаIат. КIадделла, гIелделла, бехделла адам. Доьлхучу берийн маьхьарий, цомгашчийн узарш. Цабевза мохк, меттигерчу кьоман ца хаьа мотт, цайевза амалш. Церан хIораннен а йиша-ваша, гергарниш, йуьртахой бара. Амма мичхьа кхийсина-те уьш, хIун хилла-те царрах? Маца гур бу-те уьш, йа гур а буй-те? Хаац. Хиндерг цахааро гIайгIане дожийнера адам. Ткьа оцу генарчу лаьмнашкахь царна, дуьне кьайладоккхуш, тIегIертара Iаьржа, тийна, сингаттаме буьйса...

Оцу йоьхначу буса генарчу Тянь-Шанан лаьмнашкахь дуьххьара дийкира нохчийн назманан аз. Йуьхьанца ша дека доладелла иза дIаййцира йуххехь хиьна Iачу шимма-кхаамма. Цхьа-ши минот йалале, воккхачу стагана гуонах гулбелира цу чуьра берриге а божарий. ДIатийра берийн белхарш, цомгашчийн узарш а. Йиллинчу неIаршкахула ара а дуьйлуш, Iаьржачу бодашкахула генна дIакхерстира нохчийн ойланечу мукьаман аз.

ХIан-хIа, воккха стаг шен назманца Деле, пайхамаршка, эвлайаашка ца кхойкхура, халкье кхаьчначу боккхачу бохамна цо леткъамаш а ца бора, цунна бежке болчарна неIалт а ца кхайкхадора. Ша хIетта кхоьллинчу назманца цо йийцира дайшна тIехIитгина халонаш, ца бухуш цара уьш эшор, Даймехкан, халкъан сий лардеш, маршонехьа кьубьйсуш эгначу бIеннаш халкъан турпалхойх дуьйцура. Цо чIагIдора нийсонал, бакьонал харцо тола йишцахилар, шен махках халкъ кь-

асто ницкъ дуйненахъ цахилар, кхойкхура собаре хиларе...

Назма дIатийча, адам самателира. Хезара забарш, би-
эларш. ТIаккха воккхачу стага, клубан жимачу сцени тIе хьа-
ла а ваьлла, догцIена вела а кьежаш, адамашка хьаьжна, куьг
хьалалецира.

– ХIа-хIани, сан йижарий, вежарий! – адаман гIовгIа дIа-
тийча, цхьанна а дагахъ доцуш, кьамел дIадолийра цо. –
Мухха делахъ а, Iедало, махках даьхна, схьа а далийна, таха-
на кхуза охьадехкина вай. СхьадогIуш новкъахъ дуййна на-
ха цхьацца дуййцу. Цхьаболчара – новкъара йухадерзор ду,
кхечара – дIа ма кхеччи, вукхара – кхо бутт баьлча, шо даь-
лча йуха цIа дерзор ду бохуш, хабарш дийцира. Уьш дерри-
ге а шуна хезна. ХIунда, стенна, мича бехкенна, мел ханна
вай кхуза далийна хууш стаг вац. Шо, пхи шо, итт шо даьл-
ча а, йуха вешан махка дерзо дагахъ ца даьхна вай махках.
Кхин цкъа а вайна вешан Даймохк бIаьрга ца гайта дагахъ
далийна. Амма иза иштта хуьлийла дац. Мацца дирзина а,
вайн халкъ цIа доьрзур ду. Тхуна кьеначарна, и де, и мохк ца
ган а мега, амма вайн тIаьхье шен Даймахка цIа йоьрзур йу.
Дийнна халкъ шен махках а даьккхина диса йиш йац. Дук-
хахберш шина йуьртара нах бу кху чохъ, ткъа, со санна, йи-
ша-вешех, йуьртахойх а кьаьстина нисвелла масех стаг ву.
Вайна ца хаьа вешан йиша-вешех, йуьртахойх хилларг. Цун-
дела хIораннен а даг тIехъ гIайгIа йу. Варийлаш, дохий ма
хьийзалаш, собаре хилалаш. Йиша-вешех, йуьртахойх хил-
ларг а хуур ду, вовшашна тIе а кхочур ду, йиша-ваша цхь-

анхъа а гултур ду. Дика адамаш доцуш халкъ дац дуьненахъ
цхъана а махкахъ. Сайн дахарехъ дуккха а адамаш, дуккха а
къаьмнаш девзина суна. Цхъана доьзалехъ а вуон доьзалхо,
цхъана халкъа йукъахъ вуон адамаш а нисло. Иштганиш кЕ-
зиг хуьлу. Амма халкъашна йукъахъ вуон халкъ хуьлуш дац.
Вай кху бухарчу халкъана тЕдиссина хъеший ду. Хъаша об-
зда хила веза. Кхузахъ дехаш кхечу къаьмнийн адамаш а ду.
Цаьрца тардала деза вай а. Цул сов, хЮоранна а хаа деза вуочу
стагехъа цхъаннен а безам ца хуьлийла. Волчу дена-нанна а
ца веза вуон доьзалхо. Вай дика хилахъ, вайца дика хир ду
кхузара адамаш, вай вуон хилахъ, вайца вуон а хир бу уьш.
Цундела вай доха ца деза нохчийн гИллакхех, къонахаллех,
оьздангаллех, собарх, доьналлех.

Воккхачу стеган къамелах цхъа дош а шайна ца хезаш
тЕхтиларна кхоьруш санна, леррина ладоьгура чохъ болчу
наха. Хезара йукъ-йукъа бер делха доьлча, и дIатедан гIер-
таш, нанас шабаршца и хьоьстуш йа човхош.

–ТЕхула тЕ, вайх хЮоранна а хаа деза, вайн пачхьалкхехъ
массанхъа санна, кхузахъ а Iедал хилар, цо бохург ваьш дан
дезар а. Тахана вай схьадалош новкъахъ сан къамел хилира
кхузарчу колхозан председателъца а, йуьртдеца а. Вайх хЮор
а доьзална кечийина хIусамаш йу. ГIаддайначунна гIо дийр
ду, боху. Берашна деша йуьртахъ ишкол йу, цомгашчуьнга
хъажа лор ву. КIелвисина цомгаш верг охъавижо гена йоц-
цуш, районехъ, больница йу. Тховса вайга са а даIийтина,
кхана вай вешан хIусамашка дIасадахале, йуьртан куьйгал-

хоша оцу дерригенах а лаяцна кьамел дийр ду вайга. Уьш схьабахкале, шу кечдан лууш дуьйцу ас хIара. Iедало а, наха а шайн ницкъ кхочу гIо дийр ду вайна, амма Iедал а, адам а дика ду, тхо-м цара кхобур дара бохуш, паргIатдевлла Iен йиш йац вайн. ХIусамашка дIатарделлачул тIаьхьа, колхозан балха довла дезар ду. Варийлаш, вай вешан махка сихха цIа-доьрзур ду бохучу эладитанех а теший, дийший ма Iелаш. Дала а боху, бахьанаш леладе. Кьинхьегам, Iедална муьтIахь хилар, адамашца ийна, адамашна тешаме хилар – иза ву шуна вайн гIоьнча. Цул сов, хIинца а чекхбалаза тIом бу. Цигахь хIаллакьхуьлуш ду дукха адам. TIамо адам гIелдина, кьийдина. Вайн цигахь санна, массанхьа а мехкан берриге ницкъ тIамехь леташ долчу эскаршна гIоьнна хьажийна. Кхузара могаш-таза берриге а божарий тIаме а бахана, бахаман гIул-лакхаш зударийн, берийн, кьеначийн кочахь дисина. Уьш ца ларабо, царна хала ду. Схьадийцарехь, мацалла тIегIоьртина Iаш бу хIорш. ХIинца шуна хаа деза башха вайна гIо дан аьтто болуш кхузара Iедал а, адамаш а цахилар. Оцу зударшна, берашна, тIамехь леташ болчу бIаьхошна вайгара кьинхьегаман гIо оьшу. Оцу дерригенах а кхеташ хила деза вай. Йуха а сан дехар ду шуьга нохчийн оьздангаллех, кьонахаллех, гIиллакхах цадохар. Варийлаш, шайн хIусамашка дIатарделлачул тIаьхьа, колхозан балха довлалаш. Ткьа хIинца, гIеллой ца Iаш, делалой, декхалой хила! Иллеш ала, эшарш лакха! Кегийраша, мехкарша хелхаран бал баккха! Бохам, хало тIехIоьттича, вайн дай а ца цIийзина. Иза вайгахь товр дац.

Дала аьтто бойла вайн!

Цхъана эсарчу мохо дIайаьхъча санна, дIайелира нехан дегнаш тIера гIайгIа. Цхъа кIеззиг йукъана осалдевлла церан дегнаш йуха а чIагIделира. ТIоьрмиг схъа а биллина, цу чуьра Занун кехат-пондар а, вота а схъа а эчна, цхъа йоI а гIаттийна, сцени тIевелира Маил. Цхъа сахът хьалха нохчийн назманан гIийла аз декначу клубехъ, хIинца стеган дог-ойла гIаттош, кьенаниг а кьонвеш йолу нохчийн чехкачу хелхаран эшаран аз кхерстира. Тобхначу вотано а, тIараша а йегайора клуб. Кхоссавелла сцени тIе хьалаваьлла цхъа жима стаг, байн ког шаршош, гуо а баьхъна, каде бухъ

а боьгIна, шеца хелхайалар доьхуш, Зануна тIевирзира. Хьерайаьккхина вота йетташ хиьна Iачу Маиле хьаьжира Зану. Маила, эсала вела а кьежна, резахилла корта таIийра. Амма ша шолгIа гуо эчна йогIуш, цунна гира майрачун кхоьлина йуьхъ. Стенан ойла йо-те цо? Зануна дагайеара Маил тIаме вахале шаьш цхъаьна йаьккхина ирсе хан. Цуьнан бIаьргашна хьалха хьийзара школа, уьш бинчу йуьртара клуб, шайн хелхарийн, эшарийн кружок, даим а ша а, Маил а цхъаьна хелхадийлар, республикехъ хилла хьовсарш, газета тIе даьккхина шаьшшиннан сурт. Ткъа тховса? Цабевза мохк, йоьхна йеана буйса, хIетте а, уьш хелхабуьйлу... Самукъа даьлла-м ца лела уьш, делахъ а, иштта хила деза. Занун лерехъ хIинца а декара воккхачу стеган дешнаш: «Цийзар вай-

гахъ товр дац! Нохчийн къонахаллех, обздангаллех, доьналлех ца духур вай!» Йуха гуо бохьуш йогӀуш дӀахьаьжначу Занун а, Маилан а хьажар тӀеттӀанисделира. Маилна гира чу хиш диссина кхохкийна шен къоначу зудчун ши бӀаьрг. Иза кхийтира шен гӀалатах. Охьа а таьӀна, цӀенкъа ши бӀаьрг боьгӀна, гал когаш шершош Зану шена дуьхьал йолайелча, вота чехка а йаьккхина, мохь туьйхира цо:

– Курра корта айба! Майрра ког шаршабе, нохчийн йо!!!

... Цул тӀаьхьа шо даьлла. Амма мел дукха хийцамаш хилла оцу цхьана шарахь! Оцу буса клубехь хиллачех дикка нах дийна бац. Велла хӀетахь Зануца хелхаваьлла жима стаг а. Йуьртарчу куьйгалло а, Iабдул-Iаьзима а бохург ца хилира. Цхьаннен а ницкъ ца кхечира нахе шайн махках догдиллийта. Цара цуьнга сатуьйсура дийнахь а, буса а, набаро дӀатебича, гӀенах а, Iожаллина тӀаьххьара сауьйзучо а. Шайш тахана-кхана цига йухадоьрзур ду моттаро а, цамгарша а уьш ца битира кхузахь бахам вовшахтаха а, кхоччуш болх бан а. Тергал ца дира тӀехь цӀенош дан а, беш кхио а колхозо шайна къастийна латта а. Ца кечйира тӀедогӀучу Iаьнна йагориг а. ХIун до къахьегна? Тахана-кхана уьш-х дӀагӀур бу шайн дай баьхначу, церан цӀийца хьандинчу, шайш бинчу, кхийначу махка...

Оцу дуьххьарлерчу дийнахь дуьйна, нохчашна-м хьовха, оцу йуьртахь дехачу дерриге адамашна а везавеллера Iабдул-Iаьзам. ГӀийлачун дог оьцура, оьшучунна, дас санна, хьехар дора, гӀо эшначохь дӀахIотта даим а кийчча вара. ХIун

дара а хаац, махкалло, мацалло адам гӀелдинчу оцу шарахь, цкъа а дегӀах цамгар ца хьакхалуш могаш лаьттира иза. Хала дара цул кӀинхетаме, догӀена, обзда стаг кхин хир ву ала. Массо а адамийн гӀиллакхе верзарх догдиллина галваьлла стаг а, цунна хьалха хӀобттича, иэхь хетий, ша мича обькхур ву ца хууш, гатлой хьаьвзара.

Гуьйранна хьалххе хьала а гӀоттий, араволий, иза, дӀайаханчу буса велла дӀаволла везаш стаг вуй хьожуш, хӀораннан керта хӀуттуш, хӀор а доьзале хаза дош олуш, чекхволура. ТӀаккха колхозан балха вьодура. Балхара цӀа вогӀуш, хӀор а денна иштта цхьацца серийн цӀов а бохьуш вогӀура, тӀаккха буьйсанна серагех тускар дора. Уьш цхьадерш цуьнгара колхозо, кӀинхьегаман денош а йӀаздеш, дӀаоьцура, цхьадерш йуучух хуьйцуш йа бахархошна дӀалора, амма, дукхахьолахь, кегий тускарш а дой, кегийчу берашна совгӀатна дӀалора.

Воккхачу стага доккха дакъалоцура йукъараллин дахарехь. Йуьртан а, колхозан а куьйгалло цуьнгахула гӀо дора гӀаддайначийн, байшна, доьзал белла бисинчу баккхийчу нахана а. Массанхьа а кхочура и кхузткъе пхийтта шо хенара догдика воккха стаг, амма нахана иза цкъа а гӀелвелла, гӀайгӀане вьожна ца гинера.

Ткъа бала воккхачу стеган кийрахь алсам бара массерачул а. Амма цуьнгарчу балин теш вацара, и тӀулган лаьмнаш а, лаьржа буьйсанааш а, цуьнан цӀийнан дерзина пенаш а, жима Берса а воцург. Шен устазна тӀаьхьа а хӀобтина, Со-

ветан Йедалехъа къуьйсус тЮм бинера цо. Амма оцу Йедало, ша кога хЮьттича, 1933-чу шарахъ, лаьцна, Сибрех бархI шо хан а йаккхийтира. Дийнахъ ша балхара ваьлча, серийн цЮв баккха лаьмнашна йуккъе хьалавоьдура иза. Оцу хенахъ лаьмнашца шалхабуьйлуш бекара цуьнан назманийн гИйла мукъам, шатайпа исбаьхъа аз. Мотт ца хуучу тЮлган лаьмнашка цо доьхура, генахъ дисинчу, шаьш санна, тЮлган лекхачу Кавказан лаьмнашка маршалла далар, шех къастийна шен гИйла доьзал – нохчийн халкъ цацицдар. Цигахъ ша висича, цунна хеталора оцу лаьмнаша шеца цхьаьна мукъам бо, ткъа тЮлгаш тЮехула шабаршца охьауьдучу шийлачу шовданаша шен кийрара бала дЮаоьцу.

Буьйсанна Берса набарна охьавижжалц Далла гЮллакх-деш, хуий Iай, цунна наб кхеттий а хьожий, тЮаккха шен дагна маршо лора цо. Ши бЮаьрг а хьаббой, цхьана куьйга корта а лоций, шен назманан мукъаме терра дегI а техкош, иза кхойкхура генахъ бисинчу Даймахке, цигахъ дисинчу дайнанойн кешнашка, Деле къинхетам боьхура холчахЮьттинчу шен жимчу халкъана. Амма цо цкъа а це ца йоккхура шех къаьстина, мичахъ бу а ца хуучу шен доьзалан, къеначу йижарийн, вежарийн. Иза ца кхоьрура Южаллех, амма иза кхоьрура шен Южалла, каш даймахкана генахъ хиларна.

Ткъа мискачу Берсега мел ойланаш йойтура цо. ЙургIанна кIел таьIна, цуьнга ладоьгЮш, кIантана карлайолура вина йурт, нанас бина йижарий, ша дукха левзина меттигаш, нийсарой. Мичахъ бу-те уьш берриге а, гур буй-те цунна уьш

цкъа а? Къена да а велла, хЮкху хийрачу нахана йукъахъ ви-
сахъ, цо хЮн дийр ду-те...

Хотгах къехкаш, шена хьалха лаятта вогавелла вогучу
воккхачу стагана ца гора некъа йистехъ хЮьттина лаятта
ши зуда. Царшинна хезара воккхачу стага ша-шена мелла-
ша бечу мукъаман аз. Хинца а иза мукъавалаза вара лаьм-
нашкахъ шен коьрте йиссинчу ойланех. Амма, шина зудчух
бАьрг кхетча, цуьнан сийна ши бАьрг бекхабелира, хьаьр-
сачу мекхашна тЕ куьг а хьаькхна, цхьа а талхаза цЕначу,
кАйчу цергийн ши мога гучу а боккхуш, догдика велавели-
ра иза царшинна.

– ХІан-хІа, йижарий, муха ду шун гІуллакхаш? Бераш мо-
гаш дуй? ХІусамаш шийла-м йац? Дукха гІаддайний шун?
Собаре хила шу. ХІинцца тЕкхочур йу бАьсте. ТІаккха
шортта баа нитташ хир бу. Уьш дАбовлале, царна тАьххье
кхин рицкъа а тЕдогІур ду. ДАдаханчу шаро-м Іехийра вай,
амма хІинцца Іехалур дац. Кхаь бу шуна! ЦЕнош деш вай-
на гЮьнна ахча лур ду пачхьалкхо. Цул сов, хЮр а доьзална
цхьацца йетт а ло. Иза билггал бакъду. Районера цІа йогІу-
чу йуьртдас хІинцца дийцира соьга иза. Ткъа и зуда цкъа а
харц ца луйь. Бежнаш вешан божалахъ долуш санна, паргІат
хила мегар ду вай. Ткъа бАьсте ма-йоллура, вешан бошмаш
а йуьйр йу. ХІинцца-м хаьара вайна, кхузара латта муха лело
деза! Колхозан болх а бийр бу. Бошмаш йийна девлча, цЕ-

нош а дугГур ду. ХІаъ, маъПаргонна дицлора-кх суна. Пачхь-алкхо вайна луш долу кхачанан сурсаташ алсамдаъхна. Гур ду шуна, цхьа-ши шо далале, вай, вешан вархІий ден ца хилла бахам а болуш, даха охьаховшуш! Ирс хуьлда шуьшиннан, Дала дукха йахайойла шуьшиь!

Ши зуда шена некъ буьтуш сецна мьттуш, цаьрга и тЕкаре а йина, тЕхваьлла дІаволавелира воккха стаг.

– Іабдул-Іаъзам! – тІаьхьа мохь туйхира Хелипата.

Воккха стаг, саца а сецна, йухахьаьжира.

– Делхьа, лакха ломан чІожара ара ма-веллинехь долчу ІандагІна тЕ кхаччале велла Іуьллуш ву-кх тхан эвлара Аюб. Цунна хІун де-те вай?

Іабдул-Іаъзаман гира серийн цІов меллаша шершина лавтта бахара. ЦЕххьана кхоблира йуьхь. ХІун дара-те кьонахчун йуьхь тЕ гІайгІане марха теснарг? Дийнахь сарралц болх бина, кІадвелла цІа вогІучу цуьнан кьеначу дегІо мало йора-те йуха лома хьалавала, велла стаг цІа вало? Йа шен нийсарг новкьахь, воьдуш лавтташехь, Іожалло лацаро шен а ойла йайтира-те цуьнга? Шина зудчунна хетарехь, и гІайгІане вожийнарг оцу шиннах цхьаь дара, амма и шиь гена йара бакьдолчунна тЕкхиа.

Воккха стаг, цаьршинга кхин хеттарш ца деш, хьаж тЕ куьг а лавцна, гуонаха дІасахьаьжира. Схьахетарехь, цо шена накьост лобхура. Амма оцу цІемзачу дийнахь урамехь гуш стаг вацара. Иштта таро йоьхна иза хІоьттина лавтташ, йуххерчу кертара аравелира воккха стаг Сарыбай. Цунах бІаьрг

кхетча, сапаргIатделира Iабдул-Iаьзаман.

– Ассалам Iалайкум, Iабдулла-акхсакхал! – генара мохь а тоьхна, тIевеанчу цо шина а куьйга Iабдул-Iаьзаман куьг лецира. – Шу догIанехь ма лаьтта? Сингаттам болуш хIума-м ца хилла?

– Керла сингаттам бац, Сарыбай, ша даим берриг бен.

– KIант хIун деш ву? Дукха хан йу иза суна ганза.

– Дика ву. Ткьа хьан йоккха стаг йуй могош? KIентан кехат деаний?

– Каьмпар⁴ а могош йу, KIентан кехат а деана. ХIинца цкъа дийна ву иза. Кестта, тIом чекх а баьккхина, цIа вогIур ву ша, боху. – Сарыбайс, дIаса а хьаьжна, доккха садаьккхира. – Акхсакхал, хьо дукха сиха вацахь, хьоьца жимма гIуллакх ма дара сан.

– Схьадийцал.

– Зударий болуш дийца ца лаьара суна.

Ши стаг йуьстахвелира.

– Iабдулла-акхсакхал, суна жимма халахетар хилла. Кхо уьстагI байна сан цIера. Хьуна ма-хаьара, со буьйсанна нагахь бен цIахь хуьлуш а вац, уьш лачкьош шена хиьча а, каьмпар арайала а йаьхьар йац. Ас хIун дан деза, акхсакхал? ТIаьххьара болу кхо уьстагI а лачкьийна, витина-кх со.

– Нохчех дегабаам бу хьан?

– Бу, дера, муха ца хуьлу, тIаьххьара Iахар лачкьийна кьу суна сайн шина бIаьргана гина хилча.

⁴ Каьмпар – гIиргIазаша йоккхачу стагах олу

Іабдул-Іаъзаман йуъхъах це летира. «Веза Дела, ма йоккха йуъхъІаържо йу-к хІара! – бохура цо ша-шега. – Ма дукха гІиртира-кх со гІуллакх кху хьола тІе ца далийта. Нах ца бала гІерта, хьокхарна хьалха со йуъхъІаържа хІуьтту!»

– Мила ву къу?

– ХІара сан лулахо Решед це йолу кІант ву-кх.

– Бакъ хир дац иза! Решед жима ма ву.

Сарыбайс дегабаам бира.

– ХІета, со харц луьйриг ву-кх. Жима ву! Ас къоланна тІехъ схьалаьцначу минотехъ хьайна иза гинехъ, эр дацара ахъ иштта. Іахар схьа ца бала, ша вала а, со виэн а кийча-м дера вара! Делхьа, шен жималла хІуьу дан а иэхъ ма дац кхунна аьлла, хийтира суна. Ткъа, вуьшта а халла ирахъ лелачу кхунна адамо тухур а ма йац, кхана акхсакхалца дуйьцур ас аьлла, Іахарца дІавахийтира ас.

– Валол, хІета, чу а гІой, хьажий вайша.

Цеххъана ши стаг цІа чу ваьлча, вагийча санна, товханна хьалхара хьалаиккхинчу Решедан аьтту буйнахъ доккха урс къегира. КІегий санна, богу бІаьргаш цушинна тІе а боьгІна, меллаша йуха а ваьлла, соне дІахІоьттира иза. Цуьнга хьаьжна Іабдул-Іаъзам гІаддайна велавелира. Дан а дара сурт беламе. Товхана хьекхийча санна, кІуьрзаша Іаржйина оза йуъхъ, буйьсанна бодашкахъ цициган бІаьргашка тера оцу тІехъ, кІегий санна, богу ши бІаьрг, баьлла тхонкех⁵ тарбелла корта. Цуьнан дегІехъ ницкъ бацара шел жимачу берана дуьхъ-

⁵ Тхонка – хІинцца лергинчу уьстагІан тІаргІа

ало йан а, амма иза воккхачу шина стагах лата кечвеллера.

– Дика мел дерг догИйла шуьга, Решед! – вистхилира Іабдул-Іаьзам.

ТІаьхьа чу ваьлла Сарыбай бен, Іабдул-Іаьзам гуш а воцчу кІентан карара урс лаьтта охьадуьйжира, воккхачу стеган девза аз хезча. Амма хаьттинчу маршаллина дуьхьал цо жоп ца делира.

Іабдул-Іаьзам чухула дІасахьаьжира.

Корах чу гІийла серло кхетта бодане ца. Шардеш хьахаза, кІуьро Іарждина шого пенаш. Ценкьа даржийначу матардоьллачу чана тІетесначу истанга тІехь, цхьа шо хьалха цІена хиллачу, амма хІинца боьхачу йургІанех хьирчина, могІара дийшина Іохку бераш. Товханахь йогучу алу тІехь овкьарех йуьзна Іохку жижиган цуьргаш.

– Бераш цомгаш-м дац? – хаьттира Іабдул-Іаьзама.

– Дац.

– Жижиг доттуш ца хилла хьо? ХІара мичара даьлла хьуна?

Решедан корта охьабахара. ХІинца хІун дан деза? Кхин стаг хилча-м аьшпаш боьттина а, валлалц дуьхьало йина а, кьар ца луш кІелхьарвала гІоьртуьр вара, ткьа Іабдул-Іаьзаме харцдерг дуьйцийла ма йац. ТІехула тІе, Сарыбайс схьа ма лаьцна иза Іахар тилош. ХІун дан деза? Веза Дела, цаьршинна хаахьара, цо шен дуьхьа иза ца лачкьинийла! Цуьнан шен дейтта шо бен дац. Ткьа кху чохь Іуьллу цуьнан кхо йиша а, ши ваша а цул жима ду. Уьш меца дара, цара йуург йоьхура.

Церан да хІорш цІера бохучу дийнахь вийна, ткъа нана ши бутт хьалха кхелхина. Ша тІаьххъара са дІалуш, берийн доладар доьхуш, нанас весет дина Решеде. Ненан весет кхочуш а ца деш, цунна дуьхьал эхарта гІойла ма дац цуьнан. Ткъа иза нанна дуьхьалхІотта а ца йисина дукха хан. ХІан-хІа, сийсара цо Іахар дІалур бацара, шен дегІах дакъа ца дича. И хира Сарыбайна. Цундела дІавахара Сарыбай. Амма... амма хІунда веана Іабдул-Іаьзам цунна хьалха а ваьлла? Иза-х хьекъал долуш стаг ву. Цунна-м хаа ма дезара Сарыбайн Іахар цо хазахета ца лачкъийнийла...

– Ахь шен уьстагІий лачкъийна, боху Сарыбайс. Бакъдуй иза? – хезира цунна.

ХІун ала-те цо? ХІан-хІа, къарвала ца веза! Сарыбай тІаьхъа а хІоттийна, Решед Іораваккха ма веана Іабдул-Іаьзам. Иза иштта веана хилча, цунах цуьрриг а иэь дац аьшпаш боттарх.

Решед, хьала а таьІна, майрра Іабдул-Іаьзаме хьаьжира, амма цуьнан гІайгІанечу йуьхъа тІера кІайн маж, сийна ши бІаьрг гича, корта йуха а охьабахара. Царна чохь Решедна гира кьинхетам, доглазар, бежкбаккхар а. Иза вацара ткъа, йала йоллучу церан нанна уллохь буйьса йаьккхинарг, тІаьхъара а цуьнан бІаьргаш дІакъевлинарг, чІениг хьала а оьзна, йовлакх дихкинарг, шолгІачу дийнахь иза дІайоьллинарг? И ши бІаьрг, цуьнан сийна пхенаш тІе а хевшина лаьтта декъана куьйгаш, дагна там беш долу цуьнан кІеда аз дацара ткъа церан нана лечу буса байлахь дуьсуш долу йалх бер хьаьсти-

нарш, цаьрга диканах дог ца диллийтинарш? Иза вац ткъа, хIетахь дуьйна, денна бохург санна, церан уьйтIа а хIуьттуш, цаьргара хьал-де хоттург, церан дола дан гIертарг? ХIан-хIа, Решеда цуьнга харцдерг дуьйцура дац. Цуьнан бакъо йац и дийца...

– Суна-м хаьа, Решед, ахь иза хазахета ца лачкьийний. Амма, оцу гIуллакхаша вайнехан вуон це йоккхуьйту. Йа нохчашна вуониг олийла лаьа хьуна? Ас цхьа таро йийр ма йара шуна, ахь соьга аьлlexь.

Решедан ши бIаьрг хих буьзира, балда озийра. Берриге ницкъ тIе а бахийтина, ца велха гIоьртира иза, амма цуьнан ницкъ ца тоьура бIаьргех тIех туйьсу хиш а, логе гIерта шад а сацо.

– ХIун боху цо? – хаьттира хIинццалц вист ца хуьлуш Ийначу Сарыбайс.

– Цо ца лачкьийна хьан Iахар, – элира Iабдул-Iаьзама, Сарыбайга бIаьргашца ишарш йеш.

– Муха ца лачкьийна? Товханахь дотту жижиг стенан ду? – Iабдул-Iаьзама шегга йина хичаш ца гиначу Сарыбайс, берашна тIе а вахана, цхьаннан гIевлангарчу гIайби кIел куьг а дахийтина, тIеда кхакха схьабаккхира.

– ХIара хIун йу? ХIара ткъа?

Цхьацца гIайба хьала а ойьуш царна кIелхьара схьабаккхина кхо кхакха Iабдул-Iаьзамна хьалха тесира цо. Берийн маьхьарий девлира.

– ХIорш хIун йу? Сан устагIийн кхекхий дац хIорш? –

бохура Сарыбайс. – Йа хъан хъайн жа дара? Ас, таШийна акт хЮттийна, кху Делан сохъта коменданте дІавуьгуьйтур ву хьо!

Комендантан цІе йаьккхича, тІехъ коч йоцуш волу цхъа кІант, хъала а иккхина, вахана, Решед шен берзинчу букъа тІехъа а лоцуш дІахЮьттира, ткъа йоккхахйолу йоІ Зараъ, йан а йеана, Іабдул-Іаьзаман настарех хъаьрчира.

– Ваша, – мохъ белира цуьнан, – ма вигийталахъ цуьнга тхан Решед камдат волчу! Оха хІун дийр ду иза вигахъ, тхан-х да-нана а дац... Ас хІун дийр ду тІаккха берашна?... Ва-ша-а-а, Решед ма вига алахъа цуьнга...

Бераша дог Ювжийна воккха стаг, йоІан Іаьржачу месех куьг а хьоькхуш, кийрахъ воьлхура.

– Тхаьш мацалла лахъ а, оха кхин хІумма а лачкъайойтур йац Решеде... Алахъа Сарыбайга, оха, тхаьш даккхий хилча, болх а бина, и уьстагІий дІатокхур ду...

– Ма йелха, Зараъ! ХІумма хир дац..., – йоІана маслаІат дан гІертара Іабдул-Іаьзам.

Сарыбайс лелочо цецваьккхина Іабдул-Іаьзам шен даха-рехъ дуьхъара оьгІазвахара.

– Айхъа дуьйцург хІун ду хаьий хъуна? Акт хЮттадо? Ко-менданте-м хьовха, Сталине а дІадахьийта! Дайьийта цуьн-га хІара буобераш! Уьш шайн махкахъ дитинехъара, цара хъ-ан уьстагІий лачкъор дацара, кху тІуьначу цІа чохъ мацалла мажделла Юхкуш а хир дацара, шуьниш санна, доьшуш, ло-взуш лелаш хир дара! ХІаь, Іедална йамарт хилла, Іедална

зуламдина, далийна уыш кхуза? Йуха а таIзарна дIалу! Ахь Iадбитича а, кхо де далале, Дала Ша дIаоьцур ду хIорш!

Сарыбай воьхна хьаьвзира. Кьоладинарг ша волуш санна, иэьх хетта, цIийвелира иза.

– ХIара хIун гIовгIанаш йу аш йийраш? – йистхилира, церап дов а хезна, чуйеана Сарыбайн зуда Умсунай. – ХIунда йоьлху Зара, хIун хилла берашна?

– Сарыбай ву-кх хIорш коменданте дIабала гIерташ!

– Iабдулла-акхсакхал, сан кийрахь адаман дог дац моьтту хьуна! – мохь белира Сарыбайн.

– Бераш? Коменданте дIало бохург хIун ду? – майрачунна гIейирзира йоккха стаг. – Далла дохку байш! Хьо хьера-м ца ваьлла, чал⁶? Ма доккха хIума хили и хьан гирзаш даьлла кхо Iахар...

– Хьайна цахуург ма дийца. Йоло ца гIо. Цхьа а вац бераш коменданте дIадала гIерташ!

– Вала, вала! Хьалхавала! Хилийтахьа, кхоь-м хьовха, кхойтта уьстагI а, кхойтта эмкал а. Ас айса токхур ду уыш. Охьадахка кхекхий а. Берашна кIелтийса дика хир ду уыш.

– ДIадовлийша дIа! – огIазвахара Сарыбай – Шуьша ший а ца кхетта сох. Оццул кьиза хила, со экха ду-м ца моьтту шуна? Кхекхий дIахьур ду ас. Хьала-охьа а, дахкалур ду, кхузахь дитича.

– Мегар ду. ДIаэца хьайн кхекхий а. ДIа аравала чехка! – кхекхий кара а делла, шен майра теттина неIарх араваьккхи-

⁶ Чал – воккхачу стагах олу гIиргIазоша.

ра йоккхачу стага. Таккха, Зараана те а йахана, иза шен маракъевлира цо. – Ткъа хьо ма йелха, сан жима лулахо. Хьо йацахъара-м, каьмпаран дан хIумма а дацара. ХIокхо-м, денна йогIуш, суна хи а дохьу, керт-ковхь гIуллакх а до. Кхана Iуьйрре чал лам те гIур ву, вайша цхъаьна Иийр йу. Тобур ду, ма йелха хIинца.

Бераш да а тедина, Iабдул-Iаьзамца арайелира Умсунай.

– Суна хаьара Решеда уьстагIий лечкъадой, – элира цо шаш кех девлча, – хIетте а сайна хIумма цахуучуха, Iадда Iара со, берех къахетара. Амма новкъа- м дара лулахо йамарт хилар. ХIун дийр дара ткъа? Хазахеташ ма ца лелара иза. Воккхачу стага сийсара схъа ца лаьцнехь, со-м, уьш хьан лачкъийна а ца хаьа аьлла, къайладохур ду бохуш, Iаш йарий. ХIумма а дац. Оцу кхаа уьстагIах тхо дехаш а хир дац, йа къий а лур дац.

– Баркалла хьуна... шуна массарна а, Умсунай, – элира, цIеххъана собарх а вобхна, ша Сарыбайна барттохарна докковаьллачу Iабдул-Iаьзама, – суна ма хаьа хьо оцу берийн дола деш хилар. Цхъа мисканаш бу-кх уьш. Ца бала гIерташ, лела-кх. Дийцина хIун до цуьнан, хьуна хъайна а гуш ду-кх цаьргара хьал.

– ДIавалахъа, ма дийцахъа уьш! Цул, чу а дахана, цхъаьний чай мер ду вай. Бепиг-м дац сан, амма Iаламат дика чай ду, шура а тоьхна кхехкийна. Вало.

– Чай мала-м меца а вацара со, амма Сарыбайна хьалха бехказвала ца веача-м ца волу. ШайтIа даг чу а иккхина, ха-

лахетийти ас цунна.

– Иза-м тоххара дицделла хир дара цунна.

Умсанайна тӀаьхьа дӀаволавеллачу Ӏабдул-Ӏаьзамана гира хьалхалеррачохь хӀоьттина лаятта Хелипат а, голашна тӀе охьа а лахӀелла Ӏен Зану а. БӀаьрг ма-кхийтти хиира Ӏабдул-Ӏаьзамана цхьана хӀуманна тӀехула цаьршиннан барт ий-гӀинийла.

– ХӀун хилла шуьшинна? – хаьттира цо, тӀе а вахана

– Шеллуш, йегош, ирахь а ца Ӏелуш йу хӀара, – Занугахьа корта ластийра Хелипата, – цӀа а гӀой, охьайижа аларх, дӀа а ца йоьду. Вайшинца дӀайогӀу ша, боху.

– Могаш йацахь, цӀа йаха йеза, Зану. Тхойшинна кхин накьостий нислур бу. ЦӀа йахалур йуй хьо?

– ХӀаь...

ГалӀуйлуш, дӀайолайелла Зану некьо голатухучухула къ-айла йӀаллалц цунна тӀаьхьа хьоьжуш а Ӏийна, Хелипате, ша хӀиннца схьавогӀу а аьлла, СарыбайгӀеран керта вахара Ӏабдул-Ӏаьзам. УьйтӀахь кертах тесна лаяттаху боккхачу Ӏожачу старана хьалха йол таса гӀерташ воллуш Сарыбай а, цунна тӀе а хӀоьттина, дов деш лаятташ Умсунай а карийра цунна.

– ГӀовгӀа а ца йеш, чугӀохьа, каьмпар! ХӀара хӀун ду ша дан ткьа? Ӏедале дӀадала дезарг-м хьо а, Ӏабдулла-акхсакхал а дара. Ши Ӏовдал! Шуна-м, дера, мояттура, и халла ирахь лела бер а эцна, со комендант волчу ваха воллу. Со басмач ву-м ца моятту шуна? Амма ашшимма доккха гӀо даьккхи цуьнгахьа. Ишттаниг цуьнга кхин ца леладаьта, иза кхеро гӀерта-

ра со, ткъа ашшимма со бехке во. Ас а магийтича, кхечо а могуьтур ду моьттуш, иза цхьа адамалла доцчу стеган керта гортахь? Цо, вига а вигна, Iедале дIалур ву, тIаккха иза ваьккхина берийн колоне дIавуьгур ву. Йа, Iедале дIа а ца луш, лечу хьола тIе валлалц йеттар йу. Иштта меттигаш кIезиг ца хилла. Байьинарш а бу. Шайш диканиг до а моьттуш, цунна зулам до аш.

– Бехке ву-кх со, Сарыбай. Вайша вовшех ца кхийтира. Бехке ву!

– Ву, дера-кх. ТIехула тIе, каьмпара этIо дог. Цкъа кхаллал бен рицкъа дацахь а, иза оцу берашца йоькъуш Iаш ма йу иза. ХIетте а, Решеда шена къола дича, цуьрриг а обгIаз а ца йоьду. Сийсара иза Iахар тилош воллуш тIекхаьчча, айса цуьнан цIога ца дохдарх дохковаьлла со. Иза ахь дийр ду моьттуш, Iийра-кх.

– ГIиллакхехь дацара, Сарыбай. Да-нана доцчу оцу мисканна муха тухур йара?

– Вайша ду-кх церан да-нана. Вай дац церан дола дан дезарш? ДIа чугIо. Чай кечдешшехь, сту хи тIе бигна вогIу со.

Нох дохуш бежаш лаьтта сту а, цунна улло хIоттийна цхьа сту бужу салаз а гича, Iабдул-Iаьзамна дагадеара ша Аюб цIа вало накьост воцуш хилар.

– Хьо чу хIунда ца воьду?

– Чувеана Iойла дац сан, Сарыбай.

– ХIунда? Иэхь хета хьуна? Дитахьа уьш! Хьо сол воккха ву, ахь аьлларг-м тарлур дара. Со а ма ву берийн да, сан кий-

рахъ а ма ду дог. Цхъа кІант немцоша вийна Ленинградна уллохъ. Вукхуьнан а бац тешам. Тјом – тјом бу. Цигахъ цхъа минот а йац тешам болуш. ХІинцца дийна хуьлу хьо, ткъа цхъа минот йалале, мичара йогІу а ца хууш йеанчу дІаьндарго тухий йуьхьарвохуьйту. Кхузахъ советан Іедал хІотточу шерашкахъ басмачаш лобхкуш лелла со а. Уьш мел къиза адамаш дара хъайна хаахъара. Амма фашистийн къизалло басмачаш а бицбина. ТІехула тІе, хІара тјом эзарзза нуьцкъала а, къиза а бу хъалха хиллачел. Керла герзаш, керла техника. Ткъа оцу бераша диьна уьстагІий дицдер вай. ХІан, валло, чай мала воьду вайша. Сту тІаьхъа буьгур ас хи тІе. Хьо а воцуш чу гІахъ, йуха а дов долор ду каьмпара.

– ХІан-хІа, Сарыбай, сан дІаваха деза. Цхъанхъа-м лома кІел велла Іуьллуш тхан цхъа воккха стаг ву, боху. Иза цІа ца валийча ца волу. Сайца бига накъостий лаха а бежа ас. Амма, ахъ хІара сту а, салаз а сайга делча, накъостий лобхуш къа а ца хьоьгуш, сихха вахана, иза цІа валош вогІур вара со. И гІуллакх дехъа суна, берриге дика болх суна бинарг хир вара хьо.

– Сту-м, хъала-охъа а, лур бара ас хьоьга. Накъост ца хилча, хьо хьоу ларор ма вац.

– КетІахъ соьга хьоьжуш лаьгташ цхъа зуда йу. Тхойша ларор ду.

– ХІан-хІа, цунах гІуллакх хир дац, акхсакхал. ХІей, каьмпар! – чу кхайкхира Сарыбай – Йалол, чехкка йаха а гІой, ТургІанбай схъакхайкхал. Доккха гІуллакх ду ала. Ма Іела-

хь! Ткъа ахь и зуда ца йахийта, Iабдулла- акхсакхал. Вай хилча тоьур ду.

И ши сту дIабобьжна валале, лаяттах Iаса а гIертош, букар сеттина, схъавеара лулара воккха стаг Турганбай.

VIII

Тетобьхначу догIано гIадийна, шелбина, лелхийна бигна, ломахь цхъана жимачу хъеха чу бобькина Лобма а, Берса а, Юрка а, Адашбай а, ца баха догIа дIатере хьобьжуш дикка Iийначул гIабьха, и соцург а ца хилла, це а латийна, паргIат-бевлира.

Дукха хан йацара веа кIентан доттагIалла тасаделла. Цхъа кIира хан. Лобма доьшуш вацара, ткъа Берса а, Юрка а, Адашбай а цхъаца классехь доьшуш вара. Царна йуккъе гергарло теснера дукха хан йоццуш ломахь гучубевллачу акха кхуьучу хохаша. Дуьххъара кхузахь цхъабнакхеттачул гIабьха, хIор а дийнахь цхъабний богIура уьш лома. Кегий тIобьрмигаш дуззий хIетта хъалабевлла сийна хохаш а бохий, дечиган кегийра маххъаш ги а духкий, суьйранна ца богIура уьш. ГIуллакхал сов, вуьшта а самукъане дара лаьмнашкахула кхерташ. Къабсттина Берсина а, Лобмина а дезалора и гIуллакх. Оцу тIулган лаьмнаша цаьршинна карладохура генахь дисина даймехкан лаьмнаш. Амма, цаьрца дуьстича, хIорш цхъа дерзина, десте санна, хийра, шийла хетара.

ДогIано гIадийна бедарш йакьо гIерташ, цIерехъа цкъа букь тухуш, гIаккха агIо лоцуш, хевшина Iаччохь дIасахьий-

зара уыш. Хабар дийца дог ца догТура цхьаннен а. Шелонна а дацара иза. Мецачу чоьнн тIе биьначу кIочу хохаша дог керчадора. Уыш бераш делахь а, хIораннен а дагна тIехь шайнначул бала а бара церан. Мере оьзначу голашна тIе корта а биллина, ши бIаьрг цIерга а боьгIна, Iара Юра. Аьрхачу Лобмас шеквоцуш тIера схьайаьккхина шен этIа тужурка цIерга хыйзайора. Халла хезаш ша-шена илли бохура Адашбайс. Ткьа Берса, шен йоьхна неIармачаш дIа а йаьхна, тIергIан пазаташ йакьо гIерташ воллура.

– Стенна оллавелла хьо, Юрка, гIийла буо санна, горгвелла охьахиьна?

Юрас доккха садаьккхира.

– Советски эскаран дезде ма ду тахана. Ткьа тхан дай, вежарий генахь леташ бу. Хьанна хаьа, сан да кху минотехь мича хьолехь ву, йа дийна ву, вац а...

– Цунна гIайгIане воьжнера хьо? ХIумма а доцург! ТIамехь чов хуьлу, виэн а вуьй. Iожалла цкьа бен хуьлуш йац. Дала ша адамаш кхуллуш хIоранна а тоьхна хан йу дуьненахь ваха. Шен оьмар чекхийаьлча, цхьа а минотехь а вехар вац. ТIамехь верг леш, цIахь верг ца леш ма дац. Цигахь Iожалла йоьгIнарг лийр ву, цайоьгIнарг могаш-дийна цIа вогIур ву. Ойланаш йан ца оьшу.

Юра, кхин вист ца хуьлуш, хьалха санна, дIатийра. Цкьа Лобмина а моттаделира ша цуьнан дагна маслаIат дина.

– Кху дийнах лаьцна кхин хIумма а дагадогIий шуна? – хаьттира Берсас, шен болх йукьах а баьккхина, цIеххьана.

Юра а, Адашбай а хаттар луш, Берсе а хъаьжна висира.

– ХІаь, тахана-м вай махках даьхна нийсса шо кхочий, – бухара балда цергашна йуккье а лоцуш, масазза а корта тaийра Лoьмас.

Хьехахь йуха а тийналла хЮьттира. Йукъ-кара лайн чимаш а ийна, арахь тЕдетта шийла догІа. Вовшийн даа санна, мацалла хьерча йoьхьаш. ЦІахь доцу дика хьал. Юрин сагат-делира. Лаьара, хІуьу дина а, хан йацйан.

– КІентий, дийцийша тхуна, шаьш схьа хІунда далийна, – дехар деш, Лoьмина а, Берсина а тЕвирзира иза.

Берса вист ца хилира. Цунна ца лаьара шел воккхачу, цЕра арадахале цхьанхьа-м гІалахь доьшуш хиллачу, маттана шерачу Лoьмина хьалхалелха. Ткьа Лoьмина дага а ца догІура накьостан хаттарна жоп дала. Йохйелла, тЕра Іаь гІуьтту тужурка парггІат тЕ а йуьйхина, тІаккха шен когара буьхьигаш хьала а хьаьвзина лаьтта английски ботинкаш схьа а йаьхна, когех хьерчийна тЕлхигаш йакьо хЮьттира иза. Карладелира цхьаьнгте ца дуьйцуш ша даг чохь кьуьйлуш латто цхьа кІира хьалха комендантца шен даьлла дов.

– Баккьалла а, дийцахьа, Лoьма, – Юрина тЕетайра Адашбай а. – Шух лаьцна наха ца дуьйцуш хІума дац-кх. Шу басмачаш хилла, аш фашисташна гІо дина, боху-кх...

Лoьма oьгІазе Адашбайга хьаьжира.

– Ларлуш хила, кІант! Хьанна хаьа, сан карара хецайелла хІара ботинка хьан муцІарх кхетахь а. Тхуна мичара хаьа, тхаьш схьа хІунда далийна? Хьуна хуур дарий, цхьана Іуьй-

ранна хьюо, меттара а гІагтийна, шарбал тІе йуха а ца кхиа-
веш, хьалха а иэккхийтина, тІаьхьашха тІе автомат хІоттий-
на, лаьцна вигна, таШийна вагон чу а воьллина, тІехула тІе аь-
чган зайл хьовзийна, неІаре автоматчикаш а хІиттийна, цхь-
ана беттан некъа генна махка а вигна, хьюо охьатесча? ХІай-
хІай!

– ОьгІаз ма гІохьа, Льюма, – агІо цІерехьа а хьовзош, цуьн-
гахьа вирзира Юра. – Оха цІеначу даггара хьотту. Ткъа хьо?
Нийса ма дац иза. Адаш бакълоь. Наха тайп-тайпана дуьйцу
дела, бакъдерг хаа ма лаьа тхуна.

– Іовдалш дийца бита аш. ХІаь, ду, дера-кх, тхо-м бан-
диташ, къуй, йамартхой, фашисташ а. Кхин йисиний тхуна
тилла цІе?

– Йуха а карзахвуйлу!

– ТІаккха ткъа? Оха бакъдерг аларх, тхох теша ца теша.
Тхо адамаш ма дац, адамашдаархой ду.

– Харцлоь хьо, Льюма! Хьуна хьайна а хаьа тхан дагахь и
доцийла! Цхьацца боьхачу нехан дегнаш иштта хилар тхан
бежк бац.

– Шайна луьург мотта. Суна-м йовха а, шийла а йац!

ТІедетгачу догІанна жимма лагІдала дага а ца догІура.
Мелхо а, хьалхарчу ломана тІехула дорцан кІур хІоьттинера.
Берса реза вацара Льюмин кІоршамечу жьопашна. Адашбай,
Юра а Іаламат догдика, эсала ши кІант ву. И шиь, гергарло
дезаш, Льюмина тІегІерта, ткъа Льюмас уьш йухатоьтту. Ди-
ка ма дац иза.

– Бакъдерг дийца дезара..., – ийзалуш, нохчийн маттахь бехк баьккхира цо Лoьме.

– Къахетаре догдоху ахь? – кIоршаме цуьнга хъаьжира иза.

– Ца го хъуна, халахетта цаьршинна.

– Вай хазахеташ лела?

– Церан бехк ма бац иза...

– Хаьа сунa а. Хьo ма хьехар дала хIoьтти. Цул, чIeIa а ца чIeIaш, хъайн мерах пхьoш хъакха.

Лoьма, хьехан берте а вахана, тIулгах агIо а тоьхна дIа а хIoьттина, арахежа вуьйлира. Цунна шена а валлал лаьара шина кIанта хоьттург цIенна дIадийца. ХIинцалц схьа цхь-аммо а ца дехнера цуьнга и дийцар. Моьттурса, иза ша дий-цича, кийрара бала жимма а байлур бу. Ткъа иза-х бара кIеж туьйсусх кхехкаш. Жимачу Берсина атта ма ду. Иза хIинца а дерригенах ца кхета. Лoьмина шена а ца хууш хила а тарло дерриге а, амма хуурш, гинарш а тоьуш ду иза къона къеж-ван. Деккъа и уьш цIера баьхна цхьа де тоьур дара цуьнан дог эькхийта. И де а ца деара массарна а цхьатерра. Массе-ран а бацара цIеххъана цIера арадовла аьттонаши. Ткъа Лoь-мин хIусамехь оцу Iуьйранна ненан шийла дакъа Iуьллура. Цхьа-ши кIира дара, нана цамгаро гуттар а кIелйитина аьл-ла, тIаьхъа хабар а деана, Лoьма, доьшучуьра йукъахваьлла, цIахь Iен. Хьалхарчу буса нах охьабуйшучу хенахь йелира иза. Оцу Iуьйранна хьалххе гIаттийна, лула йуьрта гергар-чаьрга иза йеллийла хайта хьажийна Лoьмин шича, цхьа са-хьт далале, айьина цIа валийра, автоматца харс-аьлла пхьарс

хадийна, мелачу цѣша а вузна. Иза а вара Лѡмин хенара кІант. Нана кешнашка а йигна дІайоллийла ца хилира. Да ца йулуш ца йита, шайн бешахь гомха каш а даьккхина, цу чу таийра цара иза. Оцу доьхначу дийнахь кхин цхьа нийсархо а вийра Лѡмин. Фермехь жау волчу шен дена тІаьхьа кхача эцна воьду Хьамид, йуьртах араволуш ха деш болчу салташна тІе а Юттавелла, цара тоьхна вожийра. Цуьнан дакьа лаьттах долла а ца битира. Ца чохь поппаран маьнги тІе метта охьа а виллина, цунна тІе йургІа а тесна, иза Іад а витина, кертара арабелира церан доьзал. Ткьа Хьамидан миска нана, хІинца а меттайанза, тиларчу йахана хІума санна лела. Йуьртал арахь, ги йоьллина хьаьжкІийн кийсаг йолуш, Іилла дисира Лѡмин лулахочун Айзанан дакьа а. Шен йалх берана ахьарна хьаьжкаш ахьа хьера йоьдуш, эвлах арайолуш тоьпаш тоьхнера цунна. Мисканашна ца хаьара оцу буса шаьш ховха набарш йеш меттахь Іохкучу шайна тІехь ирча кхиэл йинийла. Ца хаьара йуьртана гуонах ха хІоттийнийла а. Йуьртах аравала гІоьртинчунна топаш тоха аьлла, омра дуйла а. Ткьа Іуьйранна оцу ханна тІенисделла Айзан, Хьамид, Хьасан а ца кхийтира салташа оьрсийн маттахь «Саца!» «Йухаверза!». «Топаш туху хьуна!» бохуш деттачу маьхьарех...

Лѡмин логе шад хІоьттира. Цхьадика, бІаьргаш чу хин тІуно-м ца йуссура.

Хьанна моьттура, иза хир ду. Йуьртахь лаьтта салтий, берриге бохург санна, бевзара Лѡмина. Царна йукьара цхьа-

болу бѡаьхой, Лѡьмел цхѡа-ши шо бен баккхий боцуш, кегийраш бара. Церан чѡгѡа доттагѡалла дара йѡьртарчу шайн нийсаршца. Уьш цаьрца цхѡаьна ловзарга а, синкѡераме а оьхура. Нохчийн сискал а, салтичун паек а йѡькѡуш йѡура. Лѡьмин когара ботинкаш а ма йѡ цуьнан доттагѡчо, кѡоначу лейтенанто, цунна совѡатанна йелла. Оцу догдикачу адамийн цхѡана йѡьйранна шайн доттагѡий цѡийнах а, махках а баха дийзира...

Уьш дерриге дагадаьхкича, логе шад хѡутту Лѡьмин. Дависарг, ницкѡ белара цуьнан, хилларг-м хѡовха, таханлерниг а цхѡаьна дерриге а дицдан. Синтем бац йа дийнахь а, йа буса набарха а. Бус-буса гѡенах дуьхьалхѡуьттту хѡоме даймохк. Амма цуьнца цхѡаьна дуьхьалхѡуьттту и ирча кѡематде а. Самаваьлча... Цул хѡумма а сина лан атта йац тахане а. Хало. И йерриге хало а, мацалла а йицѡеш долу даймахке мерза сатийсар...

«Иштта хила ца везара со оцу кхаа кѡантаца, – ойла йора Лѡьмас. – Жима велахь а, Берса бакѡлоь».

Лѡьма схѡавирзича, цуьнан йѡуьхь тера а йацара цхѡа масех минот хѡалхалерчух. Йайнера цунна тѡера аьрхалла а, цкѡацкѡа гучуйѡлу кѡизалла а. Иза цхѡана луьрачу чевно Иийжочу дархочух тера, озийна, йахѡелла, хаба а хебна гора.

Вист ца хуьлуш шен метта цѡера улло охѡа а хиьна, дехѡа лаьтта дечкан мохь, дѡакхевдина, шена тѡе а озийна, цунна тѡе дѡа а тевжина, ши бѡаьрг хѡехан тховх буьйгѡира цо.

– Юра, тхаьш схѡа хѡунда далийна дийца хаац суна, – эли-

ра цо, эххар а.

– Цундела цунах лаьцна сан дийца хIумма а дац. Арахь тЕдетта догIа саца гена ду. Иза саццалц Iахь, дикка Iан дезар ду вайн. Цундела, вайна хан йацйалийтархьама, шуна лаахь, ас дуьйцур ду тхаьш махках даьхначу дийнах лаьцна доцца.

Ши кIант, гергахьо таьIна, ладогIа кечвелира. Амма Лобмина ца хаьара ша мичхьара схьалаьцна доло деза. ТЕхьа дахийтина ши куьг коьрта кIел а доьллина, кьамелан йуьхьиг лобхуш санна, тховх бIаьргаш кхерстабора цо.

– ХIун дуьйцур дара шуна? – Юрега хьаьжира Лобма. – Шуна бакьдерг ала лаахь, дерриге а дийца сан ницкъ тоьур бац. Цхьа коьрт-коьртаниг олуш, чекхвала хьожур ву со. Доцца аьлча, шу санна, дерриге адамаш санна, дехаш дара-кх тхо тхан дай баьхначу лаьтта тIехь. Оцу лаьтто комаьрша рицкъа лора тхуна. Цунах тоам а бора оха. Далла хастам а бора. Вайн Советийн махкахь массанхьа санна, Iедал а дара тхо долчохь. Баккхийчара болх бора, бераша доьшура. Дешна ваьлларг балха а вьодура. Цомгаш хуьлура, дала а лара. Хазахетарш а, бохамаш а, цатемаш а хуьлура. Тхешан даймохк дукха а безара тхуна. Доцца аьлча, кхечарел тоьлаш а, йа оьшуш а доцуш адамаш дара-кх тхо. Церан йоллу ойланаш а, сатийсамаш а болуш. Аш санна, оха а сатуьйсура, фашистийн гIера вайн макхара дIа а лаьллина, чеккка тIом чекхбаларе, фронтера тхешан дай, вежарий цIа берзаре. Цундела оха тхешан ницкъ ца кхоабора кьинхьегамехь. Цундела оха чIогIа безаш тIеййцира шовзткъе кхоалгIа шо чек-

хдолуш тхешан йарташка балийна салтий. Ia йуккъе далале, массо йурт йуъзира цара. ХЮр а доьзалехъ пхий-итт бIаьхо. Хьаша везаш тIеобцу тхан халкъо. Иштта ду тхан дайшкара схьадогIу гIиллакх. Ткъа бIаьхой уггаре а лоруш лело ма безара. Тхан а ма бара фронтехъ дай, вежарий. Оха салтий лорура, церан сийдора, тхайн ма-хуьллу церан догъэца гIертара. Цара тхан сискал а, оха церан чоьрак а йууш, цхьа доьзал санна, тхо бертахъ дехаш дIайобдура хан. Уьш цигахъ хIунда латтабо ца хаьара тхуна. Шу кхуза хIунда далийна аьлла, хаьттича, цхьаболчара – хаац, вукхара – садаIа, кхечара – ламанца тIом бан Iамо далийна, олура. Европехъ лавинаш йу. Цигахъ фашисташца тIом бан Iамо. Кест-кестта, йуьртал ара а буьйлуш, учебни занятеш а йора. Наггахъ, буьйсанна тревога а лой, хьала а лольхуьйтура.

Шайна ца хезаш цхьа дош тIехтиларна кхоьруш, леррина ладоьгIура Юрас а, Адашбайс а. Йуьхьанца забаршна, Iиттаршна тIера волавеллачу Лотьмин дешнаш хIинца дегнаш Iийжош дуьйшура берийн кийра. Лотьма ша а дIалаьцнера шен къамело. Цунна ца хааделира лелхачу арчанан дечигахъ схьакхоссабелла суй шен аьхначу хечин кога тIе бужуш а, иза, кIур туьйсуш, бамбех булуш а. Цо къамел ца сацийра Берсас и цIе дIайойьуш а.

– Нийсса шо хьалха, 1944-чу шеран феврала 23-чу дийнахъ хилира и бохам. Тахана санна, кхоьлина деанчу цхьана кхаарин дийнахъ. Iуьйранна арабевллачу салташа тхан йуьртара берриге а боьрша нах школе гулбира. Советски эска-

ран де даздеш, собрани гулбо, бохура. Оццу Ёуьйранна, оццу минотехь изза динера нохчийн а, гІалгІайн а йерриге йарташкахь. Ёуьртара берриге а боьрша нах чугулбелла бевлча, неІаршка ха хІоттийра. Корашна уллохула хевшинчу нахана арахваьвсича гира, хІора корана тІе йуьхьигаш йерзийна хІиттийна лаьтта пулеметаш а, церан логаш тІе пІелгаш дехкина, царна уллохь Юькку салтий а. Адам цецделира. Иштта буьрсачу хьолехь хІунда даздо Советски эскаран де? Мила ву царна кхерам туьйсуш? Йа хьанна кхерам бу оцу машаречу нахера? Уьш цецбевлла а бовлале, царна хиира, эпсарш собрани йан гІерташ ца лелий. ХІетталц оцу йуьртахь царна гина а, йа оцу эпсарийн духарх тера духар а доцчу цхьамма, дІаса а ца хьийзош, нахе омра дира, шайгара герз охьадилла аьлла. ХІун герз? Тилла-х вац хетий и эпсар? Амма эпсаро хеттарш дихкира. Цо пІелг хьажийра нехан йукъах йихкинчу шаьлтанашна тІе. Шуна хаййта боху ас, законехь нохчашний, гІалгІашний бакъо йеллера шаьлтанаш лело. Церан духаран цхьа меже и лоруш.

Маьрша, машаречу колхозникаша, хьала а гІуьттуш, дайшкара дуьйна схьа лелош хилла шаьлтанаш, схьа а йостуш, капитулянташа санна, эпсарна тІе а оьхуш, цунна хьалха уьш охьатуьйсуш, оьла йира. Шайх деш дерг ца хууш хьийза нах йуха шайн-шайн метта дІанисбелча, оццу эпсаро боцца хаам бира: «Нохчийн, гІалгІайн халкъаш – йамарт, зуламе халкъаш ду. Царах баьллачу бехкана таІзар деш, правительство сацамбина нохч-гІалгІайн халкъ гуттаренна а даха

Юккьерчу Ази а, Казахстане а кхалхо. Кхалхочийн хьашташ кхочушдан бухахь бина кечам бу. Нагахь санна цхьана стага дуьхьало йахь, йерриге а йурт хьаллакыййр йу. Йуьртана бина гуо бу сийсара дуьйна. Цхьа а стаг а йуьрта вуьтуш а, йа чуьра араволуьйтуш а вац. Бертаза йуьртара аравала гюьртинчунна герз тоха аьлла, дина омра а ду. Кху чуьра нах арабохур бу нийсса ши сахьт даьлча. Оцу шина сохьтехь йуьртара дерриге а адам – кьена а, кьона а, зударий а, бераш а – цхьа а са бухахь ца дуьтуш йуьртах ара а даьккхина, билгалчу метте дIагулдина хила деза. ТIаккха, гуонах ха а хIоттийна, шайн доьзалшна тIе дIадуьугур ду шу. ХIинца цкьа шуна йуккьера цхьа масех стаг аравоккхур ву. Эпсаршца цхьаьна баха а бахана, цара йуьртахь дIакхайкхо деза кхузахь шайна хезнарг. Адам кхалха кечдан деза цара. Адамашна кечдала а, йиллинчу метте дIагулда а йелларг ши сахьт хан. Вада гюьртинчунна а, ши сахьт дIадаьлча юьртахь карийначунна а тоьпаш тухур йу. Совнаха мохь новкьа ма баккха. Шайн тIейуху бедарш а, мотт-гIайба а, цхьана баттана кхачан сурсаташ а. Цул сов мохь машинашна тIебоккхуьйтур бац.»

Нахана йуккьехь гюьвгIа йелира. Цхьаболчара бохура летта дала деза. Бисинарш дуьхьал бара. ХIун гIуллакх ду эрна хIаллакьхила? Вай дуьхьало йича, цара кьенаниш, зударий а, бераш а дойьур ма ду. Делан болх ма бу хIара. Дала динчунна муьтIахь хила деза. ТIехула тIе, хIокхара лелориг, Iедална а, Сталинна а ца хууш шайггара лелош хила а ма мега. Сталинна хааза дуьсур ма дац хIара. Йа вай кхеро хIоттийна кеп

хила а тарло. Йуъртах а даъхна, йуха ца хойцур ду... Доцца аьлча, болх Далла а, Сталинна а тебиллина, сецира адам.

Оцу йуьйранна деша дахана бераш новкъара а, школан кетара а охъахъийсийра. «Тахана мукъа дуьту шу, – бохура цаьрга. – Шун школи чохь собрани хир йу. Аш сада!».

Мукъа дисира и де а, шолганиг а, кхоалганиг а. Бутт а. Ткъа дукхахболчарна ца дуьйгира кхин цкъа а парти те ховшар.

Цхъа сахът далале адам махъшаре лоьхкучу дийне тарйелира йурт. Зударийн цогланаш, доьлхучу кегийчу берийн маьхъарий. Кьонахоша оьгазе бетта барт. Махкана хиллачу бохамах кхетча санна, Юьху даьхний, углу жаьлеш. Догмех цераш хьаьлхина адамаш. Йуьртал арахъа маьI-маьIпехь дуьйлу герзаш...

Хетталц довха, маьлхе дара денош. БIаьстенна йалташ дIадийна довлла дохкура. Халкъана тIехь хIоттийна харцо ца лайна дара а хаац, йа Делан таIзарна дара а хаац, мухха делахь а, оцу дийнахь карзахделира Iалам. Цеххъана кхоьлира стигал. Йуьхъанца меллаша дилла доладелла ло буьрсачу дарце дирзира. Суна цкъа а мел шийлачу Iай а ца гинера и тайпа дарц. Оцу цIемзачу дийнахь, шайн йовха хIусамаш йуьтуш, арадуьйлура адамаш.

Ойла йехъа, Юра, ца дуьззина доьзал болчу стеган. Цуьнан аьтто бац царна массарна а бедарш, мачаш эца. Йа, аьтто боллушехъа, эца мало йеш Iийна иза. Йа берашна стенна оьшу и барзакъаш, уьш стенга гIур бара бохуш, Iийна иза. Йовхачу хенахь тIехь шарбалш, когахь мачаш йоцуш ловзуш

лела цуьнан уьш. Шелйелча – чохь совцу, йа лула-кула лова боьлху. Роггана цхьа мачаш йухуш, цхьа пальтон тЕлхиг тЕ а кхуллуш. Арахь шелбелча, бохбала чу а лелхаш. Денненан ойла йац Іаьнан шелах уьш эцна цЕра арабовла. И ойла хилча-м, цара хьалххе кечамбийр бара. ЦЕххьана хьийзочу дорцала аравала аьлча, да-нана мича хьоле дужур ду хаа хала дац.

Нохчийн боьршачу стагана эхь ду нахана а гуш шен берги доьллича. Амма оцу дийнахь уггар ша бен мила ву бохучу кьонахчун гихь а, карахь а цхьацца бер дара. Гихь а, марахь а цхьацца бер дара ненан а. Истангех, йургІанех хьирчина, йуххе девллера дисинарш. Жимма а мохь айъа ницкъ болчун каралаьцна, ги боьल्लीна а шенначул мохь. Гобьллелц догІучу лайлахула когашІуьйра салтийн гонна йуккъе а хІитина йуьртах буьйлура уьш. Суна гира оцу Іуьйранна салташа йийначу Айзанан майра шен берашца араволуш. «ХІара хир дуйла хиънехь-м, шуна тЕ а, кога а духучунна гІайгІа бина хир ма бара ас, бераш, – элира цо, йалх бераца уча а ваьлла. – ХІинца дан хІума дац-кх. Далла тЕ болх биллина, новкъа девр ду-кх вай».

Гихь а, карахь а цхьацца бер дара цуьнан. Йуххе давккхина каралаьцна цхьацца шад а болуш – диь. Чохь маьнги тЕхь йахйина Іуьллуш йисира оцу берийн нана. Ворданахь цІа деанера цуьнан дакъа. Оцу бераша хьокхучу маьхьарийн цІогІано дог дорура адамийн.

Ткъа цхьаболчу салташа, бІаьргех мела хиш а лиэшаш, гІо

дора нахана шайн миска сал-пал некъана кечйан, уьш чуьра арайаха, йиллинчу метте дйаихъа. Церан гихъ а, карахъ а гора кегий бераш, къен ларчанаш. Уьш гертара берийн догъэца, баккхийчийн дог-ойла айъа. Ткъа шаш а боьлхура. Церан дегнаш а дара Ийжаш, кхарзалуш. Амма церан ницкъ бацара и алха иэрчо сацо...

Амма оцу догдикачу салтийн эзарнашна йукъахъ къизаниш а бовлура. Ишттачара хан ца лора некъана кечамбан а, оьшург схъэца а. «Даймахкана йамартхой!», «Бандиташ!», «Фашистийн хъадалчаш!», «Аш Гитлерна гю дина тхан доьзалш хАллакбан!» – бохуш, чехош, Гуьттуш нах хьалхатуьтура цара. Тхо машина те дохучу буса суна хьалха нисйелира жима бер карахъ зуда. Цкъа а машинашна те мичхъахула а, муха йала йеза а ца хаьа, тьехула те карахъ жима бер долу иза хьейелира те ца йалалуш. Йуххехъ лаьттачу салтичо катоьхна ког лаьцна цуьнан карара схъадаьккхина бер кхоьссина йуьстах лайлахула дАдахийтира. Мохъ хьаькхна тьехъаьдда нана, и схъа а эцна, кхоьссина бер хьалха те а дахийтина, сихха хьалайелира.

Ас бехк ца буьллу оцу салтичунна. Хьанна хаьа, цхьанхъа фашисташа хАллакбина хила тарлора цуьнан доьзал. Мостагьех бекхам эца лаарх дуьзна хила тарлора цуьнан дог. Хьанна хаьа, цунна хьехна хила тарлора, нохчаша гитлеровцашна гю дина, уьш йамарт нах бу, хьан доьзал церан гюьнца хАллакбина бохуш. И бакъ моьттуш, оьгязло йоьссина хилла хир йара-кха цуьнан даг чу.

И буйса йаккхийтира тхобга эвла йистехь, йерзинчу стигла кIел. Подмийн цIевнех, истангех цхьа баннаш, четарш тайпа бахьанаш хIиттош, цу чу мох ца кхете ловчкьийра бераш. Буса сахиллалц йагош цIераш, царна гонаха, кIуьро бIаьргаш Иийжош, хевшина Iара адамаш. Ткьа гуонах луьра ха лаьттара. Туьпа тIе а йерзийна, гунашна тIе хIиттийна пулеметаш. Гуонах хьийза автоматчикаш. Цаторчу гIуллакхна а йуьстах ца волуйтура цхьа а.

Шелоно сендинчу берийн белхарш. Цомгашчийн узарш. Хехоша детта маьхьарий. Оцу йуккьехула салташа пондарш а, эшарш а локхура. Кхоьлинчу стиглахула кхерстий, шийлачу дорцаца лаьтта охьадоьлхура кьеначара олучу сингаттамечу назманийн аз. Наггахь, адамийн дог-ойла ойьуш, декара халкьан иллеш. Цхьаццанхьа йукь-кара хелхаран бал а боккхура.

Кхин а ирча йара шолгIа а, кхоалгIа а буйсанаш. Вуон дара ламанан некьаш. Цига машинаш йахкалур йу бохург хьехочохь а дацара. Тхо царна тIедаха дезара. Шен дегIаца вьодучу стагана сарралц бан а боцу некь оха шина дийнахь бира. Дийнахь меллаша дIаоьхура, суьйранна, цхьанхьа туп тохийта, гуонах ха а хIоттадой, совцадора. Тхан некь лекхачу дукьаца охьа бара. Ткьа дукьаца кьаьсттина а шийла хуьлу. Цхьана минотана а оха дог ца дуьллур тхаьш тхайн хIусамашка йухадерзор ду бохучух. Амма кхоалгIачу буса йаьхкина тхуна тIехIиттира тIехула гатанаш тоьхна йолу америкски студебеккерш. Царна тIе а дохуш, герггарчу станцеш-

ка а дигна, даьхний дIасалелочу вагонаш чудоьхкира. Уьш хиллера тхуна кечийна. Ши этаж полканаш йеш. ХIор а вагонна чу – тIекIел 20-25 доьзал. Шайн сал-палца цхьаьна. ТIаккха болабелира и Iазапан бежа некъ. Де-буьйса далале, цхьа хьожа хIоьттира чу. Дийнахь цкьа-шозза бен чура ара ца довлуйтура. Йуьстах ваьлла дан дезачу гIуллакхо бIарз-дора адамаш. Арахула дIакъевлина неIарш дIа ца йоьллура, хьо леш валлахь а. Бовха кхача хьехочохь а дацара. ДогIмаш, тIера бедарш бехийеллера. Мезаша хьийзадора. Йукъа йаьр-жира цамгарш. Дедда йукъа цхьаццанхьа эрна арахь эшелон сацийча, вагонаш тIера охьадохура беллачийн декъий.

Новкъахь сиэцарш дукха хуьлуш, цхьана батте девлира тхо схьа ца кхочуш. Цхьанхьа станце кхочуш сатуьйсура цигара мукъана а тхьаш йуха цаIа дерзоре. Амма, шуна гуш ма-хиллара, ца дерзийра. Цхьа шо а кхечи, тахана-кхана цаIа доьлху бохуш. Шо кхечи нохч-гIалгIайн халкъ дуьненан карти тIера дIадаьлла, тхан ненан маттахь йоза-дешар доцу, радио чухула дош ца хеза, тхох лаьцна зорбанехь дош ца олу. Амма оха диканах дог ца дуьллу. Тахана шо кхьаьчча а, цаIа ца диги тхо. Кханенга сатуьйсуш, цо диканиг дохьур ду бохуш, цунах маслаIат деш, лийриг а ле оцу нана-даймахке сатуьйсуш, цуьнга кхойкхуш. Цо собар, хьуьнар луш деха тхо. ДогIур ду и де, мацца деана а. Цунах тиэша со. Тхо дерриге а тиэша...

Льмин хабар чекхделира.

ЦIераца дIа когаш а хецна, тIулган цIенкъа гола а гIюртий-

на, куйга тге корта а биллина, Ломин хабаре ладоггуш тев-
жина Іара Берса. Йуьхьанца цунна хезара и кьамел дерриге а.
Биэндоцуш ладоггура цо цуьнга. Наггахь, йуккье члеш хьо-
взадой, цге марса а йоккхуш, накьостийн йаххьашна тгеху-
ла бляьрг кхарстош, цара и кьамел тге муха оьцу а хьоьжуш,
Іуьллура иза. Амма, дукха хан йалале, шен ойланца иза ша а
вахара генарчу даймахка. Цо ша а ойланца карладохура оцу
ирчачу дийнан сурт. Хлоьттина ши бляьрг цлерга а боьгІна
Іуьллучу цунна цхьа набарха санна хезара хьеха чохь гІай-
гІане доьлху Ломин кьамел. Ца хаалора шийлачу тІулгаша
шелбина агІо тхьус булуш а. Ца гора Юрин а, Адашбайн а
бляьргех леша сирла хиш а.

Ломин хабар сецча, шен ойланех цлеххьана самавелира
иза. Хьалха санна, арахь тедеттара шийла догІа. Даккхийчу
тІадамашца ладарш Іено хьехан тхевнаца хьалха дІакхевди-
на тІулган йоккха экьа йоьлхуш санна хеталора. Хлоьттинчу
тийналлехь хезара Юрас уьйзу са а, Адашбайс ден кьора кь-
урдаш а...

ІХ

Хлетта йолайеллера шолгІачу сменин занятеш. Хезара
классашкахь урок хьоьхучу хьехархойн кьамел, бераша лун
жобпаш а. Арахь ца соьцуш, шен кабинета чу а вахана, охь-
ахиира Николай Кузьмич. Дешаран шеран кхоалгІа четверть
чекхйала герга йара. Хьехархойн урокашка эха а, царна бал-
ха тгехь гІо дан а дезара. Амма Николай Кузьмичан дог ца

догТура тахана хТумма а дан. Баккъала аьлча, ши-кхо бутт бара иза кху школехь цхьа а хТума кара ца догТуш лела. Колхозехь парторг волу иза йуьртан а, колхозан а гТуллакхаша ца вуьтура шен балха тЕверза. Цо жоп ло оцу йуьртахь хуьлчу муьлххачу а гТуллакхах. Иза дика кхетара шена тЕхь лаьтгачу жобпаллин декхарх. Теман зама ма йу хТара. Тлом гена малхбузехь беллахь а, хТара а йу шатайпа фронт. Къинхъегаман фронт. Тылан балхах дозуш ду толамман гТуллакх. Покровка-м лаьмнашна йукъа а йахана лаьтташ цхьа йурт бен йац. Амма къинхъегам, низам а хила деза массо йуьртахь, массо кЮтарахь, хЮр а бригадехь, фермехь, цхьа стагша бен воцчохь а. Дерриге – фронтана, дерриге – толамна иза йу партин а, халкъан а лозунг.

Амма хала ду-кх. Кху шарахь колхозан Iaьнна докъар кЕзиг кечйелла, Чекхйала герга йу иза. Ткъа Ia хИинцалцчул а дахдала ойла хилла ду. Докъар, кхоош, йухаозоро гЕлдина колхозан даьхний. Халачу хьоле довларх лардала гЕрташ, йуьртарчу хЮр а доьзало Iaьнах даккха колхозан цхьацца сту йа говр шайн-шайн цIа а дигна кхобуш ду. Уьш дикачу дилхалахь Iалашдан деза. ХИинцца тЕкхочур йу бIаьсте, тIаккха оханаш дан, йалташ дIаден андий стерчий, говраш ма йеза. И хууш лела колхозникаш. Цхьадика, бIаьстенна ден хIу а кхоччуш долуш ду. Iaьнна кЕл йалта а дIадаханчу шарахьчул шозза алсам дийна. ГТуллакхаш дукха ледара-м дацара кхузахь, амма дагна синтем бац-кх. Цуьнан садууш деккъа ши хТума ду: тIом толамца сихха чекхбаларе сатийсар а, кху-

зарчу нохчийн кхоллам а.

Николай Кузьмича гайглане баьрг кхарстийра чухула. Дерриге а хьалха санна ду. Цуьнан белхан стол, пуржинаш ара а лилхина лаьтта тиша диван а, диъ глант, те книгаш йобьттина лаьтта этажерка а. Пена тера схьа цуьнга хьобжу Ленинан хьекъале ши баьрг. Суьртана лахахула датоьхна дуьненан политически карта.

Цкъа ойла хилира цуьнан, йуьртсоветехула а ваьлла, колхозан конторе ваха. Амма арахь тедеттачу доглане мало йойтура. Ишттачу кхоьлинчу дийнахь карзахйолу цуьнан сакхат ност. Оцу настаро цунна дагавайтира Маил. Таьххье баьргашна хьалха схьа йобьтира цо хинцца дахьажийна миска ши зуда. Ткъа маса беннаш хир бу уьш оцу хьолехь! Хьанна хаь, Казахстанан доза доцчу шуьйрачу аренашкахула, киргизийн лаьмнашкахула, дуьне мел ду а дасабаржийна нохчий цигахь мича хьолехь бу?...

Хлаь, нохчашка хьобьттинчу хьоло сагатдора цуьнан. Меттигерчу бахархойн шайн ценош, бошмаш, кертахь а даьхний ду. Уьш цхьа а дац нохчийн. Даймаккаца цхьаьна цаьргара дадаьккхира эзарнаш шерашкахь кхоьллинарг дерриге а. Дерриге а дадахнарг а, техиндерг а. Царна го дан ницкъ бац колхозан. Баьста даден дитина ху царна декыйла а йац. Цул сов, баьстене даьлла колхозан йалта кезиг ду. Дерриге а – ши тонн. Цунах цхьа буьртиг а меттигерчу бахархошна дала йиш йац. Иза дерриге а нохчийн доьзалшна хьажийна дитина цара. Иштта бу колхозникийн йукьарчу гула-

ман сацам. Амма ма клезиг ду-кх иза ткъа доьзална. Ткъа уггар хьалха хуьлуш болу мукх тебан хинца а биь бутт хан йу. Йерриге а дегайовхо пачхьалкхан гоьнна теийрзина. Цхьа бутт хьалха дуьйна хаам хиллера, нохчийн хор а доьзална шайн бахам меттахотто гоьнна пачхьалкхо ссуда а, кхаба цхьацца бежана а лур ду аьлла. Тяхула те, районан куьйгаллин дехарца, лакхара охьа дош делла кху районерчу нохчашна син царех лун паек алсамйаккха а. Амма генадаьлла-кх и дерриге а. Тахана кхайкхина районе йигна Анастасия Федоровна оцу хьокъехь йигна хиларе догдоху йуьртан куьйгалхоша.

«Амма, дерриге дуьне шайна да а делла, миччахьа а цханхьа баха охьаховшорах, нохчашна гур бац и бахам а, шаш хьогьу дика а. Царех хораннан а дага тыхь ирча, луьра чов йу, церан дегнаш лозу. И чов йу дийначу халкъан дага тыхь. И чов йерзалур йац лоьрашка а, ахчанца а, дохнашца а. Кхузарчу бахархоша догъэцаро жимма маслаат до церан лазамна. Амма лазар датуьйр дац, оцу те муо хьаьвзар бац, уьш биначу лаьмнашка йуха ца берзийча. Цигахь ду церан дарба», – ойла йора Николай Кузьмича.

«Хун бехк баьлла царех?» – лерехь декара оцу дуьззинчу шарахь хаддаза цуьнан хье охкуш долу хаттар.

Хаац... Хаац... Оххай, мел дукха ду-кх цунна кьайле хилла дисина гуллакхаш!

Карлайуьйлура кьона хан, студенчески шераш, эскарехь гуллакх деш хилла машаре шераш.

Университетски аудитори. Иза а, кхин а бѐннаш а студенташ ладоьгуш бу гѐраваьллачу профессоран лекцега. Царна веза, цара лъору и профессор. Иза дика стаг ву, цо берриге а шен ницкъ а, хаарш а схяло къоначу тѐаьхьенна. Иза коммунист ву, партин тешаме кѐант. Иза иштга хиларх шек вац цхьа а. Амма цхьана дийнахь и профессор балха ца воьгу. Ца воьгу шолгѐачу а, кхоазлагѐчу а дийнахь. Таккха царна хеза иза... партина дуьхьал, даймахкана йамарт, халкъан мостагѐ хилла бохуш.

Хьовсийша цкъа? Ма ювдал а хилла уьш! Денна шайна хьалха лекцеш йоьшуш, шайца къамел деш хилла и къоьжа профессор халкъан мостагѐ хилар ца хиьна царна! Делхьа, ма хууш хилла цунна шен йамарт дог лечкъо, ма саьхьара стаг хилла иза. Империализман агентуро ѐамийна хилла-кх!

Кхин. Паларчу берриге бахархошна дика вевза республикин, партин куьйгалхо. Шира большевик. Паччахьан тюрмехь а валлийна, ссылкехь а ѐамийна. Амма иза кхеро, цуьнан дог-ойла харцо ницкъ ца хилла цкъа а. Кхаа а революцехь дакъалаьцна цо. Шен берриге ницкъ дѐабелла цо советски пачхьалкх чѐагѐйран дуьхьа. Мацахлерчу слесарх хѐинца гѐраваьлла партийни а, пачхьалкхан а деятель хилла. Цхьа а шек вац цуьнан дерриге дахар тѐехь цхьа а томмагѐ доцуш цѐена хиларх.

Амма цхьана дийнахь, юьйранна хьала а гѐвртина, шавш ураме бевлча, царна хеза и шира большевик халкъан мостагѐ хилла бохуш.

Оцу цхъана шарахь «Юрабоху» эзарнаш «халкъан мостагIий», «адмашдайъархой», «империализман разведкин агенташ». Лецна, следстви чекхйаьлла, тоьпаш тоьхна. Уьш цабевзарш теша и таIзар нийса дина хиларх. Амма уьш хIоре а герггара бевзаш, цаьрца бехха хала некъ биначу накъосташна хаьа шен-шен накъост бехке воцуш хIаллакьхилар. ХIаьа, шен-шен накъост, доттагI, гергарниг. Цабевзачарна тIехь дина таIзар нийса хиларх теша. Ткъа цуьнан бехкбоцу накъост, доттагI, гергарниг бехкевеш гIалатло йалийтина пачхьалкхна кхерам цахилийтاران органаша. ХIун дийр дара ткъа. Революцин дуьхьа шен дахар дIадала реза ма вара иза даим а. Иза-м мичча хенахь а вала реза ма вара партин, революцин, халкъан, даймехкан дуьхьа. Иза хIаллакьхилла. ХIумма а дац, эзарнаш халкъан йамартхойх парти, даймохк цIанбеш, иза хIаллакьхиларх. Цундела, парти а, советски пачхьалкх а кхерамах кIелхьарйаьлла.

Иштта ойланаш йора «халкъан мостагIийн» накъосташа, доттагIаша, гергарчара...

Иза хетара хIетахь Николай Кузьмична а. Иза тешамза ваьллера адамех, Iилманчех, партин, пачхьалкхан куьйгалхойх, тIеман начальникех. «Хьанна хаьа, хIара халкъан мостагI, империалистийн агент велахь а?» – даг чу обхура, цхьаь гича. Иза йуьхьанца дара. Амма и «шпионаш», «адмашдайъархой», «халкъан мостагIий» дукха хила боларо, цуьнга а ойла йайтира. Амма хеттарш дар, оцу гIуллакхан кIорге гIертар кхераме дара.

Бехке ца хилча, прессо даррехь бехке бийр ма бац уыш. Сталинна дика хуур ду. Иза гIалат волийла ма дац,» – олий, ша-шена маслаIат дора цо.

XIетахь-м къона вара Николай Кузьмич. Цуьнан-м хъекъ-ал а дацара оцу гIуллакхийн кIорге кхиа. Цул тIаьхъа бар-хI шо даьлла. XIетахь дуйна схъа массо а агIор кхийна иза. XIинца иза ленински коммунистически партин член ву. Цунна лаъа коммунистически партин сий халкъана, дуй-ненна а хъалха цIена лардан. Иза хIор а коммунистан сий-лахь декхар ду. Цундела йо цо оцу гIуллакхийн дукха ой-ла. Мел ойлайарах а, иза тIаьхъакхиац кавказски халкъашна тIехь диначу таIзарна. Нагахь бархI шо хъалха йукъ-йукъара лъцуш бIе эзарнаш нах хIаллакбеш хиллехь, хIинца дийн-на халкъашна тIехь таIзарш дан долийна. Цхъана дийнахь – миллионашна. Царна йукъахь бу зударий, бераш, къена нах. Партина, халкъана, даймахкана даккхий гIуллакхаш ди-на нах а. Граждански а, хIокху тIеман а турпалхой а. Дийн-на и халкъаш даймахкана йамарт хилла бохуш, уыш бехдеш эладита леладо НКВД-н белхалоша. Амма оцу халкъийн бех-ках, царна тIехь йиначу кхиэлах лаьцна цхъа а дош ца аьлла прессо а, ца йаздо литературехь а.

«XIун ду-те хуьлуш дерг? – хоьттура цо шега. – XIин-ца со теша ткъе вуьрхIитталгIачу шарахь хIаллакбина нах берриге а бехке хилла цахиларх. Ткъа махках даьхна халкъ-аш бехке ду бохург-м аьттехъа а дац. Империалистийн аген-турин куьйгашца лелийна гIуллакхаш ду-те уыш дерриге а?

Уьш-м даим бу советийн махкана дуьхьал тIамна кечлуш, цунна цергаш хьекхош. Шаш тIом болабале, шайн разведкин гIюьнца партин, советийн, къаьсттина а тIеман деятельш хIаллакбина-те цара? Блюхер, Тухачевский, Якир, Уборович, Корка, Эйдеман, Фельдман, Примаков, Дыбенко. Кхин мел дукха бу уьш. Амма муха кхаьчна церан уьш хIаллакбан ницкъ? Схьахетарехь, империализман разведкин аьтто нисбелла хир бу партийни, тIеман, НКВД-н лакхарчу куьйгалле балха тасабала. Ткъа Сталинна хууш хилла хир дац и нах бехке цахилар. Харцонна дуьхьал йаздина аьрзнаш, сигнаш цунна тIе кхочуьйтуш хилла хир йац. Ма-йоблххура уьш баккъал а болчу халкъан мостагIийн карайоблхуш хилла хир йу, ткъа цара, уьш хIаллак а йой, Сталинна хьалха харц материалаш хIиттош хилла хир йу. Ткъа Сталин царах теша ма веза. Массанхьа массарна а тIекхийна вер ма вац иза...»

Николай Кузьмич, доккха са а даьккхина, хьала а гIеттина, коре вахара. ТIедоблху догIа жимма лагIделлера. Малхбале айъайала гIерташ гора. Генабоццуш басахула чу кешнашка-ра охьабогIучу гIашлойн некъа меллаша охьавогIура цхьа воккха стаг. Иза Iабдул-Iаьзам ву. Ша балхара цIа вогIуш и серий цо хIунда кхобхьу а хаьара Николай Кузьмична. Цо динна тускар ду Мария Петровнин дукха хьомсара лелош. СовгIатна Николай Кузьмична а белла цо ша бина нохчийн Iайг. Говза куьйгаш а, хьекъале корта а, къонахаллех дуьзна цIена дог а, озда дегI а ду воккхачу стеган.

Амма...

«Амма, хІунда ваьккхина и воккха стаг махках? – хобтура цо шег, воккхачу стаге а хьобжуш. – ХІан, партийни, советски, тІеман куьйгалхой-м империалисташа шайна пайденна хІаллакбайтийтина хила а тарло. Ткѳа и миска халкѳаш махкахдахарх хьанна пайда хир бара? Пайда, пайда... Хьанна хаѳа, кхузахѳ а хила тарло империалистийн лехамаш. СССР-н халкѳийн доттагІаллех, цѳѳабарт, цѳѳанийса бакѳо-наш, дахарехѳ цѳѳа Іалашо, цѳѳа идеяш хиларх ца йоллу ткѳа советски пачхѳалкхан йохалун йоцу чІагІо? И барт, и доттагІалла, и цѳѳаалла йохаре сатуьйсус, даррехѳ а, кѳайлах а цуьнан бух ахка гІерташ бац ткѳа империалисташ? Шайн куьйга масех кѳоман автономи а йохийна, и халкѳаш махках а даьхна, бехк советски Іедална, коммунистически партина тІе а теттина, изий, важий дуьненна хѳалха сийсазѳан Іалашо йолуш дина-те цара иза? Йа советски халкѳашна йуккѳе мо-стагІалла дожо Іалашо йолуш дина-те? Йа гитлеровски фашизман гІаддайначу муьрехѳ и кѳаьмнаш махках даха меттах а хѳадина, советски эскарийн букѳа тІехѳа гІаттам хилийта Іалашо йолуш дина-те? Кѳастийнарш а ду, шайн исторически дІадаханчуьнга хѳаьжча, тІе бехк кхолла а, оцу бехках кхин долу халкѳаш теша а атта дерш. Итганнаш шерашкахѳ паччахѳан Россина дуьхѳал кѳийсам латтийна нохчий. Мацах цкѳа оьрсашна тІехѳ олалла латтийначу татарех, монголех схѳадевлла балкхаройн, кхарачойн, гІалмакхойн халкѳаш а.

... ХІан-хІа, оьлайарх тІаьхѳакхуьур вац оцу гІуллакхна.

Корта хьербер бу. Амма оцу харцонна бежкениг милла велахъ а, ша дагалаьцнарг цуьнан кхочуш-м хир дац. Дуьненахъ ницкъ хир бац советски халкъийн барт, доттагІалла, цхъаалла йохо, халкъан партега болу тешам байъа, и шиь вовшахкъ-асто, партин сий дайъа. Партис шен съездехъ, шен ЦК-н пленумехъ ца хІогтийна, ца чІагІдина уьш махкахбахаран гІуллакх. Амма, мацца а цкъа, и харцо нисйеш, и гІуллакх дийцаре дуьллур ду съездехъ. ОххІай, ма чІогІа а дуьйцур ду, ма неІалт а кхайкхор ду бежкеволчунна. Къаьмнийн хьокъехъ йолчу ленински политикин толаман деза де хир ду иза. Цунах теша со а, со санна долу миллионаш советски адамаш а!»

Николай Кузьмична ца хаъара нохчий а, гІалгІай а махках бохуш йиначу операцина тІехъ куьйгалла динарг Сталинан уггар тешаме доттагІ, гергара накъост, «халкъан сийлахъ кІант» Берия хилар.

Больницера араваьлла Іалха цхъа сту боьжначу салазахъ дакъа дохьуш вогІучу Іабдул-Іаьзамна а, гІиргазойн воккхачу шина стагана а тІенисвелира.

Іабдул-Іаьзамна хазахийтира Іалха гича.

– ЭхІ, ма дика ду-кх, Іалха, хьо тІенисвелла. Миска Аюб ву оха ца валориг. Лома кІел некъа йистехъ велла карийна хІара. ДІаволла накъостий мичара хир бу-те бохуш, ойла йеш вогІура со. Цхъадика, Муса а ву хьобца-м. Вадал, чехкка, миччахъ велахъ а, схъакаравай, Межед а, Јела а схъавалавел. И шиь воцург, кхин дегІехъ ницкъ болуш боьрша стаг вац йуьртахъ. И шиь охъавожахъ, айса хІун дер хаац. Льма а,

Берса а лаха. РогГана каш доккхур аш.

Аюбан ши кІанттий, ши йоШий дара. КІентий – зударий а, доьзалш а болуш, шайн ков-керт йолуш, ткъа йоІарий – луларчу йарташкахь марехь. Гуьмсехь эшелонаш тІе бо-хуш, цхъацца эшелонна тІе а баьхна, вовшахкъаьстина доь-зал а. Ши кІант Ош областехь цхъацца районошка нисвелле-ра, ткъа ши йоІ мичахь йу ца хаьара. Ши бутт хьалха хІусам-нана а йелла, ша висинера Аюб.

Кху йуьртахь гІиргІазойн цІенош билггал дара. Поппаран хьокхамех доьттина пенаш, легІана, цхъана агІор хи додуш, латта тІетесна тхевнаш. Цхъаццанийн цІа чохь пенаца хьала шуьйра товха хуьлура, ткъа дукхахболчара, цІенкъа йуккъ-ехь кІаг а боккхий, оцу чохь цІе а латайой, цунах алу йаь-лча, гуонаха мотт буьллий, когаш корехьа а болуш, цунна гуобоккхий охьабуьйшура. ЦІенкъа йуккъехь йогучу цІеран кІур, цІа чухула гуо туьйсуш хьийзий, тховх дитинчу доккха-чу Іуьргехула араболура.

ЦІа арахула а, чухула а поппарца кхарта-муртане хьохура, амма йа кир а, йа кІир а ца тухура. Колхозаш йахккалц хІок-ху Покровкера дукхахболу гІиргІазой йарташкахь ца бехаш, лаьмнашкахь четарш детташ, шайн жашца цхъанхьара кхе-чахьа кхелхаш, леллера, цундела дара церан цІенош иштта мух-мухха а дина.

Аюб чувахьале, цІа чуьра хьал муха ду хьажа чувахара Іаб-дул-Іаьзам а, Іалха а. Аюбан йоккхачу стага, пенаш шардеш поппар хьаьхна, можа гІум хьаькхна, цІена дара цІа. ЦІен-

къа а поппар хъаькхна шера йара. Товханахъ кху тѳаьххъарчу дийнахъ-буса цѳе ца латийнера. Схъахетарехъ, цѳе лато дечиг хилла хир дацара. Цѳенкъа дуткъа чкъор деш ча а даржийна, оцу тѳе тесна цѳена къорза истанг а, кенийн гѳайба а, баьрч-чехъ дѳалеѳна шиъ боьзан йургѳа а, дуьххъехъ хѳоттийна гѳайчу таѳѳна цѳестан кѳудал а, тас а, гѳуммагѳа дара. Тесахъ кѳез-зиг хи а дара. Схъахетарехъ, Гуьйранна ламаз эцча дѳакхосса-за дисинера иза. Ши-кхо кхийра кад а, дечкан ѳайгаш а дара терхи тѳехъ. Кхин бахам бацара гуш.

– Хѳусамнана йеллачу хенахъ, хаза куз бара хѳокхеран, – эѳира ѳабдул-ѳаьзама ойлане. – Йуучух боьхкина хир бу мис-кано.

Дакъа цѳа чу а деана, истанга тѳе охъадиллира цара. ѳабдул-ѳаьзама, тѳе а вахана, кѳудал дѳасаластийра. Иза йаьсса йара.

– Сарыбай, шуьшинна болх ло ас, – вист ца хуьлуш, дехъо лаьтгачу шина воккхачу стагана тѳевирзира иза. – И шун кхазан олу боккха йай беца хи дохдан. Цъанхъара карабай, ара дѳа а хѳоттабай, и буззий хи дохде. Хи дан хѳара кѳудал йу шуна. Дечиган гѳайгѳа а бе. Хѳокху кертахъ чѳеш дац. Хъо соьца дѳавола, ѳалха.

ѳабдул-ѳаьзаман цѳахъ берриг гѳирс бара велларг лийчо. Цо ша леррина кечдина дакъа тѳедуьллу у а, миччара даьхнехъ а, сабанаш а, ша кѳадинах тегна каранаш а, стаммий, луьста цергаш йолуш маѳанах йина коьртах хъокху гѳиргѳазойн йехк а.

И гІирс бохьуш йухавеъча, Аюбна тІера бедарш дІайаха вуьйлира и шиъ. Амма уьш дІайохуш дукха къахъега а ца дийзира. Дерзинчу дегІана тІейуьйхина чу бамба буьллуш аьхна тужурка а, хеча а, когахъ тиша неІар-мачаш – и дара дерриг веллачун духар.

– ХІинца, Делан дуьхъа, хІара Аюб лийчор ву-кх вайша, – элира Іабдул-Іаьзама, азелла, массо даьІахк тІейаьлла дакъа уьнна тІе а диллина.

Іалхина хаъара Іабдул-Іаьзама велларг лийчош йехк хІунда лелайо. ХІара таханлера болх денна бохург санна бан безачу Іалхина дукха гинера модаша а, мезаша а дуьзна декъий. Мезий хуьлура коьрта тІехъ, цкъоцкъамашна, можана, мекхашна йуккъехъ а, чу-кІелахъ, чо мел баьллачохъ. Уьш, и йехк хьобкхуш, дІадохура, цунах а гІуллакх ца хилча, цхъацца йолу меттигаш уьрсаца йаша йезаш нислора.

Цхъадика, Аюбан дакъа оццул ирча дацара. Ша мел мацалла вуон хьобгуш хиллехъ а, ламазна дегІ цІена лелийнера цо.

– Дуьненахъ адамашна лело сийлахъ а, хала дерг – оздангалла йу. ДегІан а, син а оздангалла. Ша мацалла мел доккха Іазап хьегнехъ а, дегІан а, син а оздангаллех ца вухуш, Далла дуьхьал ваха хІара. Цхъаьнгте а шегара бала ца балхий, цхъаьнгте а йеха а ца ваха, цхъаннен а рицкъанна тІе куьг а ца даьхьи. ДегІ цІена а лелий, ламаз-марха а ца дити. Миска, цхъанхъа шен йийбарх цхъа хІума а йобькина, и цхъа кад хъаьжкІаш йохьуш вогІуш, кхелхина. Дала гечдойла хІокхун-

на!

– Кху чохь йисинчу хІуманашна хІун дийр ду? – хаьттира Іалхас. – Кхузахь хІокхуьнан гергара стаг а ма вац?

– Цхьа аьтто боц-боцчарна хІокхунна а, доьзална а тІера сагІина дІалур йу-кх.

Лийчийна дакъа истанга йукъа а хьарчийна, боккхачу ме-ха тІийриг йоьллина, гена-гена маха а боккхуш, истанган йи-стош дІатийгира Іабдул-Іаьзама.

– ХІан, Аюб кийча ву-кх хІинца. ХІара Іазап хьегна ваьлла декъала да а ву. Сарыбай, салаз уьйтІа озайел!

...Тезет, кадам... уьш дІадевллера хІокху тІаьххьарчу ма-сех баттахь. Веллачунна КьорІан дешар, зуькардар, сагІад-аккхар а дагадогІучохь а дацара. ХІинца хІара Аюб санна, лийча а вой, истангна йа йургІанна, йа одеялна йукъа а хь-арчавой, шина-кхаа стага дІахьой, дІавуллура. ГІо дан и ши-кхоь стаг воцуш, зудчо – майра, нанас – бер, йишас – ваша, берийн гІоьнца, йа ша салахь тІехь, йа ги а тухий, йа лами тІе а вуьллий текхош кешнашка а вуьгий, цхьа ах метр кІор-га каш а доккхий, тІехь йеса а, заІам а ца доьшуш, белларш дІабухкуш меттигаш дукха нислора гондІарчу йарташкахь.

ХІара Іабдул-Іаьзам дІаваьлча, хІокху Покровкехь болчу нохчашна а изза хир ду.

Хьалххе кхуза веанчу Іелас а, Межеда а, Мусас а цхьа ме-тар кІорга каш даьккхинера.

Кошан коьрте йоьгІначу дечигна тІе Аюбан цІе йазйира. Цуьнан ден цІе цхьанне а ца хаьара.

Тлаккха Iабдул-Iаьзама, дагахь йеса а, заIам дешна, доIа дира.

XIокху Покровке нохчийн ткъа доьзал балийна. XIинцале кхузахь шовзткъа сов каш ду...

X

Iуьрта йистехь, кхечарех къаьстина, буо санна, гIийла го цхьа цIа. KIезиг ча а тухуш биначу поппарх доьттина, цкъа а хьахаза долу цуьнан пенаш гуобаьккхина этIа, мохана дуьхьало йоцуш ду. Уьш къарздина тIедиттинчу гIийн хьокхамаша. XIинца а ду уьш масех цхьана пена тIелатийна, хазза⁷ дакъадалаза. Tе латта а тосуш, легIана биначу тхов тIера дика охьа ца хьоду хи. Цо тIейелхийна тховн йистеш эххано ка диттича санна йу.

Аннаш херадевлла тиша неI схьайиллича, боданечу жимачу цIа чу волу. Цхьа долчу цхьана коран шина бIаьрган ангалеш а дац. Уьш доьхначу теIийна тиша тIелхигаш йу. Чохь гуш йац мотт-гIайба а, кад-Iайг а. Мел стомма а стаг чухула паргIат хьала а валалур волуш йолчу товханан шуьйрачу туьнкалгехула охьадеттачу догIанна кIел лата ца туьгуш, кIур туьйсусш сийса тIуьна гIий. Гобаьккхина чухьобкхучу мохо арабала ца буьту кIур чухула го бохуш хьийза. Цо Iарждина пенаш а, тхов а, сегIаз хьаьккча санна, лепа.

Оцу чухула дIа неI йолу дехьара цIа цIена а, мелла а чохь йийбар йолуш а у. Цхьаь бен кор дацахь а, и ша дерриг анга-

⁷ Хазза – дика, кхочуш

ли диллина ду. Поппаран терхешна тлехЮттийна масех пхьегла йу, хьарчийна маьнги тле йобьтина мотт-глайба, пешахь йогуш йоккха це а.

Ткъа дуйххьарчу боданечу ца чохь, цхьана маьПехь туйначу ценкьа тесначу истанган беглага тлехь, хьарчийна тиша тужурка гевланга а йиллина, дуткъачу йургланна клел когаш мере озна йуьллуш зуда йу. И адаман овгол бегабора. Хезара вовшехьеттало цергаш. Неларх, корах а чу хьоккху шийла мох этгачу йургланах чекхбуьйлу. Шелло меженаш длахулийан герташ, йургла тлеуьйзу цо, амма а кхечахьа деллалой, ков долу. Сихдина садоьлу. ДегI дегадо. Дегла тлехь хьацар ду, амма цунна шен кийрахь ша болуш санна хета.

– Шеллуш леш йоллу-кх... Везан Дела, хьан болх бу-кх... Дависа хьо дуьненан... Букьа тлехьа йургла тало стаг мукъане а велара...

ХIан-хIа, цхьа а вац цунна орцах вала. Маилан маьхча Асвад эвла йуккье ваьлла, цуьнан зуда Себила а суьйранна бежанаш оза ферме йахана. Товханна чухула охьа циййна тлехьа цхьа ши адам луьйш хеза.

Сихдина доьлу са йуха а озна, йеттало цергаш тлетта а тиййна, Занус ладугьу. Цунна девза оьрсийн а, гиргIазойи а магтахь дешнаш лехьош цхьаьнца къамел дан гертачу Асвадан гIоргIа аз.

«Кхайкха-те со цуьнга? – ойла хуьлу Занун. – Клел мох хьоккхучу йургла таладойтур дара-кх. Йа, хьанна хаьа, сох къа а хетта, шайн чуйра деана, суна тле йургла таса а мегий

цара-м...»

ЙургІанан маъІиг дІа а тосий, корта гучубоккху Занус. Хи чу Іюъттича санна, хъацар доьлла йуьхь. Цунна тІелетта Іаьржа месаш. Кхохкийначу бІаьргаш чохь лепа чухІиттина бІаьрхиш. ОьгІазе шок йетташ, товханна чухула охъахьобкхучу мохо сихха шелдо йуьхьа тІера хъацар. Арара гІовгІанаш дІатоеь.

Занус шен корта йуха а йургІанна кІел буллу. Йуха а уьйриг хилла горгделла цуьнан эгІаза дегІ дегадо, йуха а йетталло цергаш, садеІар чехкадолу. Коьрте цхьа башха ойланаш хьийза, бІаьргашна хьалхахІуьтту бес-бесара суьрташ...

...Генахь йисина йина йурт. Цигара исбаьхьа Іалам. Шкоলেখь доьшуш даьккхина ирсе ворхІ шо. Жимчохь дуьйна цунний, Маилний йукъахь кхоллабелла безам. ЦІеххьана иккхина тІом. ХІетта ткъайасна шо кхъчна Маил шен лаамехь фронте вахар. Зану коьртехь а йолуш колхозехь вовшахтоьхна мехкарийн звено. ТІом толамца чех а баьлла, Маил цІа а вирзина, цуьнца цхьаьна хІусамехь гуттаренна а йаха охъахаа ша сатийсар. Курскана уллохь шена чов хилла аьлла, Маилера деана кехат. Масех бутт баьлча цхьа ност йоцуш, некха тІехь орден, медалаш йолуш винчу йуьрта иза цІаверзар. Шабьшинна вовшийн дуьххьара гина буйса...

Иза дара Занун догтагІ Асет йолчохь. Іасанашна тІе а тийжаш, неІарх чохьаваьлла Маил, дуьхьал хІоттийна лаьттачу гІанта тІе охъа а хиъна, Іасанаш улло пенаца дІа а хІиттийна, вела а къежна, Зануга хъаьжира. Зануна гора шена хьалха

хьйна Iен оза, Iаьржа йуьхь йолуш, Iаьржачу месашна йук-къехь сирделла чобш долуш жима стаг. Маил хийцавеллера. Bаьргаш а бацара, хьалха санна, самукъане. Мел иза лачкъо гIертарх а, царна чохь гIайгIа гора Зануна.

Зану, охьахаа ца кхеташ, ирахь лаьттара.

– Tаккха, Зану, хьан гIуллакхаш муха ду? – хезира цунна Маилан хийцаделла аз. Bаьрхиша тIехула марха тесначу Занун бIаьргашна хьалха шалхадуьйлуро Маилан сурт.

– Хьо йист ма ца хуьлу? – бохура Маила. – Ирахь ма латта, охьахаа.

Зану йоккхайера цIа чохь шашшиннал сов кхин адам ца-хиларх! Шен берриге а ницкъ тIебахийтина, ца йелха гIерташ, къурдаш деш, шеддаш логехь сецадора цо. Амма ницкъ кхачалуш лаьттара. Цунна гора, мацах цкъа самукъане, мо-гаш, каде хилла, ткъа хIинца цхьа ност йоцуш, дуьненан са-мукъанах хаьдда, хеназа къанвелла цуьнан хьоме Маил. XIун дийр ду цо? Хьан хьостур ду цуьнан доьхна дог? Цуьнан-х да-нана, йиша-ваша а дац.

Занус, ша йолччу охьа а лахйелла, шина а куьйга корта а лаьцна, дагна маршо йелира.

– Хьо хIунда йоьлху? – воьхна хьаьвзира Маил. – Йа со дийна цIаверзар хаза ца хета хьуна?

– Маил... Хьуна и лазам болучул, со йеллехьара... Ас хIун де хьуна?...

Зану йоьлхура. Цуьнан дог хьааре ладоьгIуш, вист ца хуь-луш цхьа хан йаллалц Iийра Маил.

– Уьш ма дийцалахь, Зану, – элира цо эххар. – Тюм – тюм бу. Цигахь чов хуьлу, вала а ле. Суна цхьанна хилла ца Ia xIapa лазам. Миллионаш байъина, бойъуш бу. Миллионаш, со санна, заьIап хилла, хир болуш а бу. Ткъа сан ност а, сан са а xIун йу? Со xIаллакьхуьлуш, чекхбаьлла хили белара xIapa къьиза тюм.

Муха йолу а ца хууш, сиха чекхйелира гуьйренан и йе-ха буйса. Цул тIаьхьа ши бутт баьлча, Маиле йахара Зану. Йеххачу хенахь дIатесна лаьттина цуьнан ков-керт цIинйира Занун тIаламечу куьйгаша. Керла бахам вовшахтухуш цаьр-шинна гIо дира доттагIаша а, Занун дас-нанас а. Цаьршин-на-м иэша а ца оьшура и бахам. Шайшиь цхьаьна хилчхьа-на, дерриге а дуьне шайн долуш санна хетара. Моьтттура, ирс шайшшиннан карахь ду, шайна цкъа а, цхьа а тайпа сингат-там, бохам а хир бац. Амма, стага ца лехарх, ца бехарх, ла ца дегIарх, иза ша тIекхочуш хиллера. Иза кхечира, цушиннна кхаьчна ца Iаш, дерриге а халкъана.

...Цемза, шийла 1944-чу шеран февралан ткъе кхоалгIа де. И доьхна деана кхаарин де. Хиндерг массарна а къайлехь лаьтташ бина и бежа цхьана беттан некъ. Генахь бисина Дай-мохк. Мичахь бу а, дийна бу – бац а ца хаьа маьI-маьIе дIа-сабаржийна гергарниш, йуьртахой.

Маилан хеназа кхалхар...

Легашка хорам хIоьгтинчу Занус йуьхь тIера йургIа дIа-тесира.

– Маил... Кхин гур вац-кх суна хьо... Кхин гур вац-кха...

Дех-ненах, йиша-вешех хилларг а ца ха̄а... Массарех ха̄д-
да, цх̄а йиси-кх со...

Зану шен ойланех йук̄ахйа̄ккхира, ч̄ога неI те а ту-
хуш, чувеанчу Асвада. Ша ӯйзу са, шен дего дегI сацо г̄ер-
таш, к̄овлайелира Зану, марваша ца чу веача. Амма Асвад,
кхӯнга вист ца хӯлуш, дех̄а чу велира. Цх̄а̄б шегара х̄ал
хоттуш вистхилча а, шен цамгарна маслаIат хир долуш санна
хетара Зануна. Цӯнан к̄оначу, могошчу дегIана дӯхх̄ара
кхетта цамгар йара иза. Нагах̄ хIара йахлах̄? Дӯхх̄арлер-
чу дийнах̄ а ӯш иштта ида боьлча, тIа̄х̄а хIун хир ду?

Шина ц̄енна йукк̄ера неI йеллайелира. Сех̄а чу ваьлла
Асвад, цк̄а-шозза чухула дIаса а волавелла, тIаккха Зануна
улло ох̄алахвелира. Зануна хааделира цо шен бук̄а тIех̄а
йургIа теIош. Иза то̄бира мискачу зудчунна там бан.

– Зану, – меллаша, цх̄анна хазарна кхо̄руш санна, кхайк-
хира Асвад.

– ХIун бах ах̄, кIант? – йургIанна кIелх̄ара х̄ала а ца
таIаш, жоп делира Занус.

– Дех̄ачу йалах̄а. Хьо̄нга дан к̄амел дара сан.

Асвад, кхин хIумма а ца олуш, шайн ца чу вахара.

Асвад пхийтта шо воккха вара Маилал. Шен деншичин
кIант фронта ца веача, цунна Зану йалош, бахам мет-
тахIоттош а дика х̄ийзира иза. Кхуза сх̄акха̄чча а, хала хан
тIехIотталц Маилан дола а дира цо. Амма, тIаккха кIез-кIе-
зиг хераволуш, эххар а, дIатесира. ТIамех̄ а, Южаллина х̄-
алха а атта ца вуху стаг, амма к̄еллина х̄алха ца вухуш дук-

ха кьонах ца волу. Ткъа Асвад кьонахашца вагарван стаг а ма вацара.

Махкалла а, мацалла а ца лайра Маилан заьIапчу дегЮ. Цкъа узар дина а, цкъа латкъам бина а, шен дагара ца хоуьй-туш, халонех кьурдаш деш, хIара санначу боданечу, тIуьначу цIа чохь салтийн чоина кIел тийна дIакхелхира иза. Цхьа волчу гергарчу цхьана стагах кьаьстина Зану, буо санна, цхь-алха йисира. Кьона нус цхьа йита ца лиира а хаац, йа цуь-нан кьоначу ницкъах шайн ков-кертахь дечу гIуллакха тIехь пайдаэца лиьнера а хаац, цкъа цхьана дийнахь веанчу Асва-да шайн хIусаме дIайигира иза. ХIетталц, урамехь тIекхаьч-ча, а цуьнга чомахь вист ца хилла Асвад оцу дийнахь дуьй-на дика вара цуьнца. Себила цIахь йоцуш меттиг нисйелча, цхьа кана ахьар, йа хьаьжкIаш, йа мукх, шаьш йууш йисча сирла чорпа луш а меттигаш йогIура.

«Кху шийлачу цIа чохь, тIуьначу цIенкъахь, гуьйриг сан-на Iуьллучу сох кьахетта хир дац-те цунна, – ойла йора цо. – Дехьа, довхачу цIа чу а йигна, йовхха чорпа а малийна, маьн-ги тIе йижор йац-те...» ТIаьхье кхин ойла гIертара коьрте. «Нагахь со цаьршинна совйаьлла хилахь? Со иштта цомгаш кIелйисарна кхерабеллехь? Майрачуьнга со арайаккха а аьл-ла Себила балха йаханехь? Дехьа чу а кхайкхина, марвашас со йитахь? Везан Дела, тIаккха со мича йаха йеза! Со хьан-на тIетовжа йеза! Со хьанна хьашт хир йу. Шаьш шайн си-ношна а хIун дийр ду ца хууш бIарзвелла ма хьийза массо а. Суна сайн нах карабаллац, со царна тIекхаччалц кху, чохь

йитахъара...»

Уьйриг хилла коьрте хъаьвзинчу оцу ойланаша Занун де-
гIа тIе хоршин керла чарп тесира. Кегийрачу тIадамашца бес-
нешна тIехула догIанах охъахьоблхура дуьра бIаьрхиш. Са-
дукьо санна, логехь соьцтра кийрара арагIерта йелхаран кь-
урдаш. Амма... амма маршо йала ца йеза делха гIертачу даг-
на? Кийрахь сацо беза, тIехтаса гIерташ, кIеж туьйсу бала...

Зану дехъа чу йогIург хиларх догдиллина, Асвад, йуха а
сехъа чу а ваьлла, цкъа-шозза йовхарш а тоьхна, цунна улло
охъалахвелира.

– Зану...

– ХIун боху ахь, кIант?

– Хьо дехъа чу ма ца йели?

Асвада, цуьнан коьрта тIера йургIа меллаша дIа а тесна,
тIе хъацар тесна догучу хъаьжа тIе шен шийла куьг диллира.

– Хьо йоблхуш ца хилла?

– ХIан-хIа, хъацар ду иза...

– Дехъа чу йалахъа цхъана сахътана.

– Ас хIун дийр ду цигахь?

– Хьобга дан къамел дара сан, – Занун хъаьжа тIе летта
месаш дIахъаькхна, нис а йина, беснеш тIе масазза а куьг хь-
аькхира цо.

Зану меттахъхъайра. Амма, цхъана сохьтехь тIех лаьттин-
чу хоршано чуьра са дIадаьккхина, лозуш гIелделлачу дегIо
аьлларг ца дора.

– Дехъа чу йала гIора дац-кх соьгахь, кIант. ХIинца а хор-

ша тІера йалаза йу со. Айхья аьндерг кху чохь алахья, ас ладугІур ду хьобга...

– Корта вуон лозу хьан? – коьрта тІе йуха а куьг диллира цо, – хьо дехья чу йалайелча, дика-м хир дара.

– Патталур йац-кх со...

– Ца гІатталахь, хІун дийр ду ткья. Кхузахь эр ду ас-м сайна ала луург, – аз хийцира Асвада... – Гой хьуна, Зану, суна ваша а, хьуна хІусамда а иэшаре ца хьожуш, Делан Южаллица Маил дІакхелхина. Мел шена дукхавезарг валарх, висинарг ца ваьхча ца волу. Хенан йохалла велларг а вицло. Стага зуда а йалайо, зуда маре а йобду. Ткья хьо кьона а, хаза а йу. Майрачуьнца цхьана шарахь бен ца йаьхна хьо. Майра веза хан йу хьан.

«ХІан, хІинца хуьлуш доллу со кхийринарг, – даг чу тесира Зануна, – йита а йитина, со арайаккха воллу хІара...»

– Амма маре йаха а, зуда йало а хала хан йу хІара. Ас-м баттахь а, шарахь а тхайца кхобур йара хьо, тІаккха тхуна а кІордо там бу хьо. Кху чуьра оха арайаьккхича тІе йаха меттиг а бац хьан. Хьайн нах мичахь бу а, дийна бу бац а ца хаьа хьуна. Цхьаммо а, кьахетта, тІелоцур ала меттиг а бац хьан. ХІора а воллу шен дегІ хене ца даккхалуш.

Мел леррина ладегІарх, хІинца Зануна ца хезара марвашас дуьйцург. ХІинцале а цунна ша оцу шен йургІанан тІелхигца, чуйаха хІусам а йоцуш, йерзинчу стигланна кІел цхьанхья йобжна Іуьллуш гора.

– Ас хІун дан деза, со мича йаха йеза?! – шен бертаза узар-

ца мохь белира цуьнан.

– КІелхьарйала цхьа некъ бу хьуна, Зану. Хьо соьга йерза йеза...

Шен дегІа тІе кхехкаш долу хи тоьхча санна, йагийна, шен хьаьжа тІе диллина Асвадан куьг дІа а кхуссуш, метта кІегар охьахиира Зану. Цкъа а ца хилча санна, тІепаза йайра дегІа тІера хорша. Мацалла гІелйина овкъаран баса йирзина оза йуьхь, даІ санна, цІиййелла йогура. Цунна гора, мокха цергаш гучу а йаьхна, цхьа кІанцІар жІаьла санна, къежаш, шега хьоьжу Асвад, цуьнан эхь дайна стешха ши бІаьрг а.

Зану шена тІекхета йоллуш санна хетаделла, Асвад шершина йухахилира. Амма зудчун дагахь кхин дара. Оцу йоццачу йукъана цуьнан бІаьргашна хьалхахула хьийзаш чекхдийлира и тІаьххьара масех шо. Школан шераш... шен а, Мамилан а безам... иза фронте вахар, цуьнга ладоьгІуш, цунна бохам хиларна кхоьруш, и цІа верзаре сатуьйсусш, кийра ша боьллича санна, ша текхна ши шо; ност йоцуш иза цІаверзар... Асет йолчохь шаьш цхьаьнакхетар, цуьнга маре йахар; цІера даьхна де а, малхбале цхьана беттан некъ а... везарг кхалхар... Маил веллачул тІаьхьа, зуда цІера масазза йолу,

Асвада шен йина терго...

– Асвад! – дегочу озаца дуьххьара цуьнан цІе йаьккхира Занус. – Хьо ма-варра ца вевзаш, таханналц кху хьан тхов кІел буьйсанаш йаьхна ас. Кху керта йогІучу дийнахь йелла хилла йелара со. Иэьхь ца хета хьуна сан йуьхьа дуьхьал хьажа? Сан цІийнда-х хьан ден шичин кІант, хьан ваша вара.

Цуьнан коша тIе доьттина хи а ца дакъаделла. Хьуна со мила йу моьттура?

Асвада шен йолу-йоцу майралла тIегулуйира.

– Сацайе и хьайн муцIар! – тIечевхира иза Зануна.

– XIан-хIа, Асвад, ас сайн муцIар сацор йац, ткъа хьайни сацор йу. Хьуна хьайн маьхча Маил вицваларх, суна ца вицвелла иза. Вицлур а вац, суо Делан эхарта йаххалц, – Занус шен дага тIе буй туйхира. – Иза-м кху чохь вай, Асвад. XIуна хIун моьттура? Со къона хиларх, цхьана шарахь бен майрачуьнца цхьаьна цайахарх, со майра везаш лела-м ца моьттура хьуна? Со, цIийнда а велла, йиша-вешех а йаьлла, гIаддайна, цамгаро а лаьцна, кху хьайн сени чохь охьайоьжча, ас сайн сий а, оздангалла а йухкур йу-м ца моьттура хьуна? Бакъ дац, Асвад, хьуна моьттург! Сан кийрахь детгалург-м нохчийн зудчун, оздачу зудчун дог, пхенашкахь кхехкарг нохчийн цIена цIий дуй! Амма хьан дог а, цIий а шеконехь ду!

– Сацийта ца боху хьоьга, йилбаз! Цхьанна хозуьйтур ду ахь.

– Хезан шена! Дависарг-йаI, ас, тIе а йаьлла, мохь тоьхча, дуьненна а хезар долуш цхьа лекха лам белара, адамашна маварра вовзуьйтуш, хьо дIакхайкхо! Иэхь хетар дарий хьуна? Дацара, КьорIанора-кх! Иэхь хета йуьхь а, йахь а мичахь йу хьан!

Зану, шен тужурка тIе а йуьйхина, дегочу куьйгашца шен йургIа а, истанг а дIахьарчо хIоьттира. TIаккха, царна тIеху-

ла къевллина бухка а бихкина, уьш шен ги а тийсина, сонехъ
Йуьллу ша дечке лело жӀоммагӀа кара а эчна, арайала кечье-
лира иза.

Асвад кхеравелира. ХӀинца арайалийтахъ, цо-м иза наха-
ла воккхур ву. Цаьршиннан хилла къамел цхъанна хазахъ,
иза велла дӀаваллалц цуьнгахъ безам хир бац цхъана а сте-
ган. Зударшна, тӀехула тӀе, гергарчу зудчунна, йамарт хила-
рал доккха иэхъ ма дац нохчийн. Иштта стаг, тӀулгаш детташ,
къиза вуьш, йуьртах а, махках а воккхуш хилла. Ткъа несана
йамарт хилла бохург дуьйцу хезна а дац. Кхеро йеза хӀара.

– Ахъ хӀун до? – Занун некъ лецира цо.

– ХӀун до бохург, хӀун ду? Арайолу-кх. Кху хьайн йамарт
ца чохъ со кхин дӀа а йуьсур йу-м ца моьтту хьуна?

– Арайаьлла, стенга гӀур йара хьо? Хьюо дагайобхна Iаш
бу-м ца моьтту хьуна нах?

– Дуьне доккха ду. Сайн Южаллина меттиг миччахьа а ка-
рор бу суна. Кху чохъ йалар а сийдоцуш хета суна. Ткъа на-
хах жоп ахъ ма ло. Хьо санна, боьха дац адамаш...

– Ас хьобца йинарг-м забар йарий

– ХӀаь, озда забар йу иза-м!

Ша бохург ца хуьлийла хиьна Асвад ша лелийнарг кхечу
агӀор дерзо гӀоьртира.

– Хьо нах безаш йу бохуш, хезнера суна. Цундела хьо зиэн
гӀоьртира со...

– Зиэьелин хьуна?

– Со тийши наха дуьйцург бакъ цахиларх. Хьайн сал-

пал охъайилла. Вайшинна йуккъехъ хиллачу къамелах лаций цхъана а адаме цкъа а бага ма гIаттайе. Нагахъ ахъ цхъа дош аьлла меттиг хаалахъ, ас аддамна хIума ца хоуьйтуш, са доккхур ду хъан. Охъайахка хъайн гира хIуманаш!

Занун гира йургIа а, истанг а схъадаккха дагахъ, тIе куыкховдийра Асвада. Амма, цхъа гIулч йуха а хилла, Занус, куыг тIехъа а дохуьйтуш, жIоммагIа хъалалецира.

– Сох куыг ма Iотталахъ, ас, диг тоьхна, корта батIор бу хъан! Хъан несалара со дIайаьлла, суна хийра стаг ву хьо. Некъ бита суна!

ОьгIазаллех буьзна, цIе санна, богучу Занун бIаьргаш чохъ бохалур боцу сацам гина Асвад, кIилло йуьстах а иккхина, дехъа чу велира.

Мийра тоьхна неI дIа а йиллина, арайаьллачу Зануна, лергашкахъ дера шок йетташ, дуьхьалкхийтира Iаьнан тIаьххьарчу денойн шийла тIуьна мох.

Асвадан кертара арайаьлла Зану урамехъ йехха лаьттира, ша мича гIур йу ца хуьуш. Хелипат дагайеара. Амма иза йуьртан дехъа йистехъ гена йара. Цига дIагIерта дегIехъ ницкъ бацара. Цхъа-ши цIа дехъа тоьли чохъ Iаш долу бераш дагадаьхкира цунна. Царах воккхахволу кIант Решед дечке баханчохъ цкъацкъа ЗанугIаьрца нислора.

И буьйса оцу берашна йуккъехъ а йаьккхина, шолгIачу дийнахъ

Iуьйранна хъалххе Хелипат йолчу йаха дагахъ, шен мотт-гIайба ги

а тоьхна, новкъа йаьлча, ша хІун до а ца хууш, эвлал арай-елира. ХІор а дІа тосучу гІулчаца дегІ гІелдала доладелира. Гира мохъ беца бацахъ а, амма кийрарчу балано, кІез-кІезиг саттош, букархьовзийра нийса букъ. Цунна ца хаалора цІех-хъана тІеделха доьлла, раз йуьхъа дуьхъал деттало шийла до-гІа, дегІах чекхбуьйлу шийла мох. ДогІанах а ийна, беснеш-на тІехула комаьрша охъахъаьлхинчу бІаьрхиша хІоттийначу дахкаро долчу тІе а кхолийнера цунна и йочане де.

Урамехъ дуьхъалкхеташ стагга а вацара. Массо а шен-шен хІусаме воьллинера цІемзачу дийно. Диттийн дерзинчу гаьн-нашна тІера охъалиэдара догІанан мела тІадамаш. Мотталора, уьш а шеца цхъаьна, къаьхъа бІаьрхиш Іенош, доьлху. Ткъа Зану хъалха дІайоьдура. Цо хІинца тергал а ца бора хатт, ца ларйора когара хІетгалц ша леррина ларйина Маилах йисина хохолаш а. Иза хъалха дІайоьдура, амма стенга йоьду шена а ца хаьара.

Стенга гІур йара иза? Асвада ма-аллара, цхъа а вацара иза шайн хІусаме йаре сатуьйсусш. Вац цхъа а йуьртахо а, гергар-ниш а. Цхъа волу цхъа йуьртахо марваша Асвад а йамарт хили. Мичахъ бу-те бисинарш? Ца хаьа. Хъаьнга балхо беца да-гна Іаьткъина къаьхъа бала? Вац цхъа а.

«Вац цхъа а. Сайн нах лобхуш, бІаьргаша йуьгучухула дІайахча? ХІан-хІа, тІаккха а гена гІур йац. Баттахъ шозза вогІу комендант нохчашка куьйгаш таІадайт. Иза ван ши де бен ца дисина. Куьг таІо шена тІе ца йеача, цунна хуур ду хІара йедда йаханийла. ТІаккха тІаьхъа орца доккхур ду. Йа

орцане а ца хьобжуш, хьалха тлехьачначу милщочо йухайа-
лор йу. Тлаккха, хан тоьхна, Сибрех йохуьйтур йу...

Зану, йуьртал ара а йаьлла, шакъаьстина лаьтгачу гу тле
хьалайелира. Кхузахь нохчийн кешнаш дара. Дуьххьара да-
воьллинчу шинна-кхаанна гевланга хиттийна халла къаь-
сташ тле цераш а, терахьаш а йаздина шога тулгаш дара.
Жимма таьхьобеллачеран гевланга йогина андаган деч-
каш. Царна тера йозанаш тоххара дадайна. Ткъа дисинчу
кешнийн гевлангахь йогина хумма а йац. Тле буц йала а
кхиале, бицбелла оцу баьрзнашна кел берш. Церан таьхье-
наш дайевлла, йа мацаллина юхкуш йу. Белларш дагабогу-
чохь дац дийначийи хьал.

Кешнийн баьрзнашна йуккъехула хьийзаш йобду иза.
Гевланга боьгина гамаран лоха тулг а болуш, таламечу
куьйгаша боккхачу безамца хьаьхначу кошан борзана тлехь
соцу цуьнан ши баьрг. Цигахь давоьллина цуьнан хьоме
маил. Цунна тейогу иза даим а, шена бала базбелча. Кху-
захь Маиле далхадо цо шен дог. Цуьнан баьргех тенначу ме-
лачу хиша кхийина оцу кошан борза тера йушанан корсам.

Зуда цкъа кошан гевланга охьалахло, тлаккха, цхьа дуьхь-
ало хаьдгачу хих тера, цлеххьана мохь олий, барз мара а къ-
овлуш, цунна тейужу. Хан-хла, иза зударийн цогане йел-
хар дацара. Дуьххьара баьллачу маьхарна таьхьа хезара бе-
ха узам. Шен садукьдала доьлча, логе ка а детташ, гайри тле
тесначу черо санна, бага а геттош, йуьхь сенйелла, халла
сауьйзура цо. Дегера ницкъ эшар дара а хаац, йа йелхаро дог

хъайна дара а хаац, амма зудчун йелхар, тӀаьхь-тӀаьхьа лагӀлуш, эххар а дӀатийра.

Йакъайеллачу баца тӀе деттачу догӀано кӀеда татанаш дора. Ши бӀе метр бен гена йоцчу школехь бехха горгали бийкира. Цуьнан зов дӀатен а кхиале, зевне маьхъарий а детташ, школа чуьра арахъаьлхира бераш. Амма Зануна уьш цхьа а гуш а, хезаш а дацара. Цунна ца хаьара, школина уллохула ша тӀехӀюлуш, корах арахъаьжначу Николай Кузьмична ша гинийла а, тӀаккха, араваьлла иза, шена тӀаьхьахьобжуш хӀюьттина лаьттинийла а, хӀинца иза, Iасанна тӀе а тийжаш, оцу догӀанехула кешнашка хьалагӀерташ вуйла а...

«Маил, сан хьоме Маил, ас хӀун де-те? – бохура Занус шабаршца ша-шега. – ХӀунда ца йели Дала вайшинна цхьаьний Южалла? Гой хьуна со, цхьаь бен воцчу хьан маьхчин йамартлоно ара а йаьккхина, тӀетовжа верас воцуш, кху доьхначу дийнахь хьо волчу йеана? Деле со йехахьа, Маил, дӀайигахьа со кху кьизачу дуьненара.»

ЦӀеххьана цуьнан даг чу иккхира воккха стаг Iабдул-Iаьзам. Цхьамма цуьнан цӀе йоккхуш, ша цунна тӀехьобхуш санна хетаделира цунна. Меллаша хьала а нисӀелла, куьйгех летта хьарса поппарш а ца гуш, уьш бистинчу бӀаьргех а хьаькхна, шен йуьхь мажйира цо. Воккха стаг дагавеача, цхьабоккха мохь шен гира охьабобжча санна, сапаргӀатделира цуьнан. Ша а цецйуьйлуро иза хӀинццалц шена Iабдул-Iаьзам дага ца варах. Иза ма ву дан амал доцуш кӀелвисинчун гӀо деш. Цуьнан гӀийлачу хӀусаме ма йобду хӀинца Зану сан-

на, массарех хаьдда йисина зуда, байлахь дисина бер. Зударийн гергарниш лоху, бераш, Едалца гIайгIа а бой, берийн цIеношка дIало. Зануна дуккха а ма хаьа цо дина дика гIуллакхаш. Иза тешна йара шена и нийса некъ Маила гайтина хиларх.

Оцу ойланаша дIалаьцна Iачу зудчун белша тIе цхьамма дайн куьг диллира.

– Ахь хIун до, Зану, кху доьхначу дийнахь кешнашна йуккъе а хиьна? – кIеда-мерза бехкашдаха вуьйлира иза. – Бистина ши бIаьрг, хотташа йуьзна йуьхь, ткъазйевлла бедарш. ХIан-хIа, кхузахь цIанлур йац хIорш. Йало, дIога татолна тIе а гIой, хьайн йуьхь-куьг дила.

Зану, дуьхьало ца йеш, йист ца хуьлуш, татол долчухьа дIайолайелира.

Шена хьалхарчу коше леррина хьежа хIоьттира Николай Кузьмич. Цунна шера девзира Маилан каш. Шина фронтовикна, шина заьIапхочунна йукъахь чIогIа гергарло тасаделлера цига нохчий балийначу дуьххьарлерчу деношкахь дуьйна. Амма цунна ца хиьнера Маил цомгаш хилар а, иза дуьхьалдIа мацалло кIелвитиана хилар а. Цунна ца хиира иза вала воллучу хенахь а. Маил дIавуллучу дийнахь нахаца цхьаьна кху кешнашка веара Николай Кузьмич, амма, баккхийчу нахана ша кешнийл чохьхаволийла ца лаьийла а хиьна, арахьа сецира иза.

– ХIаь, доттагI, декъаза хили хьан Iожалла, – элира цо, доккха са а даьккхина. – «Даймахкехьа! Сталинехьа!» бо-

хуш, шийла автомат хьалха а лаьцна, фашисташна тIе хийла атаке ихна хир ву-кх хьо. Иштта – эзарнаш нохчийн кIентий а. Мила ву-те хьуна а, хьан жимачу халкъана а бохамна харц дош аьлларг? И хаттар ахь дукхазза а дира соьга. Ткъа суна ца хаьара хьуна жоп дала. ХIинца а ца хаьа. Амма, хуур ду. Хено къастор ду дерриге а. Бехкеволчуьнга луьра жоп доьхур ду. Цунах тешалахь... Ткъа хIинца паргIат Илла хьо.

Догдохна Николай Кузьмич, Iасанна тIе а тийжаш, Зануна тIевахара. Йуьхь-куьг дилина а йаьлла, шен йуьхьах йургIанан маьIиг хьобкхуш йоллура иза.

– Гой хьуна, хIинца цIанийели хьо. Дийцал хьайна хилларг.

– ХIумма а ца хилла...

Занун бIаьргаш йуха а хих дуьзира.

– Бакъ дац и. ХIуьу хиллехь, а цхьа цатам хилла хьуна.

Суна цкъа а ца гина хьо иштта гIийла, догдохна.

– ХIумма ца хилла, Николай. Дуьххьал дIа са а гатделла,

Маилан коша тIе хIотта йеанера со...

– Ткъа мотт-гIайба стенна лелайо ахь гихь?

Шен бIаьргех хьаьлхина хиш къайладаха дагахь, карара диг охьа а дожийна, иза схьаоьцучуха охьатаьIира иза.

Цкъа ойла хуьлура цуьнан шена хилла бохам цхьаьнгге а ца бийца. Амма зудчунна кийрахь сецо тIех беза бара цуьнга кхачна бала. Ша иза балхийча, жимма а синна паргIато хир йолуш санна хетара. Ткъа мила ву цул тIаьхьа, Николайна санна, Маил везнарг? Цхьа а вац. ХIуьу хилахь а, дуьйцур ду цо. Амма Зануна Iаламат кIезиг хаьа оьрсийн мотт. Ткъа

цуьнгара бала балхо-х ненан мотт а тоьур бац.

– Чуйаха меттиг боцуш йисина со..., – элира цо, беснеш тѳера бѳаьрхиш пѳелгашца дѳа а хьобкхуш.

– И бохург хѳун ду? Хьо марваша волчохь ѳаш йу, ма элира ахь селхана. Цо ара-м ца йаьккхина хьо?

– Хѳан-хѳа! Нохчийн закон дац хьаша йа гѳаддайнарг а чуй-ра аравоккхуш. Уьш шаш а халла бохкура...

– Ткьа хьан хьайн гергара нах бац?

– Бу. Амма мичахь бу а хаац.

– Хѳаь, хьо-м царах хаьдда лелий. Дицделлера суна. Мичахь бу хиьча а, царна тѳегѳойла а ма дац хьан, – ша-шега луйьш санна, элира Николай Кузьмича. Тѳаккха цѳеххьана, эсала вела а кьезна, тѳе а вахана, Занун пхьарс лецира цо. – Хѳумма а дац, Зану! Чуйерза хѳусам йоцуш а, меца а йуьтур йац вай хьо. Йало, Зану, ийза ма ло. Дика денош тѳекхаччалц оха тхайца кхобур йу хьо. Цхьадика, кху некъехь цхьа уборщица балхара дѳайаьлла тхан. Цуьнан метта балха йохуьтур йу ас хьо. Ткьа хенан йохалла гергарниш а карор бу. Ас дош ло хьуна, мацца а цкьа хьо а эцна хьан нах болчу хьошал-гѳа ваха. Хьанна хаьа, шу-м шайн махка цѳа дерза а мегий. Дийнна халкъ махках а даьлла дукха латта йиш йац. Гур ду хьуна, тѳом чекхбаьлча, дерриге кьасто аьтто нисбелча, пар-тис шаш цѳа дерзош...

Занун йуьхь, ша шен нахана тѳекхаьчча санна, цѳеххьана йекхайелира.

– Маила а олура иза. Ткьа Маил цкьа а харц ца лобра...

– ХІаъ, Маил догцѐна стаг вара. Шена тѐхъ мел кѝза харцо йинехъ а, иза тешара и гІалат нисдийриг хиларх. ХІан, уыш хъехор дац вай. Йала, цІа доьду вайша. Хьо тхан кора уллохула тѐхйолуш а гина, Машас хьо чукхайкха вайитина со.

Занус шен дегІа тѐхула бІаьргаш кхарстийра. Тѐда, хот-таша йуьзна бедарш. Ги тесна тиша мотт-гІайба. ДегІ а дац цѐна. Довхачу цІа чу ма- йеллинехъ, йуха а кІамдала доьр ду иза. Шайшшиь ишколан кевне кхаьчча, Зану сецира.

– Николай, ахъ чІогІа сапаргІатдаьккхи сан. Хайити со цхъа йоцийла. Ас цкъа а дицдийр дац тахана ахъ сан догь-эцар. Баркалла!

– Хьалхе ду ахъ суна баркалла ала. Нагахъ санна мацца а цкъа дерриге а вайн дегнаша ма-боххура нислахъ, тІаккха эр ду вай вовшашна баркалла.

– ХІан-хІа, Николай, хІумма а хьалхе дац. Дуьззинчу шарахъ зийна оха шу. Ткъа хІара хала шо бІешеран новккъа ду. Шайш халонехъ бохккушехъ, кхузарчу цхъаболчу оьрсаша а, гІиргІазоша а, узбекаша а доккха гІо до тхуна. Иза дицдан йиш йац тхан. Ахъ суна тахана динарг доккха вошалла ду. Баркалла хьуна, Николай. ХІинца арайаьлла, ас сайна цхъан-хъа хІусам тариййр йу.

– Муха? Хьо тхобца Іен барт ца хилла вайшиннан?

– Шуьца Іийр йу бохучух гІуллакх хир дац сан. Амма, ахъ со балха йахийтахъ, суна берриге дика болх бинарг ву хьо.

– Ой, хьуна тхобца Іен ца лаахъ, ас школехъ хьайнна Іен

жима ца лур ду хьуна.

Занус гайгане корта хьовзийра.

– Хан-ха, Николай. Со-м хазахета а Ийр йара шуьца. Суна сайна а агта хир дара. Амма шена луург дерриге дан а ца тарло.

– Хунда?

– Ши бахьана ду суна новкьарло йийриг, – Занус доккха садаккхира, – цкьа-делахь, гергара стаг а воцуш йолу кьона со, нохчех да а кьаьстина, йуьстах йаха охьахиьча, наха цхьа эладита кхолларна кхору. Шолгане-делахь, массеран а боцу агтто сайна а лехна, дакьаста а ца лаьа. Массарех хирриг хир сох а.

Николай Кузьмича ойла йира. Занус далийна бахьанаш нийса хийтира цунна.

– Ткьа мичахь Iен йоллу хьо?

– Iабдул-Iаьзам волчу а йахана, цунах дагайер йу со. Хелипатан хIусамехь Iен а мега.

– Iабдулла Iаламат дика стаг ву. Цунах дагайала мегар ду. ХIун ду а хаац, иза гича, сайн да гича санна хета суна. ТIехула тIе, и миска, хьо санна, шен нахах хаьдда висина а ву. Амма цхьа хIума тIедуьллу ас хьуна. Суьйранна тхайца пхьуйьре йар. ХIинца цкьа-м аьшпаш боьттина кIелхьарвер ву со Машас бартбеттарх. Делахь хIета, йуха вайна галлалц!

Зану, да а йолайелла, йуха а сецира.

– Николай, – йистхилира иза халла хезаш. – Ткьа со... со балха маца йола?

– Кхана Гуйрре йогур йу, хьомениг. Цунна сапаргат хила. Дерриге а суйранна дуьйцур ду вай. Ой, маьПаргонна вицлора-кх со! Хьо йогуш Iабдул-Iаьзам а, Берса а валавехьа. Ас а, Машас а, чIогIа дехар деш, кхайкхина, ала. Башха шуна бан там-м бац тхан, амма йерг даккхийдеш лур йу.

...Ткъа стигал, кхоьлина, йухайерза ца туьгуш тIейоьлхура. Некъа йистехула охьадолчу хорша буркъаш туьйсуш, керчаш, хьере хьаьлхина йоьлхура мокха Ювраш. Амма Зануна хIинца ца хаалора и шийла догIа а, мох а. Цхьа сахьт хьалха йазйелла йегош хиллачу настаршна чу ницкъ беанера, ког байбеллера, паргат догура са а.

– Зану! Ца йогуш ма Iелахь! Iабдул-Iаьзам а, Берса а валавелахь! – хезира цунна тIаьхьабетта мохь.

Занун бIаьргех хьаьлхина хиш беснешна тIехь догIанах дIаййра. Амма уьш цхьа сахьт хьалхалера хиш дацара. ХIинца иза йоккхайерца йоьлхура. Муха ца йоьлху? Иза хIинца цхьа йац. Ткъа, хьанна хаьа, Маила ма-аллара, хIинца Николайс ма-чIагIдарра, иза-м цхьана дийнахь шен дех-ненах, йиша-вешех а кхетта, Даймахка цIа йерза а мегий...

XI

Ги тесна тIоьрмиг а, коча тийсина таьлсаш а долуш, берзина когаш тIуьначу лаьттах а бетташ вогу Мансур, лекха гу хадощ, шина берда йуккъехула чекх а ваьлла, гун вукху агIонна тIеваьлча, хьалха гира хIетта сенарш этIо доьллачу стоьмийн дитташа хазийна узбекиьн йоккха йурт.

ШолгIа де ду и шиъ гIаш Наманганера схъавогIу. ШолгIа де а чекхдели. ДIабуза лаьмнашна тIе базбала гIерта малх а. ШолгIа буьйса а тIекхаьчна йаьллера. ШолгIа буьйса хилла а ца Iа цаьршимма некъ бен. Тахана бархIалгIа де ду и шиъ луларчу областера схъаваьлла. Карасура Намангане цIерпоштца веана и шиъ, ткъа бисина бежа некъ берриге а гIаш бина. Бакъду, гIалара аравала а, араваьлча, Караташе боьдучу новкъа вала а ца хууш, Наманганехъ ши де дайна цаьршиннан. ТIехула тIе, дIа ког мел баьккхинчохъ, бакъонаш хобтту. Кхузахъ атта вевза кавказхо. Хьо кавказхо велахъ, нохчо йа гIалгIа, кхарачай йа балкхаро хила ма веза. Хьо царех велахъ, спецпереселенец а ма ву. Ткъа спецпереселенцан бакъо ма йац ша вехачу районера дIасавала. Спецкомендатурин бакъо а йоцуш дIасавалахъ, ткъе пхи шо хан йу хьуна. Иштта ду Молотовс буха куьг йаздина закон. Цундела, дуьхьал мел кхеттачу муьлххачун а бакъо йу хьан документаш хатта а, хьо йуьрта чу ца вита а, йуьртах араваккха а. Амма Матина, Мансуран а карахъ бакъо йу. И шиъ Покровке воьду. Цигахъ ву Матин ваша Халид, цаьршиннан цхьа кIеззиг гергара нах а.

Амма хала ду-кх къеначу Матина хIара гена некъ бан. Къ-аналлина тIе мацалла, цамгийла⁸. Пехашца йовхарш йу цунна. КIелвисина волуш лаьтта. Цхьаммо а машина сацайой ткъа хIара шиъ тIехао? Хьанна оьшу и ши тIуьйлиг? ХIумма а дац! Мухха кхаьчча а, дIакхочур ву и шиъ. Йиша-вешина,

⁸ Цамгийла (диал.) – цамгар

йуъртахошна тЕкхаъчна, йицлур йу лайна халонаш. ХАра а йу-кх и шиъ шайх чекхвийлла иттаннаш йарташ санна йурт. Гомий урамаш. Те латта а тесна, нийса тхевнаш а тохкуш дина поппаран цЕнош. Гуонаха поппаран баролашца гуо къевлина йуъкъа бошмаш. Къаъстгина дукха йу кемсаш. Бакъду, хАра йурт йоккха йу. Тамаша а бу, райцентр йацахъ.

Охъа чухъоъжуш Іачу Мансурна гира дехъа басахула меллаша ког боккхуш йуърта вулуш воллу Мата. Къена велахъ а, иза Іасанна тЕе ца тийжа. Букъа тЕхъа ши куъг а дуъллий, лохха назманан мукъам а беш воГу иза. Наггахъ, саца а соций, бАъргашна тЕехула куъг а лоций, хъалха дАахъоъжу. ТІаккха а дАволало. Цунний, Мансурний йуккъехъ ши километр хиллал некъ бу. И некъ цхъана сохътехъ бина Матас. Иза бАъргана къайлаваллалц хуйй а Іай, тІаккха тІаъхъавоъду Мансур. ХІинца а, иза йуърта вулуш воллуш гича, хъалагЕетина, шен ларчанах тасавелира Мансур. Ларча-м йайн йу. Кхузткъе итт шарахъ дуьненахъ ваъхначу, шовзткъе пхийтта шарахъ къахъегначу къеначу Матина бисина бахам и бу. Наманганехъ жоьлгаша лачкъийна цо оццул леррина Іалашдина духар а: даточу бустамашца кечдина Іаържачу исхарин чоа а, дато доьхка а, хъеса кІужалшца кечийна кІайн башлакх а, бухаройн боьмаша куй а, кІеда ши маьхъси а. Шо хъалха оцу духарца йара детица кхелина шаьлта а. Амма иза хІорш махках бохучу дийнахъ, цхъана майорл хъажийта ло аьлла, Матегара схъа а эцна, шен йукъах йихкира. ХІинца къеначу Матин атталха духар а дац. ИЭттІа, калда а йаьлла кхозу

тӀаьххӀара гӀовтал, аьхна хеча а, тӀергӀан пазаташ а, калош а. Йукъах дихкина гата а... Цхьадика, Іаламо кӀинхетам бина, хӀара денош маьлхе, довха а даьхки. Иштта а ца хиллехь, хӀун дийр дара цаьршимма. НовкӀахь даьхначу денойх дукхахӀолу хан йерзинчу стигла кӀел йоккхуш ма ву и шиь. Милцоша буса вокзалан залашна чохь а ца вуьтура. Чайханщикашна а ца дезара хӀара мезаша дуьзна ши адам. Мезий-м гуш а ма дацара. Матина йовхарийн цамгар йара. Сих-сиха йогӀучу йовхаршца цо дӀатуьйсуре йуккье цӀийн пхенаш а хӀиттина соьзе шат. Йуххедаьккхина лелош даьсса консервин гӀутакх дара цуьнан. И йовхарш йара вокзалехь а, чайханахь а, цӀерпоштан вагон чохь а нахана и шиь совваьккхинарг, цушиннах адам кӀехкарг. Делажь а, дерриге адамаш а ма дац вуон. Адамалла йерш дукха ма бу. Цара дӀатарвора тхов кӀел, рагӀу кӀел. Нагахь, цхьа хӀума а лачкӀийна, вадахь олий, цаьршиннан документаш шайга дӀа а обций.

Сийсара а цхьана маьПаргонна аражь вуьсура и шиь. Цхьадика, йурта йуккӀерчу пхьалгӀин неӀаре нисвелла и шиь пхьеро ша волчу чохь витира буьйса йаккха.

ТкӀа тховса? Хаац, тховса мичажь Іер, хӀун йуур а. Цаьршимма некӀана кечбина мекхан цу а тахана тӀаьххӀара чекхбаьлла. Кхин йохка а, хийца а хӀума йац. Таьлсаш-м ду. Амма, хьанна оьшу уьш?

Лаха чуьра хьала узбекийн иллин мукъам хезара. Герга мел гӀоьрти, Мансурна озах хиира иза кегийрех стаг вуйла. Иштта дан а дара иза. НекӀо голатуххучохь цунна тӀеӀоттаве-

лира вира тЕхъ воГу цул воккхо узбекин кАнт. Тейуьйхи-на кАйн-сийна моханаш йолуш халат, йукъах дихкина цЕн йовлакх, четахъ книгаш. Новкъара нацкъар а ца волуш Іачу Мансурах бІаьрг кхетча, кІентан илии цЕххъана хедира, ткъа тЕкхаьчча вир а, корта сандар⁹ а баьккхина, сецира.

– ХІара хІун йурт йу? – хаьттира Мансура.

– Янги-Курган.

– Ткъа Караташ район гена йуй?

– Дюгахъ, лаьмнашкахъ, – хъала пЕлг хъажийра кІанта.

Иzza олура селхана дуьйна дІа мел хаьттинчо. Мархаш-на а, дахкарна а йукъахъаьрчина го и Іаьржа лаьмнаш гена-хъ а дац, сарале шаьшшиь царна тЕ хъала вер ву моьттура Мансурна селхана. Ткъа уьш, тЕ мел гІоьрти дІахуьлуш сан-на, хІинца а генахъ дара.

– Маса километр некъ бу цига?

– Ткъе итт-шовзткъа.

«Кхин некъахъовзам боцуш дІагІойла хилахъ а, шина дий-на некъ бу-кх, – ойла йора Мансура, кІентан четарчу книгаш-ка а хъоьжуш. – Схъахетарехъ, школера воГуш ву хІара. Ми-лици йуй-те кхузахъ аьлла, хаьттича, хІун дара-те...? ХІан-хІа. Цецвер ву тІаккха».

– Район йу кху йуьртахъ?

– Муха – район? – ца кхийтира кІант.

– Масала, районан берриге хъаькамаш болуш хуьлуш йолу йурт йуй хІара?

⁹ Сандар баьккхина – агІор а баьккхина

– ХІаъ, йу.

«ХІета, милици а йу-кх кхузахъ. ТІекхаъч-кхаъччачо ша-ша бен ца лоцу моътуш, йуъртара аравалале, итгаза лоцуру».

– Дьошуш хир ву хьо?

– Ву.

– МасалгІачу классехъ?

– ИссалгІачу.

«Тхо махках ца даъхнехъ, со а хир вара Михайловскехъ хъехархойн техникумехъ дьошуш...»

– Тахана хІун терахъ ду? – тІаъххъара а хаттар дира Мансура.

– Ткъе кхоалгІа февраль.

– Баркалла хъуна, дІагло..., – йуъстах ваьлла, кІантана некъ битира Мансура. Ткъа кІанта шен вир, шина а чьже кІажаш а таІийна, хълха човхийра. Кегийчу гІулчашца чабол эцна вир бердашна йуккъехъ къайлайелира.

«Ткъе кхоалгІа февраль... Тахана нийсса шо кхочу-кх тхо махках даъхна. Шо кхечи-кх, гойтуш бехк боцуш, йинарг кхиэл йоцуш, махках даъхна, тхо сийсздеш. Ткъа оха, Іовдалчу бераша, сатийсира ворхІ класс чекх а йаьккхина, деша даха. Ас а, Решеда а сацамбинера, хъехархойн техникум чекх а йаьккхина, школехъ болх бан... ХІун хилла-те цушиннах? Дийна вуй-те? Йа, со санна, ги ларча а тоьхна, цхъанхъашха волавелла лела-те?...»

Гуонаха керт йоцуш тесна лаьтгачу цхъана бешарчу лек-

хачу акхтарга кѐл садаІа охъахира и шиъ. Наггахъ стаг а тѐх ца волура цаършинга мичара воІу, стенга воьду ца хот-туш. Оцу цхъана шаро массо хІуманых а тешамза баьхна, се-ма, ларлуш хила Іамийнера нохчий. Цундела, шимма-кхаам-ма шайга и хеттарш дича, сорсаваьлла¹⁰, и шиъ сихха цигара дІавелира. Мансурна ца лаъара районан центрана йуккъеху-ла чекхвала. Карахъ документаш долушшехъ а, сецош, нов-къахъовзам бора цаършинна. Цундела, йуьстаха пебетташ, йуьртан дехъа маьПе а ваьлла, жимочу хин лекхачу тогІина тиллинчу тІай кѐл сецира и шиъ. Кхин дІагІертійла дацара. Цкъа-делахъ, хІуьу таро йина а, жимма мацалла йуха ца йер-зийча ца йолура, шолгІа-делахъ, суьйре герга-гІертара, охъа-вижа меттиг тарйан а дезара.

И шиъ хиьна Іаччохъ лаяттах бухдолуш шийла шиъ шов-да дара. Мата, ламаз а дина, кара суьлхъанаш а лаяцна, ой-ланашка ваьлла дІатийра. Вист ца хуьлура Мансур а. Ца-ършимма кѐлхъарвала некъ лоьхура. Мансур шен ойланех йукъахваьккхира, чучча пхъаьрсаш даьхна, деана, цаършин-на тѐхула тІай техъ сецначу оьрсийн къоначу зудчо а, стага а. Вовшашца забарш йеш, доьлуш деана и шиъ, кхушиннах бІаьрг ма-кхийтти забарш, беларш дитина, лохха къамел деш сецира. Игтех минотехъ цигахъ хІоьттина а лаяттина, цаър-шинна тѐдеара и шиъ.

– Суьйре дика хуьлда шун! – голаш тѐ лахвелира йоьІан накъост. – Шуьшиъ хІун деш ву кхузахъ?

¹⁰ Сорсаваьлла – шекваьлла

– Садоуш, – дегаза жоп делира Мансура.

– Кхузахь садаIа мегар дац. Ца го хьуна тIуно, – лаьттах пелг Iоьттира кьоначу стага. – Кхузахь генайоццуш чайхана ма йу. Ткъех метр дехьахь. Цигахь хаза довхачу цIа чохь садоIийла а, довхха чай молийла а ду.

– Ахча дац тхан...

Стаг а, йоI а вовшашка хьаьжира. Мансурна гира стеган йуьхь кхоьлаш. Цхьана йукьана вист ца хуьлуш а Iийна, тIаккха и шиь мичара вогу а, стенга воьду а аьлла, хаьттира цо. Кхин дIа цуьнан хеттарш совцийра Матина цIеххьана йаьккинчу йовхарша. Адамашна ша жерга хетийла хуучу Матас шена боккха ницкъ бора, уьш а, шат а кийрахь сецо гIерташ. Амма эххар а, ницкъ а эшийна, хецайеллачу цара цуьнан йуьхьа тIера массо пха сенбира. Мансура хьалхалаьцначу гIутакх чу шат тесира цо.

– Ой, воккха стаг цомгаш ма ву! – мохь белира стеган. – Пехашца цамгар йу-кх цунна.

– Хьажийтал гIутакх, – Мансуран керарчу гIутакх тIе куьткховдийра цо. Амма Мансура иза букьа тIехьа лецира:

– XIунда? XIара боьха ду...

– XIумма а дац, хьажийта!

Нуьцкьах ала мегар долуш Мансурера гIутакх схьа а даьккхина, шен бIаьргех куьзганаш доьхкина, леррина гIутакх чу а хьаьжна, цу чохь дерг шена ца гича, цу чуьра шат кехата тIе а йоьттина, чIешалгаца кегийра цо.

– Хьажахьа, Галя, суна дика са ца го.

ЙоІ, цунна улло охъа а лахйелла, шате хъаъжира.

– ХІаъ, пехашца цамгар йу. Дукха хан а йац кхетта. Хъажийтал хъайн матте. Иштта, бага а гІаттайай, мотт араб-аккхал. Кхуьнгахъ дика хъал дац, Вася. Схъагайтал хъайн куьг. Пульс дукха вуон а йац. Дагар ду-кх. Больнице охъавилла вигча, муха хир дара-те?

ЙоІан накъост Мансурна тІевирзира.

– Воккха стаг кхерамечу хъолехъ ву. Пехех цамгар кхетта цунна. Тхойша лор ду. Больнице охъавижа веза хІара. Цхъана баттахъ Іиллича, толур ву хъан папаша. Вало.

– Цо хІун боху? – хъаттира Матас.

Мансура дерриге а дІадийцира.

– ХІан-хІа, гІуллакх хир дац цунах. Суна а хъа сайна пехашца цамгар йуйла а, иза вуон цамгар йуйла а. Вайшинна йеллачу бакъонна тІейазйинарг итт де хан йу. Цунах бархІ де дІадели, ши де бен хан ца йисина.

– ХІун боху папашас? – хъаттира йоІа.

– ГІуллакх хир дац. Тхойшиннан бакъо йац кхузахъ саца.

– ХІунда?

– Тхойша нохчо ву. И ду дерриге а галдаьлларг.

Къона стаг велавелира.

– Шу нохчий хилар тхойшинна бІаьрг ма-кхийтти хиира. Вало ший а. Караташ гена йац кхузара дІа. Ткъе итт километр йелахъ кхин йац. Хъо дІагІур ву, папаша кхузахъ вуьсур ву. Цхъа бутт баьлча, хъо йухавеача, хІара товелла карор ву хъуна. ТІаккха цхъаьний дІагІор шуьшиь.

– Эх!е, д!аваьллахь! Тхойшиь иштта ловзуш хьан лоблуйь-ту хьуна! – г!айг!ане велавелира Мансур.

– Х!инцца больнице охьавижина, сихха дарбанаш ца ле-ладахь, цамгар генайер йу, – йукъаг!оьртира йо!.

Мансура ойла йира. Дех дага а велира.

– Х!ан-х!а, г!уллакх хир дац цунах. Воккхачу стагана хаьа шен цамгар кхераме йуйла. Кхузахь сацахь, ши де д!а ма-деллина ца воллахь а, товелла, больницера ара ма-веллинехь, чувуллур ву ша боху. Т!аккха а лийр ву набахтехь. Тхойша шина дийнахь д!акхача веза. Караташехь больнице охьавуь-жур ву иза. Шен болх Делан кара буьллу ша, боху.

– Ас т!елоцу, товелча, иза чу ца воллийта. Хьалаг!атта ший а, – дехар дира къоначу стага.

Х!инцца Мансур велавелира.

– И хьан карахь г!уллакх дац. Баркалла шуьшинна! Шум тхойшинна г!о дан г!ертара. Амма, шуна мел ч!ог!а лаарх, х!ара ши де д!адаьлча, тхойшиннах жоп далалур дац шуь-шинга.

Шаьш бохург ца хуьлий хиьча, йуьстах а даьлла, дехха къ-ийсира цаьршимма. Т!аккха йуха а т!едеара.

– Тховса мичахь Иийр ду шу? – хаьттира стага.

– Хаац. Дитахь, чайхана чохь Иийр ду, ца дитахь – кхузахь ца Иийча а девр дац.

– Вася, цаьршингахь ахча ма дац, – элира йо!а, шен накъ-остан лере а таь!на.

Вукхо, шен массо кисана куьг а !оьттина, цатам хилла кор-

та хъовзийра. ТIаккха кхушинна маслаIат деш, хаза къамел а дина, дIадахара и шиъ.

* * *

Тховса йуучунна а, буйса йаккха меттигна а цхъа таро йан дезара. Цуьнан ойла йеш, даьсса таьлсаш, хъарчийна, пхъаьрса кIел а доьркина, йуьрта йуккье кхъачча, Мансур таьлсаш эца стаг лохуш лелара. Эххар а, чайхана уллохь цхъана жимачу цIелаг чохь болх беш волчу мачийн пхьеро, дуккха а мах кыйсинчул тIаьхъа, пхеа тьюманах дIаййцира цуьнгара уш.

Пхи тьюма. ГIаймакх санна, буткъа, куьйгал боккха узбекийн ши хьокхам богIу цунах. И шиъ-м буур бара цаьршимма, тIаккха буйса йаккхарна хIун дан деза? Кхалла хIума нисйалар а ду доккха хIума. Мансурна цамобттинчу тайпана дика мах хили цунах. Таьлсаш а дацара вуон. ЦIеначу тIергIан, цIен, можий, Iаьржа а мохарш йолуш, даккхий цIена таьлсаш. ДIабели Мансуран ненан тIаьхъара безам а.

Мачийн пхьеро шега делла кегийра ахча дагардеш воллчу Мансуран белша тIе кIоршаме куьг диллира цхъамма. Хъалахъаьжначу кIантана гира шена тIе обгIазе ши бIаьрг а боьгIна лаятта кортахь сийна фуражка а, белшаш тIехь майоран погонаш а йолуш Iаьржачу аматахь, векъана, лекха узбек.

– Документаш! – элира цо Мансуран белш а Iовдуш.

Мансура, шен четара ден бумаьждиг схъа а йаьккхина, цу чохь шалхатобхна Iуьллу шайн бакьо майоре дIайелира...

Ткъа вукхо, тле а ца хьожуш, иза шен киталан хьалхарчу кисана йобллира.

– Кхузахь сацалахь, со араваллалц, – Мансуре ома а дина, чайхана чу вахара иза. Майоре хьобжуш вехха арахь хЮьттина а лаьттина, иза аравериг хиларх дог а диллина, цунах хилларг хаа а, кхаллар а эца дагахь чайхана чувахана Мансур, ша чобхьаваьлча, кхин дIагIорта озавелла неIарехь сецира. ПаргIат чай муьйлуш, кIедачу гIайбешна тIе ах дIа а тевжина, Гуьллура майор. Беркъа, тиша неIарх чобхьаваьллачу Мансурна тIехь сецира чайхана чохь болчу нехан тидам. Цхьанхьа гуо а бина хиьна Iачу иттех стага, шайна тIе а кхайкхина, хеттарши дира цуьнга. Таккха массара а, кхоккха, пхиппа сом тIекIел а тоьхна, Мансуре ахча кховдийра цара. Мансура дуьхьалойира.

– ДIаэца, дIаэца, – бохура къеначу узбеко. – СагIина лург дIа ца эцча, иэхь ду тхан нехан. Хьайн да схьавалавай, шаьшшинна йовхха хIума а йайй, кху чохь буйьса йаккха.

Ахча схьа а эцна, царна баркалла а аьлла, аравала кечвеллачу Мансурна улло хЮьтттира хьалхалера майор. Цуьнца вара ткье пхийтта-шовзткъа шо хенара цхьа узбек а. Дехьо нахаца чай молуш хиьна Iен цхьа стаг шена тIе кхайкхира майора.

– Алимжанов, схьавоьл цкъа. ДIога тIай кIел хиьна Iаш кхин а цхьа къена чечен ву хьуна. Кху кIентан да. И шиь а, хIара стаг а – хIорш кхоь со волчу дIа а вигий, дежурнега дIало, – Мансур а, важа узбек а хьалхатеттира майоро. – Со

хъе ца луш д'авог'у ала.

Мансур а, важа узбек а х'алха а ваьккхина, т'ай долчухъа д'аволавелира Алимжанов.

«Х'ан, х'инца д'адоладели х'уна х'ара, – догдуйхира Мансуран. – Дада т'ай к'ел вуйла а хиъна. Цх'амма д'ааьлла-кх. Йуха а лем¹¹, йаппарш... Дух'яло йан цх'а жимма а ницкъ а хилла, шух летта ца велча, дош ма дацара х'ара...»

Суйре шийло йара. Цул сов, хин тог'ица шийла мох х'оькхура. Голаш мере а оьзна, суьлх'анаш х'ийзош хиъна йара Мата. Уллохъ даржийначу газета т'ехъ Юхкура цх'а буханка к'айн бепиг а, ах кийла хиллал налха а, цх'а литар дог'у шиша дуьззина шура а, йак'ийна кишмаш а.

Цецваьллачу Мансуран ши б'аьрг къаьрзира. Дийнна бахам бара цунна гург.

– Х'орш мичара йевлла х'уна, дада?

– И ши оьрси х'орш йох'уш йухадеара. Итт туьма ахча а делла вайшинна. Сх'а ца эца г'иртира со, амма и шиь к'ар ца делира. Чайхане а г'ой, цигахъ х'ума а йааий, буйса йаккха, бохура...

– Буйса йаьккхина вели моьтту суна вайша, – доккха са даьккхира Мансура.

Доллучух а кхетта Мата, вевзаш воцчу шина стаге б'аьрг а тоьхна, шен Далла г'уллакх до'ица д'а а дерзийна, суьлх'анаш кисана а тийсина, куьг лаьттах а г'ортош, х'ялаг'еттира. ...Поппарх чир йуттуш йиначу лекхачу баролан г'юпан

¹¹ Лем – допрос

готтачу неАрх чекх а ваьккхина, вигна, цхьана ширачу даккхийчу ценойн неАрехь хЮрш кхоъ а витина, чувахана Алимжанов, шеца милцо а валош сихха ара а ваьлла, хЮрш цуьнга да а белла, давахара.Ткъа милщочо, дежурки чу а бигна, охьаховшийра.

Цхьадика, дукха хье ца луш схьавеара майор. Милщочо цунна сийдаларх а, ткъа вукхо цуьнга ларамаза дешнаш кхиссарх а Мансурна хиира майор кхузахь коьрта стаг хилар. Шен кабинете а ца воьдуш, кхузахь, дежурки чохь, гЮллакх къасто вуьлира иза. Лем кхушиннан накъостна тЮера даболийра. Майоро хаттар дича, хьала ца гЮттуш хьевелира узбек. Амма вукхо цЮгIане тоьхначу маьхаро хьалаэккхийтина иза, Iад санна, вулавелла хЮьттира. Оцу цхьана шарахь меттигерчу къоман меттанех гIеххьачул кхеттачу Мансурна хиира и шайца валийна узбек оцу областан кхечу районера хилар а, иза шен йиша йолчу Заркенте воьдуш хилар а, цуьнгахь цхьа а тайпа документаш цахилар а. Маьттаза дешнаш йукъа а далош чехавора иза майора. Амма важа дуьхьал вист ца хуьлура. Майор цхьа хЮума аьлла шена тIечевхича, шен йукъах дихкина гата да а даьстина, гата кара а лаьцна, ши куьг дегIаца охьа а дахийтина, малвелла дахЮьттира узбек.

ТIаккха, хьала а гIеттина, тIекхоссавеллачу майоро цхьа къиза катоьхна некха тIера халат шен буйна а хьовзийна, да-ластийна, пенах корта а кхеташ, соне аркъал туьйхира иза. Цуьнан четара охьадуьйжира муьлххачу а узбеко даим а шеца лелош хуьлу церан къоман урс. Схьахетарехь, оцу ста-

ге шен кисанара хІуманаш схъайаха бохуш хиллера майора. Урс гича, кхин тІе а карзахваьллачу майоро, катоьхна халат кочера схъа а лаьцна, озийна хъала а гІаттийна, шена тІе а оьзна, хьерваьлча санна, мохь а хьобкхуш, оцу мисканна бетах масазза а тІара туйхира.

– Чуволла иза! Соьгара бакъонца бен, цхъа а тайпа рицкъа а ма ло цунна! – эххар а оьрсийн маттахь овра дира цо неІарехь лаьтгачу дежурничуьнга.

Дежурни милцо йухавеача, цо шена тІекхайкхийтира цхъа лейтенант. Майоро, шен киснара схъайаьккхина МатагІеран бакъо шена хъалха стоьла тІе охъа а йиллина, йаржош нисйира.

– Мичара вогІу шуьшиь?

– Ош областерчу Узген районера, – жоп делира Мансура.

– Стенга воьду?

– Джалал-Абад областерчу Караташ районе.

– ХІунда?

– Гергарниш болчу.

– Воккхачу стага хІун до гергарниш болчохь? Иза-х кестта лийр ву. Къена вир. ХъалагІатта! – мохь хъаькхира майоро.

Мата халла хъалаайъавелира.

– Бандиталла дукха лелийний ахь? Фрицашна мел гІюдина ахь? АхІа! Цхъана куьйган пІелгаш дац! Хъан даьхна хъан уьш?

– Граждански тІом болчу хенахь..., – йукъагІоьртира Мансур.

– ХІай-хІа! Басмач хиллийца! И дІилда а йу хъан банди-
тачух тера!

– ХІан-хІа, воккха стаг а, цуънан ваша а советан Іедалехъа
вара. Соьлжа-гІалахъ бІедийнан гІамехъ чевнаш хиллера ца-
ършинна...

– Сацийта, зуьдан кІеза! Хъан болх ас йийр йу! Коменда-
туро бакъо воккхачу стагана бен ца йелла, ткъа хъо мича ба-
къонца лела?

«Ванах, оцу узбекна санна, тхойшинна а йетта волалахъ,
охашимма хІун де-те? Дуьхъало йан ницкъ бацахъ а, сатоха-
лур ма дац соьга. ТІаккха, дуьхъало йина аьлла, ший а таШий-
на чувуллур ву...»

– Со а ву оццу бакъонна тІейазвина. ТІехъа агІор хъажа...
Майоро, стоьла тІе кхоьссина кхушиннан бакъонан кехат
схъа а эцна, цуънан шина а агІон тІе хъаьжира лейтенант. ТІ-
аккха меллаша майоре вистхилира:

– Кху тІехъ дерриге а нийса ду, накъост майор. Бакъо ден
цІарах йелла, ткъа кІант букъа тІехъа йазвина ву.

– ХІунда сецна шуьшиь кхузахъ? – лейтенанте ла а доьгІ-
на, йуха а мохъ хъекха хІоьттира майор. – Узбекистанан тер-
ритори шайна йихкиний ца хаь шуна?

– Караташ районе боьду некъ кхузашхула чекхболуш ма
бу...

– Некъ, некъ! Некъ беллахъ, сеца а ца соьцуш, дІагІо. На-
гахъ санна цхъа сахът далале районан центрера дІа ца вала-
хъ, ас таШийна чувуллур ву шуьшиь. Кхетий хъо, вирбекъа?

Сан бакъо йу суд йоцуш шуьшинна ткъе пхиппа шо хан тоха. Йахийта!

Матина йовхарш йаьхкира.

– Буйса тЕкхаьчча йаьлла. Сан къена да цомгаш ву. Тхойша мича гIур ву? – ах-оьгIазе, ах-дехарца хаьттира Мансура. – Тхойшиннан долахь хIинца а ши де хан йисина...

– Амма суна йуха цкъа гойла-кх шуьшиь кхузахь. ХIокху йуьртара аравала ах сахьт хан йу шуьшинна!

Оцу дерриге а къамеле резавоцуш ладоьгIуш а, къеначу Матига доглозуш хьоьжуш а Ийна лейтенант, майор чуьра араволуш тIаьхьа а сецна, Мансуран лере таьИра:

– Шуьшиь гена вахалур вац. Воккха стаг гIийла ву. ТIайл дехьа ваьлча, дукха генайоццуш цхьа жима чайхана йу шуна. Цигахь буйса йаккха. Ткъа шаьшшиь начальникна йуха гучух а ларло. Дера стаг ву шуна иза.

Мата а, Мансур а бода болале йуьртах аравала сихвелира...

XII

Кешнашкара араваьлла воьгIучу Галхина ишколна уллохула тЕхволуш дагадеара ша дIабаханчу баттахь партвзнос дIайелла цахилар. И декхар тIерадалар а, суьйранна делахь а, шен хьаша Бороденко гар а хир ду аьлла, школе чувирзира иза.

Николай Кузьмич шен кабинета чохь а ца карийна, школан кертахь долчу церан цIа вахара Галха. Арайаьллачу хIу-

самнанас, хІара чу ца веача, неІ тІе ца чІегІира.

– Валол чу. Таханлера де билгалдаккха накъост воцуш охъахиъна доллура тхойша.

Іалхина хІинцца дагадеара тахана 23-гІа февраль хилар.

Стоъла тІехъ ангалин жимачу кхабанна чу хІоттийна хІетта ломан когашкахъ маълхан басешкахъ хъаладийла доьлладу кегийчу зезагийн курс йара. Бошхепаш чохъ – борщ, хи чу йоьхкина наьрсаш, копаста а. КхоалгІа гІант хІоттийна, Іалха охъахаййра цара. Буфетан неІ схъа а йиллина, оцу чуьра схъаэцна буьххье боьллина кехатан тІус болуш шиша а, кхоъ стака а деара Николай Кузьмича.

– Оха тхаьш даьккхина къаьркъа ду хІара, Іалха, – элира цо, иза стаканашна чу а дуттуш. – ХІан, дІаэца!

Николай Кузьмич цхъана ханна вист ца хуьлуш Іийра, стаци чу а хьоьжуш.

– Хьомсара накъостий! – долийра цо хьурматечу озаца. – Тахана ткъе ворхІ шо кхаьчна Советски Эскаран а, Теман-хІордан Флотан а. Вайн даймахкана уггар халачу шарахъ кхолладелладу Белхалойн-Ахархойн ЦІечу Эскаротурпала некъ бина оцу ткъе вархІ шарахъ. Граждански тІамехъ контрреволюцин, интервентийн гІеранаш хІаллакйира цо. Польски, японски, фински агрессорш этира. Йерриг Европа шен когашна кІел йоьллина, стешхачу йамартлонца вайн Даймахкана тІелетта, вайн маьрша йарташ, гІаланаш йохош, бІе эзарнаш советски адамаш хІаллакдеш, бІе эзарнаш лолле дІалоьхкуш, хьердевлла лела фашистски экха отуш, лобл-

луш, шен тунгари чу дладуьгу вайн турпалчу эскарша. Дукха хан ца йисина вай толаман де даздан. Даймехкан маршо, сий лардеш эгначу, Даймехкан маршо, сий лардеш тахана а леш болчу советски бѣаьхошна тѣра, церан хуьнаршна тѣра, церан аьттонна тѣра, толамна тѣра хѣара кад дѣамер вай!

Николай Кузьмича цхьа кьурд бина дассийра шен стака. Мария Петровнас, жима кьурд бина, охьахЮттийра. Ткъа Іалхас шениг бете а ца даьхьира.

– Іалха, ахь хІун до?! – цецвелира наьрсах тасавелла воллу Николай Кузьмич. – Ахь хьалха-м ма молура?

– Тахана ца молу ас.

– И хІун ду? Тахана а ца мелла, хѣара маца а, хьанна тѣра а мала воллу хьо?

– Ма хеттахьа, Николай. Цул, соьга хІума йаийтахьа. Тахана кийра рицкъа дахана дац сан.

Мария Петровнас, йовха борщ йобьтина, бошхап хьалха хЮттийра цунна. Іалха йиьна валлалц вист ца хуьлуш Іийра Николай Кузьмич.

– Бехк ма биллахьа суна, Іалха. Суна дагара даьллера нийсса шо хьалха, 23-чу февралехь, шу махкахдахар... Ам-ма... Шун бохамна бехке вайшиь санна болу советски тѣ-малой ма бац.

Іалха, вист ца хуьлуш, мѣраца копаста кегош Іара.

– Ас хьуна дийца ма ца оьшу фронтехь вай а, вайн накьосташа а лайнарг, ловш дерг а. Фашисташа оккупаци йиначу Украинехь, Белоруссехь, Россин областашкахь а динарг.

Эххар а мIара стоьла тIе охьа а биллина, дегI нисдина,
доккха садаьккхира Iалхас.

– Иштта-м, дера, дара иза, Николай. Украинехь, Белорус-
сехь,

Россин малхбузе областашкахь йарташ, гIаланаш йохий-
на, бIе эзарнаш машаре адамаш дайъина, эзарнаш лолле диг-
на. Байъинарш а, белларш а денлур бац, амма йийсаре лец-
нарш а, лолле бигнарш а шайн даймахка ца боьрзур бу.
Украинцаша, белорусаша, оьрсаша шайн йарташ, гIаланаш,
бахамаш меттахIиттор бу. Йукъахйисинчуьра дIа керла гIулч
йоккхуш дIайолалур йу культура. Йазийр йу историн кер-
ла агIонаш. ХIокху тIамехь шайн халкъаша гайтина турпа-
ла хьуьнарш гойтуш. Цара а, вайн махкарчу массо халкъаша
а. ХIунда аьлча церан даймохк бу, шайн дайн лаьттах кIорг-
га тесна орамаш ду церан. Орам буьтуш, хадийна дитт, йуха
маргIалш а тосий, денлой, заза доккхий, дIахIутту, цунна тIе-
ра даьржинчу стоьмаша кхин хьун кхийайо. Амма орамашца
бух даьккхина дIакхоьссина дитт, дакъалой, дахкалой, хIал-
лакхуьлу. Ткъа нохчий а, гIалгIай а, кхин масех халкъ а
и орамаш бухдохуш шайн даймахках даьхна, казахийн аре-
нашка, лаьмнашка даржийна. Уьш хIаллакхуьлуш ду, мозий
санна, мацалла, шелонна. Шайга беана бохам цалалуш а. Ю-
жалла ца хилла дийна бисинчех хIун хир ду? Цхьа ах бIе, бIе
шо даьлча, бухарчу къаьмнех дIайина, ларйоцуш довр ду и
халкъаш. Шайн къоман мотт, истори, культура, гIиллакхаш,
амалш йицйина. Дуьненахь нохчийн, гIалгIайн, гIалмакхойн,

балкхаройн, кхарачойн, гИрмерчу гЕзалойн а халкъаш хиллийла хууш цхъа кЕззиг Илманчаш хир бу. Оцу халкъийн цЕ йоккхур йу «деллачу халкъашна» йукъахь. Тлаккха хаьий хьуна, Николай, сан халкъе беанарг мел боккха бала бу?

Николай Кузьмич, шен киснара бIаран диттах дина томкийн гIутах схъа а даьккхина, газетах цигаьрка хьарчо вуйлира.

–Ас-м цхъа бIе шо даьлча хиндерг дуьйцу, – йуха а къамел долиьра Iалхас. – Тхо махках даьхна цхъа шо кхаьчна, амма тхо махках дохуш йа схьадалош новкъахь гинчарна, йа кхузахь дехачу халкъашний бен ца хаьа тхо махках даьхнийла, тхоьга хIоттийна Iазап а. Ткъа иза хууш болчу нахах дукхахберш теша тхуна тIехь дина таIзар нийса дина хиларх. Уьш теша, нохчаша Гитлерна гIо дина, нохчаша даймахкана йамартло, тешнабехк бина, уьш шен йерриг исторехь Россина тIелеташ, разбойникаш, цIийна сутара халкъ хилла бохуш, даржочу харц эладитанех. Царна ца хаьа нохчийн халкъо цхъа а кхечу къоман махках цхъа ге латта а дIа ца лаьцнийла а, кхечу халкъан махка тIе а бевлла, цхъана а стеган цIий ца Iанийнийла а, цхъана а халкъан маршонна дуьхьал герз ца айбинийла а. Масех бIе шарахь нохчийн халкъо шен маршонехъа кьийсам латтийна паччахьан колонизаторшна дуьхьал. Ткъа нохчийн халкъо Гитлерна гIо муха до, нохчийн махка тIе фашистийн цхъана а салтичо ког биллина ца хилча?

Къамеле бевллачу божаршна йуург йицйеллийла хиьна,

Мария Петровна чай кечдан хЮьттира. Даима шен коьртехь бала хилла лаьтга цхьа хаттар дан йукъ ца йолуш, цигаьрка уьйзуш Iара Николай Кузьмич.

– Шуна йукъахь дуккха а бандиташ хилла бохуш а дуьй-цура..., –волавелира иза.

Амма Iалхас оьгIазе йукъахваьккхира:

– Бандиташ, йовсарш йукъахь йоцуш халкъ дийцал ахь? Украинехь, Белорусехь, Россехь кIезиг бу тахана бандиташ, дезертираш, даймахкана йамарт хилла нах? Фашисташкахьа бевлла, шайн даймахкана дуьхьал летарш? Полицайш? Ткъа Власовн эскар? ГIалгIазкхийн корпусаш? Юккьерчу Азерчу, Закавказерчу, Прибалтикерчу халкъийн легионаш? БIе эзарнаш бу уьш, фашисташкахьа, шайн халкъан даймахкан мо-стагIашкахьа а, бевлла, советски эскаршна духьал тIом беш, шайн къоман вежарийн цIий Iенош. Буй?

– Бу..., – корта таIийра Николай Кузьмича.

– XIара тIом болабеллачу хьалхарчу шина шарахь шовзткъа эзар сов нохчо а, гIалгIа а вахана фронте. Царах дук-хахберш – шайн лаамехь. Царах цхьа а стаг йийсаре ца ва-хана шайн лаамехь. Бертаза йийсаре нисбеллачу нохчех а, гIалгIайх а цхьа взвод а вовшех ца тохайелла фашисташка. XIунда аьлча тхо цкъа а йамарт хилла дац даймахкана, хал-къана, доттагIашна а, цхьанне а. Ткъа бандитех дерг аьлча, уьш бацара тхан. Цкъа а хилла а бац. Паччахьан эскарша тхан мохк дIалоцуш, дуьззинчу шина бIе шарахь царна дуь-хьал тIом бина нохчийн халкъо. Оцу тIамехь ах халкъ хIал-

лакьхилча, уггар тоьллачуьра ах мохк шайгара дАбаьккхи-
ча, кхин дА дуьхьало йан ницкъ ца тоьъча, паччахьан прави-
тельствоца машаре барт бина, тIом сацийра тхан дайша. Ам-
ма Нохчийчохь российскийски Iедал чIагIделча, паччахьан пра-
вительствос йамартлонца бохийра и барт. ТIаккха масазза а
гIеттира халкъ. ХIор а гIаттам чекхболура нохчийн йарташ
йагош, адам хIаллакдеш, Сибрех лохкуш. Йукьарчу гIатта-
мах догдиллина, амма паччахьан къизаллина, Iазапна, олал-
лина кIел севцца, лайш хилла баха ца луу нах, лаьмнашкахь,
хьаннашкахь къайла а буьйлуш, цхьацца ша-ша, йа кегий-
рачу тобанашкахь цхьаьна а кхетий, партизански тIом бан
буьйлира. Царах обаргаш олура, ткъа оьрсийн зорбанехь –
абрекаш. Революци хилча, нохчийн, гIалгIайн халкъаш, цхь-
аь санна, массо а стаг цуьнгахьа велира. ХIунда аьлча, боль-
шевикаша царна дош делира, бIешерашкахь цара сатийсина,
шегахьа цара турпала къийсам латтийна, оцу къийсамехь бIе
эзарнаш кIентий хIаллакьхилла маршо, латта а царна дала.
Советан Iедалехьа тIамехь итт эзарнаш кIентий байъира, ит-
таннаш йарташ йагийра. Ткъа оццул хала тIамца, цIийца оха
даьккхинчу Iедало а кхочуш ца дира шен дош.

Латта а ца делира, маршо а ца йелира. Колхозаш йох-
куш, нехан долара бежана, сту, гота, воргданаш а дIайехи-
ра. Кулакаш бу бохуш, цхьа миска нах махках бехира. Тхан
баккхий нах, Iеламнах а хIаллакбира. Тхан маьждигаш до-
хийра, КъорIанаш, жайнаш дагийра. Тхан дин, къоман гIил-
лакхаш сийсаздира.

– Иза-м массанхъа а хилира, Іалха. Шу доцчарна а...

– Хаъа суна. Кхин долу халкъаш, дуьхьало ца йеш, Іахарий санна, шайна арсаш хьобкхуьйтуш Іийра. Оха цкъа а ца лайна харцо, хийра олалла. Оха тхайн ницкъ ма-кхоччу кьийси-на Ежовн, Бериян чалтачашца. Цундела ца дезара тхан халкъ паччахъан Іедална а, хІинца долчунна а. ХІокху тІамехъ тхан кІенташа жигара дакъалаьцна, турпала хьуьнарш гайтина. ТІом болабеллачу хьалхарчу шерашкахъ пхеа нохчочунна турпалхочун цІераш техкина. Йерриг Ази, ах Европа дІа а лаяцна, цигара халкъаш лолле дерзийна, шина бІе шарахъ сов Іийначу татаро-монголийн ханашка а ца къарделла тхан халкъ. Лам чу йуха а девлла, хаддаза тІемаш беш тхан дайша шина бІешарахъ самалхадала ца битина уьш. Тхан махка тІехъ хаддаза шовзткъа эзар тІемало а, уггар говза полководцаш а латто дезна церан. Немцой тхан махка кхаьчнехъ, тхо царна къарлур дара моятту хьуна? Цара тхан зударий сийсазбеш, нах бойьуш нохчий таьІна Іийр бара моятту хьуна? Оха тхешан латта къахьдийр дара царна! Тхо йамарт ца хилла дела, кІилло ца хилла дела, тхуна маршо йезарна даьхна тхо махках. Йамарт болчарна, харцонаш лелочарна, къизачарна дуьхьал кьийсарна, маршо, нийсо йезарна даьхна тхо махках!

Ца чохъ цхъана йукъана тийналла хІоьттира. Иштта, цхъа дагна бала Іаьткъича бен кху тІаьххьарчу шина баттахъ цигаьрка ца узуш волчу Іалхас, шена цигаьрка а хьарчийна, боккха баьккхина кІур пехашна кІорге чууьйзира. Цунна

дуьхьалхЮьтттира, пхи бутт хьалха ша госпиталера араваьлча, винчу лаьмнашка вахар. Грознера дIа гIаш воьдура иза. ХIетта йирзинчу чевнаша хаамаш бора некъ бан воьлча. Къ-аьсттина чIу бойначу настаро. Цхьаннахьа а ца гора нохчо. Аренца йарташкахь – хIетта кхуза кхалхо болийна оьрсий, лам чу воьлча – суьйлий. Дай цIера бевлча, тишделла цIе-нош, ков-керташ. Доьхна некъаш, тIайш. ГIийла лаьтта кеш-наш. Акхадевлла лела жIаьлеш, цицигаш. Дукхахдолу цIе-нош, хIинца а керла дай схьакхачаза, даьсса лаьттара.

Къематде хЮьтттинера Iалхин Даймахкахь.

Кхо де-буьйса даьккхира цо винчу йуьртахь. Дийнахь хь-аннашка, лаьмнашка а воьдуш. Шен дай баьхначу, ша винчу, бераллехь ша левзинчу меттигашка тIаьххьара бIаьрг то-ха. КхоалгIачу дийнахь тIаьххьара лаьмнашка а вахана, цхь-ана лекхачу орца тIе хьала а ваьлла, гондIа бIаьрг бетташ иза хиьна Iаш, цунна тIевеара герзаца кечвелла да а, ши кIант а.

Цара Iалхина дийцира тешнабехк бина нохчийн халкъ махках муха даьккхира. Уьш кхоь оцу дийнахь цIахь вацара. Кху лаьмнашкахь жа дажош вара. Хилларг царна хиира кIира даьллачул тIаьхьа. ХIинца уьш кхоь шайн даймахкахь лечкъаш лелара. Йуьрта баха а ца баьхьаш. Адамашна гучу-бовла а ца баьхьаш. Акхарой санна, адамех къехкаш.

– Таханлера дезчу денна тIера кад хIунда ца молу бохуш, соьга бехкаш доху ахь, – ойланаш дIа а лаьхкина, вистхи-лира Iалха. – Хьуна ца хаьа, тхан халкъ махках доккхучу дийнахь советски эпсарша а, салташа а Нохчийчохь гайтина

«хьюьнарш». ХIара де даздан митинге кхойкху аьлла, тешна-
бехк бина, йалхитта шарера хьала берриг божарий школаш-
ка, клубашка а гулбина, царна тIе пулеметаш йерзийна, цхь-
ана стага а дуьхьало йахь, уьш а, цахь дисина зударий, бе-
раш дойьур ду аьлла, шина сохьтехь оцу шийлачу Iай, дук-
хахберш когашIуьйра, массо адам йарташкара арадаьккхи-
нера. Оцу Iуьйранна хиндерг ца хууш, шайн гIуллакхашна
йуьртал арабуьйлу нах, зударий, бераш дайьинера. ТIе ма-
шина, ворда ца йахалучу ламанан йарташкара дерриг ада-
маш, цхьаццанхьа гIишлош чу а гулдеш, тIе бензин детташ,
цIераш туьйсуш, дагийнера. Йуьртара арадаьхначу адамаш-
на йукьара гIаш ца бахало кьена а, цомгаш а нах, йуьстах а
бохуш, автоматашца байьина. Больницешкахь цомгаш Iохку
нохчий, мехий детташ байьина. Кавказера схьа оцу бехачу
некъаца даIахкаш Iохку байьинчу, беллачу нохчийн. Дий-
нахь-буса, цкъа-шозза эшалон сацош хилла цхьанхьа йаьсса-
чу арахь. Нах нишка бовлийта. Эшелонна итт метр генаваьл-
ларг вуьйш хилла. Зударийн сий до, зударшна хезаш цкъа а
маьтгаза дош ца аьлла оьзда нохчий, лаьтта бIаьра а богIа-
лой, шайн гIуллакх дан охьалахлуш хилла. Зударий а, божар-
ий а. И изьх тIе ца лаца, ара ца бовлуш, ахаргаш лилхина
белла дукха зударий. Дийца воьлча, дукха ду уьш. Ткъа ахь
оцу эскарна тIера кад мала боху! Дависарг-йаI, Iедало шена
тешнабехк беш буйла цхьа де хьалха хии делара сан халкъа-
на! Хиьнехь, тахана тхо кхузахь хир дацара. Тхан махка тIе-
ра цхьа салти а дийна аравер вацара, йа тхо дерриг цигахь

делла хир дара!

Мария Петровна с чай доьттира. Пиали чохь накхаран моз а хЮттийра.

– Изза хьал ма хЮттийна миллионаш адамашка... Кулакаш бина, махках баьхна а, бехк-гуьнахь доцуш лецна а...

– Хан-хIа, Николай, тхан халкъана тIехь санна, харцо ца лелийна цхъана а халкъана тIехь. Дуьне кхолладелчхъана. Ас йуха а боху хьобга, кулакаш бинчийн, лецначийн, байъинчийн шайн даймохк, оцу даймаккахь доьзалш, гергарнаш бисина. Шен хан йаьккхича валаза висинарг царна тIе вухавирзина, йа воьрзур ву. Тхоьгара даймохк дIабаьккхина. Тхан халкъо эзарнаш шерашкахь кхоьллинарг хIаллакдина. Тхоьга тхешан халкъан истори, мотт, культура а йицIайта, тхан синкхетам дIабаккха, тхо иэсах даха, дуьне мел ду даржийна!

Николай Кузьмич, чай шена хьалха а оьзна, бепиган ца-старна тIе моз хьакха вуьйлира.

– Иштта хир дац иза, Iалха. Харцонаш лелла вайн махкахь. Иза шеко йоцуш ду. Амма, тIом чекхбаьлча, дерриг къастийна, нисдийр ду. Шу а доьрзур ду шайн даймакха. Тахана цкъа хала а, чолхе а зама йу хЮьттинарг. Шун халкъан исторех цхьадерш хаьара суна. Аш бIешерашкахь шайн къоман маршонехь а, тIаккха советан Iедалехь а латтийна турпала къийсам. ХIинца тIекхоьллинчу эладитанаша тиларчу вигнера со. Ас дукха ойла йора, хIунда даьккхина и халкъ махках? Со санна, кхетар ду вайн махкара халкъаш. Шуна бехк-гуьнахь доцуш къиза таIзар динийла хиьча, цара а шуьгахьа гIо

доккхуш, аз ойур ду.

Іалхас цавешаш куьг ластийра.

– Россерчу халкъийн аз дан а дац. Хилла а дац цкъа а. Даима кхоьруш, даим кхерош, лоллехъ латтийна. Шайна тІехъ мел йоккха харцо, къизалла латтайарх, дуьхъало йан а ца даьхъаш. Ша маьрша а доцуш, маршо йаккха гІоьртина халкъ шен цІийла а карчош... Революци хилале хъалха шина бІе шарахъ паччахъан эскарша тхан йарташ йагош, тхан зударий, бераш, къена нах хІаллакбеш, тхо махках дохуш туркойн махка а, Сибрех а хъийсош, биэндоцуш хъуьйсусх Іийна Россера къаьмнаш. Шайн йоцу маршо йаккха гІертарна, шайгахъ доцу добналла цаьргахъ хиларна, нохчий ца безна цхъана а къомана. Цундела, цкъа а цхъана а халкъера гІо а ца хилла нохчашна!

Мария Петровнас чиркх латийча бен ца хиира Іалхина ша кхузахъ дуккха а хан йаьккхинийла. ХІинца хІокху цІемзачу буса йалх километр гена гІаш дІаваха везара. Шелделла шен чай дІа а мелла, хІусамдайн Іудика а йина, араваьллачу цуьнан йуьхъа дуьхъал шийла мох а, тІуьначу лайн дарц а кхийтира...

(1960–1962 шш.)